

ՅԵ. ԱՊԼԱՆՑՈՅ

# ՎԱԶԻ ԲԱԶՄԱՑՈՒՄԸ ԿՏՐՈՆՆԵՐԻ ՄԻԶՈՑՈՎ

(ՅԵՐԿՈՐԴ ԵՐԱՎԱԾ ՅԵՎ ՄԱՐԵՓՈԽՎԱՆԻ ՀՐԱՄԱՎԱՐՈՒՆ)


8 DEC 2017

ՀԱՅԿԱՆԻ ԽՍՀ ՀՈՂՔՈՂԿՈՄԱՏ  
ԱԶԳԵԳՈՐԾԱԿԱՆ ՎԱՐՉՈՒԹՅՈՒՆ

ՅԵ. Ա.ԱԼԱՆՅԱՆ

ՎԱԶԻ ԲԱԶՄԱՑՈՒՄԸ  
ԿՏՐՈՆՆԵՐԻ ՄԻՋՈՑՈՎ

(ՅԵՐԿՐՈՐԴ ԼՐԱՑՎԱԾ ՅԵԿ ԲԱՆՔՈՒՎԱԾ ՀՐԱՏԱՐԱԿՈՒԹՅՈՒՆ)



## I. ԳԱՂԱՓԱՐ ՎԱԶԻ ԲԱԶՄԱՑՄԱՆ ՄԱՍԻՆ

Կազը կարելի յե բազմացնել սեռական և անսեռ (վեգետատիվ) յեղանակով։ Առաջին դեպքում բազմացումը կատարում են սերմերով (կորիգներով), յերկրորդ դեպքում՝ կտրոնների (մատերի), անդալիսի և պատվաստի միջոցով՝ բազմացման այս յեղանակները գործնական այգեգործության համար չունեն միենույն արժեքն ու նշանակությունը։ Բազմացման այս կամ այն յեղանակի կիրառումը կախված է կամ վազի մշակության պայմաններից, կամ թե այն նպատակից, վորը տվյալ դեպքում հետապնդում ետնակառությունը։

### 1. ՍԵՌԱԿԱՆ ԲԱԶՄԱՑՈՒՄ

Բազմացման այս յեղանակը գործնական այգեգործության մեջ չի կիրառվում, վորոնեան սերմից չենք ստանում խաղողի այն փոփոխակը, վոր ցանկանում ենք բազմացնել։ Այսպես, յեթե մենք խարջին բազմացնենք սերմերով, ապա չգիտենք թե ինչպիսի նոր փոփոխակ կստանանք և այդ փոփոխակն ինչ հատկություններ կունենա ու ինչ վորակի խաղող կտա։ Ընդհանրապես նկատված ե, վոր սերմերից առաջացած վազերը համեմատաբար ուշ են պտղաբերում և վատ վորակի բերք են տալիս։ Նրանց խաղողի գիլաները կոպիտ են, մանր, հյութով աղքատ և ունեն անդուրեկան համ։ Սակայն սերմերից ստացված վազերի թվում պատճենում են և այնպիսի վազեր, վորոնք ունենում են մի շարք կարևոր և մշակության համար արժեքավոր հատկություններ (ֆիլոքսերային դիմացկունությունը, բերքի վորակը



11-269669

և այլն): Այս գեղքում առանձնացնում են այդ վազերը և բազմացնում վեգետատիվ յեղանակով: Այսպիսով ստանում են թանգարժեք նոր փոփոխակ: Ուրեմն, վազը սերմերով բազմացնելիս մենք ստանում ենք նոր փոփոխակներ: Ինց այս պատճառով ել սերմերով բազմացումը կիրառում են այն գեղքում, յերբ ցանկանում են խաղողի նոր փոփոխակներ ստանալ: Սերմերից նոր փոփոխակներ ստանալու համար սովորաբար կիրառում են արհեստական, խաչաձ փոշոտում, կամ, ինչպես ասում են, հիբրիդիզացիա, այսինքն՝ մեկ փոփոխակի ծաղիկները փոշուտում են մի այլ փոփոխակի ծաղկափոշով, ստացված սերմերը ցանում են և ապա նոր փոփոխակներ (հիբրիդներ) ստանում: Ստացված վազերը կոչվում են հիբրիդներ: Սեռական բազմացման միջոցով (հիբրիդիզացիայի մեթոդով) ստացված են խաղողի հազարավոր նոր փոփոխակներ (հիբրիդներ), վորոնք մշակվում են գլխավորապես ֆիլոքրացով վարակված շրջաններում, կամ վորպես պատվաստակալներ, կամ վորպես անմիջական արտադրողներ\*): Սեռական բազմացման յեղանակը կիրառվում է գլխավորապես գիտահետազոտական և փորձնական նպատակներով դցած անկարաններում ու այգիներում:

## 2. ԱՆՄԵՌ ԿԱՄ ՎԵԳԵՑԱՏԻՎ ԲԱԶՄԱՑՈՒՄ

Սեռական բազմացման հետ համեմատած՝ վեգետատիվ բազմացման յեղանակը գործնական այգեգործության համար ունի խոշոր առավելություններ: Նախ, վոր վեգետատիվ բազմացման միջոցով մենք ստանում ենք այն խաղողի փոփոխակը, վոր ցանկանում ենք բազմացնել: Այսպես,

\* ) Անմիջական արտադրող անվանում են վազի այն տեսակը (հիբրիդը), վորը ֆիլոքրացով վարակված տեղում, առանց նրա վրա պատվաստ անելու, կարող ե տալ թարմ գործածության կամ վերամշակման համար պիտանի խաղող: Դրանք ստացվել ե ստացվում են ամերիկյան տեսակների և յելլուպական փոփոխակների հիբրիդիզացիայի միջոցով:

յեթե խարջին բազմացնենք կտրոնների կամ անդալիսի, կամ թե պատվաստի միջոցով, հիմնականում նորից խարջի յենք ստանում, այլ վոչ թե ուրիշ փոփոխակ: Բացի դրանից, վեգետատիվ բազմացման միջոցով մնկված այգիները շուտ են սկսում պտղաբերել: Այդ առավելությունների հիման վրա յե, վոր գործնականում վազը բազմացնում են միայն վեգետատիվ յեղանակով: Սույն գրքույկի հիմնական նպատակն ե ընթերցողներին ծանոթացնել վազը կտրոնների միջոցով բազմացնելու ձևերի հետ, իսկ այժմ մի փոքր կանգ առնենք անդալիսի և պատվաստի վրա:

## ա. Բազմացումն անդալիսի միջոցով

Անդալիս անելը վազերի բազմացման այն ձևն ե, յերբ ցանկացած վազի մեկ, կամ մի քանի կանոնավոր զարգացած մատերը, առանց վազից անջատելու, պառկեցնում են հողի մեջ և միշերկու աչք հողից դուրս թողնելով՝ մատերի վրա ուժեղ արմատներ և լավ շեր առաջացնում: Անդալիս արած մատերը հեշտ և հաջողությամբ արմատակալում են և լավ զարգանում այն պարզ պատճառով, վոր նրանք սննունդ են ստանում վոչ միայն իրենց որգաններից, այլև մայր վազից: Վազն անդալիսի միջոցով բազմացնում են հետեւյալ նպատակներով.

1. այգու շարքերի մեջ յեղած բաց տեղերը լրացնելու համար.

2. այգին խտացնելու համր.

3. վազերը յերիտասարդացնելու, ինչպես և ցրտահարված, անպետքացած վազերը փոխարինելու համար.


4. մեկ փոփոխակը մյուս փոփոխակով փոխարինելու համար.

5. դժվարությամբ արմատակալող փոփոխականերն ու տեսակները, ինչպես, որինակ, ամերիկյան վիտիս բերյանդիերի տեսակը, բազմացնելու համար.

6. արմատակալած մատեր ստանալու և նրանց մի նոր տեղ տնկելու համար.

Անդալիս անելը վազերը բազմացնելու մի ոժանդակ ձև է հանդիսանում, քանի վոր համարյա վոչ մի տեղ անդալիսի միջոցով նոր այգիներ չեն գցում: Անդալիս անում են թե աշնանը և թե գարնանը: Կան անդալիս անելու տարբեր ձևեր. նայած նրան, թե ինչ նպատակի համար են անդալիս անում, ըստ այնո՞ւ ել կիրառում են այս կամ այն ձեզ: Հիշենք անդալիսի ամենատարածված ձևերը:

Հասարակ կամ պարզ անդալիս.—Մայր վազի՝ բնից սկսած մինչև ցանկացած տեղը փորում են 35—60 սմ խորությամբ և 30—40 սմ լայնությամբ առու: Վազի բնի մոտ գտնված ամենալավ և յերկար մատերից




Նկ. 1. Հասարակ անդալիս

առվի մոտ տնկած ցցից (տես. նկ. 1): Վազի վեգետացիայի սկզբին մատի աչքերը, սկսած մատը վազին միացած տեղից մինչև հողի մեջ մտնելը, հեռացնում են, վորպեսզի այդ աչքերն իզուր շվեր չտան և չթուլացնեն անդալիս արած մատը: Մեկ կամ յերկու տարուց հետո անդալիս արած մատը մայր վազից անջատում են, վորից հետո նա տճում ե ինքնուրույն կերպով:

Զինական անդալիս.—Այս ձեզ կիրառում են գլխավորապես հազվագյուտ կամ դժվարությամբ արմատակալող փոփոխակները բազմացնելու նպատակով: Զինական


անդալիսն անում են հետևյալ ձևով: ցանկացած վազից ընտրում են մի յերկար ու առողջ մատ: Վազի բնի մոտ հողը 20—35 սմ խորությամբ, 30—35 սմ լայնությամբ և վորոշ յերկարությամբ (1—2 մետր և ավելի, նայած ընտրած մատի յերկարության) լավ փորում են: Այդ փորած տեղում բաց են անում մոտ 15 սմ. խորությամբ մի առու: Ընտրած մատը ծռում են դեպի ներքև, հետո զգուշությամբ պառկեցնելով առվի հատակի վրա՝ ամրացնում են մի քանի տեղից (3—4) փայտե կարթերով, այնպես, վոր մատը հողի յերեսը դուրս չգա: Այսուհետև առուն հողով լցնում են այնչափ, վոր մատը մոտ 3—5 սմ ծածկված լինի հողի շերտով: Մատի՝ առվից դուրս գտնված մասի բոլոր աչքերը հյութաշարժման ժամանակ հեռացնում են: Վորոշ ժամանակից հետո հողում գտնված աչքերից շվեր են դուրս գալիս և յերբ դրանք հասնում են 15—20 սմ յերկարության, առուն ամբողջապես լցնում պարարտ հողով: Շվերը հաճախ պտուղ են տալիս հենց նույն տարում (նկ. 2): Նույն տարվա աշնանը, կամ հաջորդ գարնանն անդալիս արած մատն զգուշությամբ հանում են և ստանում այնքան արմատակալած կտրոն, վորքան շիվ ե զարգացել մատի վրա: Այդ արմատակալածներն իրարից անջատում են և ցանկացած տեղը տնկում:

Տաւարադ անդալիս (ամբողջ վազով անդալիս).—Այս ձեզ տարբերվում է անդալիսի մյուս ձևերից նրանով, վոր մի մատն անդալիս անելու փոխարեն թաղում են ամբողջ վազը: Տաշտաթաղ անդալիս անում են, յերբ ցանկանում են կամ վազը նորոգել, կամ այգու բաց տեղերը լրացնել, կամ թե հարևան վազը ցանկացած վազով փոխարինել:



Նկ. 2. Զինական անդալիս

Ամբողջ վազն անդալիս անելու համար վազի բնի շուրջը փորում են 40—50 սմ խորությամբ մի փոս, ապա ցանկացած կողմի վրա փոսը շարունակում են առվի ձևով 40—50 սմ խորությամբ, 30—40 սմ լայնությամբ և այն յերկարությամբ, վոր առուն հասնի մինչև այն տեղը, վորտեղ ցանկանում են նոր վազեր ստանալ: Այնուհետեւ փոսը վազի տակ այն աստիճան լայնացնում ու խորացնում են, մինչև վոր հնարավոր ե լինում ամբողջ վազը պառկեցնել առվի մեջ, առանց արմատներին աչքի ընկնող վաս հասցնելու: Վազի վրա թողնում են ամենաառողջ, ուժեղ և յերկար մատերից 2—3-ը, իսկ մյուսները հեռացնում: Թողած մատերը նույն առվի հատակով տա-



Նկ. 3. Տաշտաթաղ անդալիս (հին վազ)

նում են ցանկացած տեղերը և ապա այդ տեղից ծայրերն ուղղելով զեպի վեր, հանում են հողից դուրս: Դրանից հետո առուն հողով լցնում ու վոտքերով ամրացնում են (Նկ. 3), հողից դուրս հանած մատերը 2—3 աչքի վրա ետում են և ցցերից կապում:

Մեզ մոտ անդալիսը շատ քիչ չափով են կիրառում, մինչեւ մեր այգիների բաց տեղերը լրացնելու, ինչպես և անպետքացած վազերը նորոգելու համար դա պիտի համարել ամենալավ և գործնական միջոցը: Մեր այգեւդորժական շրջանների համար գործնական նշանակու-

թյուն ունի թե հասարակ (պարզ) և թե ամբողջ վազով անդալիսը (տաշտաթաղ անդալիս): Վորտեղ կանոն, անդալիսը կատարում են վազի հանգստի շրջանում:

### Բ. Բազմացումը պատվասի միջոցով

Վազի բազմացումը պատվաստի միջոցով կայանում է նրանում, վոր մեկ վազի կամ նրա մի մասի վրա վորոշ ձևով միացնում են մի այլ վազի մի փոքր մաս (աչք, կարոն, շիվ), վորոնք միանալով միմյանց հետ՝ աճում են վորպես մի բույս, տալով այն խաղողը, վորը և ցանկանում ենք բազմացնել: Այն վազը, կամ վազի այն մասը (կտրոն, բուն և այլն), վորի վրա պատվաստում են, կոչվում ե պատվաստակալ, իսկ այն մասը, վոր միացնում են կամ, ինչպես ասում են՝ պատվաստում են, կոչվում ե պատվաստացու: Որինակ, յեթե մսխալու վրա պատվաստենք կախեթ փոփոխակ, մսխալին կկոչվի պատվաստակալ, կախեթը՝ պատվաստացու, իսկ ստացված վազը՝ պատվաստ, կամ, յեթե Ամերիկյան վորեւ տեսակի վրա պատվաստենք ոկածիթելի<sup>\*)</sup> փոփոխակ, ապա ամերիկյան տեսակը կլինի պատվաստակալ, իսկ ոկածիթելին՝ պատվաստացու, ստացված վազերը՝ պատվաստներ:

Հին ժամանակներում պատվաստումն այգեգուծության մեջ շատ քիչ չափով եր կիրառվում և վազի վրա պատվաստ անելու կարիք համարհա չեր զգացվում: Սակայն այգեգործության մեջ դրությունը միանգամայն փոփոխեց, յերբ Ֆրանսիայում 1868 թվին հայտարերվեց Փիլոքսերա կոչվող մի փոքրիկ միջատ, վորը սոսկալի հարված հասցրեց Ֆրանսիայի այգեգործությանը, կարձ ժամանակամիջոցում (20 տարվա ընթացքում) վոչնչացնելով մոտ յերկու միլիոն հեկտար խաղողի այգի: Կարձ

<sup>\*)</sup> Խորհրդային վրաստանի փոփոխակ ե, վոր մեծ չափով տարածված և կախեթիայում:

ժամանակից հետո Փիլոքսերան յերեվաց նաև Յեղոպական ուրիշ յերկրներում, այսպես, որինակ՝

Ավսուրիայում հայտաբերվեց	1872	թվին
Գերմանիայում	»	1874
Չինիայում	»	1875
Հունգարիայում	»	1875
Իսպանիայում	»	1877
Իտալիայում	»	1879
Պորտուգալիայում	»	1877
Սերբիայում	»	1882
Ռումինիայում	»	1884
Բուլղարիայում	»	1884
Ռուսաստանում	»	1880

իսկ

Խորհրդային Հայաստանում առաջին անգամ Փիլոքսերան հայտաբերվեց Ալլահվերդու, իջևանի և Շամշադնի շրջաններում 1925 թվին:

Խաղողի մանրամասն ուսումնասիրություններից պարզվեց, վոր Փիլոքսերայի նկատմամբ խաղողի տարբեր տեսակներն ունեն տարբեր դիմացկունություն, և վոր դիմացկուն տեսակներն ամերիկյաններն են, իսկ ամենաթույլ դիմացկունը յեղոպականն է, կամ, ինչպես ասում են, վիտիս վիճիֆերա տեսակն է (այդ տեսակին են պատկանում նաև մեր տեղական խաղողի փոփոխակները): Սակայն Փիլոքսերային դիմացկուն ամերիկյան տեսակները տալիս են շատ վատ վորակի բերք, մինչդեռ յեղոպական տեսակը, վոր, ինչպես ասացինք, Փիլոքսերային շատ թույլ է դիմանում, տալիս է ամենալավ վորակավոր խաղող: Այստեղից պարզ յերեւում է, վոր յեթե մենք յեղոպական տեսակի վազը (պատվաստացու) պատվաստենք Փիլոքսերային դիմացող վազի վրա (ամերիկյան տեսակները կամ նրանց հիբրիդներն ոգտագործելով վորպես պատվաստակալ), ապա կստանանք մի վազ, վորը թե վորակավոր խաղող կտա և թե կդիմանա Փիլոքսերային: Հիբրավի, այգեգործական այն շրջաններում, վորտեղ Փի-

լոքսերա կա, այգիները բազմացնում են չմարյա միայնապատվաստի միջոցով, ինչպես, որինակ, խորհրդային վրաստանում, Ուկրայինայում, խորհրդային Հայաստանի հյուսիսային շրջաններում, արևմտյան մի շարք յերկրներում և այլն: Ուրեմն՝ գործնական այգեգործության մեջ պատվաստ անելու գլխավոր նպատակն ե՝ անմնաս պահել այգիները Փիլոքսերային վտանգից: Բացի դրանից, պատվաստ յերբեմն անում են նաև հետևյալ նպատակներով.

1. այգիներում յեղած անբերբի կամ սակավաբեր վազերը ցանկացածներով փոխարինելու համար.

2. մի փոփոխակը մի ուրիշ լավ փոփոխակով փոխարինելու համար.

3. սերմերից առաջացած վազերի (հիբրիդների) պատղաբերությունն արագացնելու համար, ոգտագործելով նրանք վորպես պատվաստացուներ:

Պատվաստը հաջողությամբ կպչելու համար անհրաժեշտ են հետևյալ պայմանները.

1. թե պատվաստացուն և թե պատվաստակալը պիտի լինեն միանգամայն առողջ, կենսունակ և պարունակեն բավարար քանակությամբ մնագարար նյութեր.

2. պատվաստացուն ու պատվաստակալը պիտի ունենան ազգակցական կապ. կամ, ինչպես ասում են, աֆինիտետ.

3. միջավայրը, վորտեղ պիտի պատվաստաները կալչեն, ունենա բարենպատճ ջերմություն ( $25-30^{\circ}$ ), խոնավություն և ոդ.


4. պատվաստողը պատվաստը հաջող կատարելու համար պետք է պատվաստի գործիքներն ու մեքենաները սուր ու մաքուր պահի:

Կան պատվաստ անելու զանազան ձևեր: Դրանցից այգեգործության մեջ տարածված են անգլիական պատ-



Նկ. 4. Լիաճեղ  
պատվաստ

վաստը (նկ. 8—այս ձևն ամենատարածվածն է), լիաճեղ պատվաստը (նկ. 4), հասարակ ձեղով պատվաստ (նկ. 5). յերբեմն գործադրում են նաև կանաչ պատվաստ, աչքապատվաստ, մայորքի պատվաստ, կարով պատվաստ և այլն (տես նկ. 6, 7): Պատվաստն անում են կամ սեղանի վրա (սենյակներում), կամ թե տեղն ու տեղը (անկարանում կամ հիմնական տեղում): Սեղանի վրա պատվաստ անելը տարածված է այն շրջաններում, վորտեղ ցանկանում են մեծ քանակությամբ պատվաստներ ստանալ ամերիկյան պատվաստակալների վրա: Սեղանի վրա պատվաստ անելն ունի այն առավելությունը, վոր այս գեպօւմ ավելի հեշտ է ստեղծել պատվաստի համար բարենպաստ պայմաններ (ջերմություն, խոնավություն, ող և այլն): Բացի այդ, պատվաստ կատարողի արտազրողականությունը բարձր է լինում, քան տեղն ու տեղը պատվաստ կատարելու դեպքում:



Նկ. 5. Հասարակ ձեղով պատվաստ


Սեղանի վրա պատվաստը կատարում են գլխավորապես անգլիական ձևի, թե սովորական կտրոնների և թե արմատակալած լորոնների վրա: Պատվաստ կարում են թե ձեռքով՝ պատսափի հատուկ դանակներով և թե պատվաստի հատուկ մեքենաների միջոցով:

Տեղն ու տեղը՝ պատվաստն ունի շատ սահմանափակ կիրառում: Տեղն ու տեղը պատվաստը կատարում են կամ արմատակալած կըտրոնների վրա՝ անկարանում, կամ այգում՝ հասակավոր վազերի վրա:

Խորհրդային Հայաստանի Արարայան դաշտավայրի այդեգործական շրջաններում, վորտեղ ֆիւլքսերա չի հայտաբերված, այդին սնկում են կտրոնների միջոցով, առանց պատվաստ անելու: Սակայն հյուսիսային մեր շրջաններում (Ալանիերդի, Շամշադին, Իջևան), վոր-



Նկ. 6. Կարով պատվաստ



Նկ. 7. Մայորքի պատվաստ

տեղ Փիլոքսերա կա և վորտեղ յեղած այգիները Փիլոքսերայով վարակված են, ոոր այգիներ անկում են բացառապես պատվաստի միջոցով, ոգտագործելով ամերիկյան տեսակները կամ նրանց հիբրիդները վորպես պատվաստականներ, իսկ տեղականները՝ վորպես պատվաստացուներ։

Պատվաստի ձեւերից ամենատարածվածը, ինչպես արդեն ասացինք, հանդիսանում է անգլիական պատվաստը (նկ. 8), վորպիսի պատվաստ, Փիլոքսերայով վարակված շրջաններում կատարում են համարյա բացառապես սենյակներում՝ սեղանի վրա։ Անգլիական ձեխ՝ սեղանի վրա պատվաստ կատարում են Խորհրդային Վրաստանում, Խորհ. Ռւկրայինայում, ինչպես և Խորհրդային Հայաստանի հյուսիսային՝ Փիլոքսերայով վարակված շրջաններում (Ալլահվերդի, Շամշադին, Խջեան)։

Քանի վոր անգլիական պատվաստը (սեղանի վրա) այգեգործության մեջ գործնական խոշոր նշանակություն ունի, ուստի անհրաժեշտ ենք համարում պատվաստի այդ ձեխ վրա այստեղ մի փոքր կանգ առնել։

#### ԱՆԳԼԻԱԿԱՆ ՊԱՏՎԱՍՏ

1. Պատվաստակալի ընտրությունն ու պատրաստումը.— Պատվաստ սկսելուց մի քանի որ առաջ պահած տեղից (խրամատներից) հանում են պատվաստակալի՝ խրձերը, հողից մաքրում և փոխադրում վորեւ ծածկի տակ։ Արձակում են խրձերի կազերը և կտրոնները մեկ առ-մեկ կանոնավոր ստուգում։ Ստուգման ժամանակ խոտանում են չորացած և բորբոնած կտրոնները, ինչպես և այն կտրոնները, վորոնք կամ շատ բարակ են (տրամագիծը միջնանգույցի մեջտեղում 5 տո. պակաս) կամ, լնդհառակը, շատ հաստ են (միջնանգույցի մեջտեղի տրամագիծը 12 տո ավելի, կտրոնների հաստությունը չափում են հասարակ մի գործիքով, վոր կտրոնաչափ և կոչգում։ Սուր սեկատորով հեռացնում են

կտրոնների վրա յեղած բճամատերը և թելիկները։ Ըստ հանրապես պատվաստակալի կտրոններն ունենում են 1 մետր 10 սմ-ից մինչև 1 մետր 20 սմ յերկարություն, պատվաստից առաջ այդ կտրոնները կտրում են առանձին մասերի (պատվաստականներ) տալով յուրաքանչյուրին 25—30 սմ, յերբեմն ավելի յերկարություն։ Այդ պատվաստակալիները պատրաստում են սովորական կտրոնների ձեռվ, այսինքն՝ հիմքում կտրում են հանգույցից անմիջապես ցածր, իսկ վերևի կարվածքն անում են միջնանգույցի վորեւ տեղից։ Հետագա աշխատանքները հաջողությամբ կատարելու համար, անհրաժեշտ ե, վոր բոլոր պատվաստականները միևնույն յերկարությունն ունենան։ Նախքան պատվաստումը, պատվաստականները հիմքերով դնում են մի քանի որով (2—3) ջրի մեջ։ Վորքան կտրոնները բավարար քանակությամբ ջուր ծծեն, այնքան նրանց կտրվածքները թարմ կլինեն։ Այնուհետև պատվաստականները լավ լվանում են, վորպեսզի ավազի կամ հողի մասնիկները պատվաստիչ գործիքները չփչացնեն։ Դրանից հետո սուր սեկատորով (կամ դանակով) պատվաստակալի բոլոր աչքերը հիմքից կտրում են, վորպեսզի այդ աչքերը հետագայում շվեր չտան և պատվաստի նորմալ զարգացումը չխանգարեն։

2. Պատվաստացմի ընտրությունը յեվ պատրաստումը.— Պատվաստացմի ընտրությունը կատարում են այն կանոններով և սկզբունքներով, ինչպես սովորական կլտրոններինը։ համենայն դեպս պատվաստացուն լավ հասունացած, մննդանյութերով հարուստ, առողջ և կենսունակ մատերից պետք ե վերցնել։ Ընտրած պատվաստացու կլտրոնները հիմքերով մի 2—3 որով դնում են ջրի մեջ, վորից հետո ջրից հանում են և լավ մաքրում, վորպեսզի հողի և ավազի մասնիկները պատվաստիչ գործիքները չփչացնեն։ Այնուհետև պատվաստացու կտրոնները սուր սեկատորով կտրում են առանձին մասերի, այնպես, վոր


յուրաքանչյուր մաս յուր վրա ունենա մի աչք և աչդ աչքից վերև և ներքև վորոշ յերկարությամբ բնափայտ լինի. աչքից դեպի ներքև մասն ավելի յերկար են թողնում, քան աչքից վերևի մասը։ Պատվաստացուներ պատրաստելիս պետք ե աշխատել, վոր նրանք բոլորը միևնույն յերկարությունն ունենան.

Տարբեր փոփոխակների պատվաստացուներն առանձին պետք ե պատրաստել և զոչ մի դեպքում փոփոխակներն իրար չխառնել։ Անգլիական պատվաստի ժամանակ աշխատում են, վոր պատվաստական ու պատվաստացուն միևնույն հաստատությունն ունենան։

Վերը նշած ձեռվ պատրաստած պատվաստակալներն ու պատվաստացուները տեղափոխում են պատվաստի սենյակը, վորտեղ և պատվաստում են կատարում։

Յ Անգլիական պատվաստի Տեխնիկան. — Վերցնում են միևնույն արամագծով պատվաստակալ և պատվաստացու, ապա սուր դանակով յերկումն ել շեղաձև կտրում այնպես, վոր այդ կտրվածքներն իրար հավասար մակերես ունենան։ Պատվաստացվի շեղաձև կտրվածքը պետք ե սկսվի աչքի տակից և զոչ թե հակտուակ կողմից (նկ. 8), քանի վոր, ինչպն փորձերը ցույց են տվել, աչքի տակից կտրելիս պատվաստն ավելի հաջող և կզշում քան աչքի հակտուակ կողմից կտրելու դեպքում։ Ընդհանրապես շեղաձև կտրվածքի յերկարությունը մոտ 1,5—2,5 անգամ ավելի մեծ պետք լինի քան կտրոնի (պատվաստակալի և թե պատվաստացվի) տրամադիծը (տես նկ. 8). զիտդությունները ցույց են տալիս, վոր շեղաձև կտրվածքի նըման յերկարությունը լավագույն յերկարությունն ե հանդիսանում պատվաստը հաջողությամբ կազելու համար, քանի վոր պատվաստակալի և պատվաստացվի կամքիալ շերտերը շոշափման համեմատաբար շատ կետեր ունեն։ Շեղաձև կտրվածքը շատ յերկար լինելու դեպքում, կրտրվածքի ծայրի մասն այն աստիճան բարակ ե ստաց-

վում, վոր հեշտությամբ չորանում ե, և պատվաստը չի կպչում։ Շեղաձև կտրվածքն առանցքի նկատմամբ պիտի 20—25° անկյուն ունենա։ Թե պատվաստակալի և թե պատվաստացվի կտրվածքների վրա պիտի դանակով առաջցնել ճեղքվածքներ, վորի համար կտրվածքի վերևի  $\frac{1}{3}$ -ից սկսած դանակով, ըստ կտրվածքի յերկարության,



11-ՁԵԶԵՑԵՑԻ

Նկ. 8. Անգլիական պատվաստ

բաց են անում 4—6 միլիմետր խորությամբ ճեղքվածք, սակայն այնպես, վոր առաջացած ճեղքվածքը չգնա կը տրոնի առանցքին զուգահեռ, այլ մի քիչ թեք. դրա համար դանակը մի փոքր սեղմուած են դեպի առաջ։ Դանակը ճեղքվածքից հանելուց պահանջածի կողմից մի քիչ շարժում են, վորի չնորհի ճեղքվածքը մի փոքր լայնանում





Եւ Այնուհետև պատվաստացուն միացնում են պատվաստակալի հետ այնպես, վոր մեկի լեզվակը մտած լինի մյուսի ձեղքվածքի մեջ (տես նկ. 8): Կորվածքներն իրար պետք ե լավ ծածկեն և բաց տեղեր չմնան: Պատվաստը հաջող կատարելու դեպքում պատվաստացուն այն աստիճան ամուր ե նստած լինում պատվաստակալի վրա, վոր պատվաստը կապելու ընդհանրապես կարիք չի զգացվում: Հիրավի, Անգլիական պատվաստը սենյակում, սեղանի վրա կատարելու դեպքում պատվաստները չեն կապում, յեթե ստրատիֆիկացիան\*): անում են խոնավ կամբըրայում:

4. Պատվաստների սրասիթիկացիա խօնավ կամբրայում.—սեղանի վրա պատրաստած պատվաստները դարսում են հատուկ ձևով պատրաստած արկղների մեջ (խոնավ կամբըրա): Այդ արկղները պատրաստում են 60 սմ յերկարությամբ և 60 սմ լայնությամբ. խորությունը, նայած պատվաստների յերկարությանը և մամուի կամ թեփի շերտի հաստատությանը, տատանվում է 50—60 սմ միջն. համենայն դեպք այդ խորությունը պատվաստի յերկարությունից մի 10—15 սմ ավելի պիտի լինի: Այսպես, որինակ, յեթե պատվաստի յերկարությունը հավասար ե, դիցուք, 40 սմ ապա արկղի խորությունը պետք է լինի մոտ 50—55 սմ, յուրաքանչյուր արկղի մեջ տեղափորվում ե, նայած պատվաստների հաստության, 200—1000 պատվաստ: Արկղի հիմքը և ներքնի  $\frac{2}{3}$  մասի վրա պատերն ունենում են փոքրիկ անցքեր՝ ողը ներս թափանցելու համար (նկ. 9): Այդ արկղի մի պատը շարժական են շինում, այնպես, վոր հարկ յեղած դեպքում հեշտությամբ հնարավոր լինի տեղից հանել և նորից տեղը դնել: Պատվաստներն արկղի մեջ դարսելու համար արկղը դնում են կողքի վրա այնպես, վոր շարժական պատը նայի դեպի վեր, իսկ կափարիչի կողմը՝ դեպի դարսողը:

\*) Ստրատիֆիկացիա լատիներեն բառ է, վոր նշանակում է strate—շերտ, facere—անել:

Շարժական պատն արկղի վրայից վերցնում են և արկղի ներքնի պատի վրա փռում մոտ 6—7 սմ հաստատությամբ մամուռ կամ թեփ և գրա վրա դարսում են պատվաստներն այնպես, վոր պատվաստացուներն ուղղված լինեն դեպի դարսողը: Պատվաստները դարսելու հետ միաժամանակ, արկղի պատերի կողքին և հետեւ, պատվաստների հիմքի մոտ լցնում են մամուռ կամ թեփ՝ 6—7 սմ հաստությամբ: Այս ձևով պատվաստները դարսելով բարձրացնում են այնքան, վոր արկղը վերևի կողմից բությամբ ազատ տարածությունը ունենալու համար կամբըրը կողման վերաբերյալ արկղը գնում է իր տեղը՝ արկղը գնում են իր խսկական հատակով ներքե, այնպես, վոր, կափարիչի կողման ուղղված լինի դեպի վերև. պատվաստներն արկղի մեջ դարսելիս պետք է ուշադրությամբ հետեւել, վոր բոլոր պատվաստների մասին պատվաստի տեղերը միևնույն բարձրության վրա լինեն: Պատվաստներն արկղի մեջ դարսելուց հետո, նրանց վրա փռում են մի քանի սմ հաստությամբ մամուռ կամ թեփ և ապա դրա վրա լցնում են ավելի խոշոր մամուռ այնքան, վոր արկղն ամբողջությամբ լցվի: Այնուհետև արկղը խորասուզում են ջրի



Նկ. 9. Պատվաստման արկղներ

պատվաստների պատվաստի տեղերը միևնույն բարձրության վրա լինեն: Պատվաստներն արկղի մեջ դարսելուց հետո, նրանց վրա փռում են մի քանի սմ հաստությամբ մամուռ կամ թեփ և ապա դրա վրա լցնում են ավելի խոշոր մամուռ այնքան, վոր արկղն ամբողջությամբ լցվի: Այնուհետև արկղը խորասուզում են ջրի

մեջ, վորի ջերմությունը լինում է  $30^{\circ}$ — $35^{\circ}$ . Ջրի մեջ խորասուզում են այնպես, վոր ջուրը համար մինչև պատվաստի տեղը, բայց այդ տեղը չթրջվի։ Արկղը ջրի մեջ պահում են մոտ 5—6 ըոպե, վորից հետո ջրից հանում և դնում են ավազանի վրա, վորպեսզի արկղից ավելորդ ջուրը հոսի ավազանի մեջ։

Արկղները տեղափոխում են ջերմատան տաք բաժանմունքը, վորտեղ ջերմությունը պիտի  $25^{\circ}$ — $30^{\circ}$  լինի, իսկ ողի հարաբերական խոնավությունը՝ մոտ  $90$ — $95^{\circ}/\text{o}$ . այդ պայմաններում պատվաստների վրա պատվաստ արած տեղում արագությամբ (յերբեմն 3—4 որից հետո) առաջ ե գալիս կալլուսը (callus) և մոտ 10—12 որից հետո տեղի յե ունենում պատվաստումը, պատվաստական երի վրա առաջ են գալիս արմատներ, իսկ պատվաստացուների աչքերը բավականաչափ ուռչում են և նույնիսկ վորոշ դեպքերում անգամ բացվում։ Ջերմատանը ժամանակ-առժամանակ պետք ե ստուգել արկղների դրությունը. բարձր ջերմատիճանի շնորհիվ, արկղների մամուռը կամ թեփը կարող ե չորանալ։ Այս դեպքում անհրաժեշտ ե արկղները նորից խորասուզել տաք ( $30$ — $35^{\circ}$ ) ջրի մեջ հենց այնպես, ինչպես այդ կատարվեց առաջն անգամ։ Այնուհետև մշտական հսկողություն պետք ե սահմանել, վոր ջերմատան ջերմությունը և ողի հարաբերական խոնավությունը ցանկացած աստիճանից ցածր կամ բարձրը չլինի, ողափոխությունը (վենտիլացիա) կանոնավոր կատարվի և պատվաստների վրա բորբոսանկեր և վնասակար այլ միկրոբանիզմներ չառաջանան և պատվաստները չփշանան։ Պատվաստները մշասակար միկրոբանիզմներից, ինչպես և բորբոսանկերից զերծ պահելու համար, արկղների մամուռը կամ թեփը\*) գործածելուց առաջ յենթարկում են ստերիլիզացիայի՝ չոր ողում տա-

\*) Ամենալավ թեփը սոճու թեփն ե համարվում։

քայնելու միջոցով։ Բացի այդ, մամուխն խառնում են փայտի ածուխ՝ 3:1 հարաբերությամբ (3 մաս մամուռ և 1 մաս ածուխ) և ապա այդ խառնուրդի ձևով մամուռն ոզտագործում են պատվաստներն արկղի մեջ դարսելու համար։

Պատվաստները մոտ 10—12 որ ջերմատան տաք բաժանմունքում պահելուց հետո տեղափոխում են ջերմատան համեմատաբար սառը բաժանմունք, վորտեղ ջերմությունը  $18^{\circ}$ — $20^{\circ}$  պիտի լինի։ Այս բաժանմունքում բաց են անում արկղների կափարիչները (յեթե արկղները կափարիչներով ծածկված են յեղել), հանում են պատվաստացուների վրա լցրած մամուռը, ուժեղացնում են այդ բաժանմունքի ոգափոխությունն ու լույսը, և աստիճանաբար ընտելացնում պատվաստներն արտաքին պայմաններին։ Ջերմատան սառը բաժանմունքում պատվաստները պահում են մոտ 5—6 որ, վորից հետո դուրս են հանում և տնկում նախորոք պատրաստված տնկարանում։

Ջերմատուն չլինելու գեպքում պատվաստների ստրատիֆիկացիան կարելի յե կատարել վօրեւե տաքացվող սենյակում ( $25$ — $30^{\circ}$ ), վորտեղ արկղները պատվաստներով պահում են և խնամում այնպես, ինչպես ջերմատներում։

5. Պատվաստների սրբաժիշտիկացիա պվազի մեջ։ — Այս գեպքում խոնավ կամերայի փոխարեն պատվաստները ստրատիֆիկացիա յեն տնում ավազի մեջ։ Դրա համար պատրաստի պատվաստներից խրձեր են կապում, յուրաքանչյուրի մեջ մոտ 50 հատ։ Վորեւե սենյակի կամ սովորական հասարակ ծածկի (չարդախ) պատի ուղղությամբ, գետնի վրա մոտ 10—20 սմ բարձրությամբ պվազ են փուռում։

Այդ ավազի վրա կողք-կողքի պառկեցնում են պատվաստների խրձերը, վորոնց վրա նորից ավազ, են լցնում սակայն այնպես, վոր խրձերի արանքն ավազը թափանցի

և խրձերի վրա մոտ 10 սմ հաստությամբ ավազի շերտ գոյանա. այդ ավազի վրա նորից պատվաստների խրձեր են դարսում, վորոնց վրա նույնպես ավազ լցնում, և այդպես շարունակում մի-մի շարք պատվաստի խրձեր և մի-մի շարք ավազի շերտ (10 սմ հաստությամբ), մինչև վոր այդ կույտն ունենա մոտ 2 մետր բարձրություն, ըստվորում ավազի վերջին (վերևի) շերաբ մոտ 20—25 սմ հաստություն կազմի: Ավազը խրձերի վրա լավ մնալու և վայր չթափվելու համար, գետնի վրա, կույտի մոտ մի քանի ցցեր են կանգնեցնում, վորոնց վրա ավազի կույտը բարձրացնելու հետ միասին հենում են տախտակներ:

Ժամանակ-առժամանակ ստուգում են խրձերի դրությունը, հարկ յեղած դեպքում ավազը վրայից մի փոքր խոսնավացնում (ցնցուղով ջրում), կանոնավորում են սենյակի, ծածկի ջերմությունը, ողափոխությունը և այլն: Ավազի մեջ ստրատիֆիկացիա անելու դեպքում պատվաստների պատվաստի տեղը պետք է անսպայման ուսֆիշով կամ այլ կապով կապել, վորպեսզի պատվաստացուն տեղաշարժ չլինի և պատվաստը չփշանա: Խոնավ կամերայի դեպքում, ինչպես արդեն ասել ենք, կապելն ավելորդ մի աշխատանք է դառնում:

Բարենպաստ պայմաններում և լավ խնամքի դեպքում պատվաստները 15—20 որվա ընթացքում կպչում են, վորից հետո կարելի յե անկարան տեղփառսել, նախորոք ընտելացնելով նրանց արտաքին պայմաններին:

Ստրատիֆիկացիայի այս ձեր չի տալիս այն արդյունքը, ինչ արդյունք վոր ստացվում է խոնավ կամերայում ստրատիֆիկացիա անելիս, ուստի և դորձնականում նախալատվություն է տրվում վերջին ձերն:

Պատվաստների ստրատիֆիկացիա Խորհրդային Վրաստանում (Կախեթիա), Խորհրդային Ռւկրայինայում (Ռդեսսա) կատարում են խոնավ կամերայում:

Խորհրդային Հայաստանի՝ ֆիլոքարայով վարակված շրջաններում 1937 թվի աշնանը 21 հեկտար և 1938 թ. գարնան 30 հեկտար խաղողի այգի տնկելու պլանն ապահովելու համար, 1937 թվի գարնանը պետք է կատարել 400 հազար պատվաստ: Վորպես պատվաստակալ ընդունված է № 3309 և № 101-14\*): Պատվաստի գործը մեզ մոտ կենտրոնացած է Սլահիրդու շրջանի Լճկաձորի կոլխոզում:

\*) № 3309 և № 101-14 Ամերիկյան՝ հիբրիդներ են. այդ հիբրիդները ստացել են Ռիփարիա և Ռուսկաստրիս տեսակներից հիբրիդիզացիայի միջոցով. Riparia x Rupestris № 101—14. Millardet et grasset' Riparia x Rupestris № 3309 Couderc.

## II. ՎԱԶԻ ԲԱԶՄԱՑՈՒՄԸ ԿՏՐՈՆՆԵՐԻ ՄԻՋՈՑՈՎ

Վազի բազմացումը կտրոնների միջոցով հայտնի յե շատ հին ժամանակներից և այդեգործույան մեջ ամենից նեշտ ու տարածված ձեն և համարվում: Ֆիլոքսերայից ազատ շրջաններում նոր այգիները գցում են բացառապես կտրոնների միջոցով: Այդ նպատակով կտրոնները տնկում են կամ հիմնական տեղում (այդպես են անում մասամբ և մեղ մոտ), կամ նախորոք տնկում են տնկարանում՝ արմատակալելու համար և ապա 1—2 տարուց հետո տեղափոխում հիմնական տեղը: Տնկելու վերջին ձեն ավելի յե տարածված քան առաջինը:

Կտրոնների միջոցով վազի բազմացումը կիրառում են նաև ֆիլոքսերայով վարակված շրջաններում: Այս գեղքում կտրոններն ոգտագործում են հետևյալ նպատակներով.

1. ամերիկյան պատվաստակալներ բազմացնելու համար.
2. անմիջական արտադրողներ բազմացնելու համար.
3. պատվաստներ ստանալու համար.

Կտրոնների միջոցով բազմացման ձեր հիմնականում կայանում են նրանում, վոր ցանկացած վազերից կտրում են միամյա, լավ փայտացած ու առողջ մատերը (կտրոնները) տնկում հողի մեջ և նրանց վրա արմատներ ու շվեր առաջացնելով՝ մի 3—4 տարուց հետո ցանկացած խաղողն ստանում:

### 1. ԿՏՐՈՆՆԵՐԻ ՏԵՍԱԿՆԵՐԸ

Կտրոնները կարելի յե պատրաստել թե փայտացած միամյա մատերից (վազի հանտափ շրջանում) և թե աճող շվերից (ամառվա ընթացքում): Առաջին գեղում՝ կտրոնը կոչվում է փայտացած, յերկրորդ գեղքում՝ կտնաչ: Այգեգործության մեջ գործ են ածում գլխավորապես փայտացած կտրոններ, քանի վոր սովորական պայմաններում նրանք հեշտությամբ արմատակալում են և հաջողու-

թյամբ զարգանում: Կանաչ կտրոններով բազմացումը պահանջում է հատուկ խնամք և մեծ աշխատանք (յերմատուն, ջերմոցներ և այլն), իսկ ուղղակի բացոթյա (անկարանում կամ այգում) տնկելիս նրանց մեծ մասը չորանում է: Այդ պատճառով կանաչ կտրոններով բազմացումը կիրառում են շատ հազվադյուտ գեղքերում, որինակ՝ յերբ սուր կարիք է զգացվում կարճ ժամանակամիջոցում մեծ քանակությամբ ամերիկյան պատվաստակալներ ստանալ պատվաստ անելու համար կամ վորեա հազվագյուտ փոփոխակ (հիբրիդ) արագ տեմպով բազմացնել: Կանաչ կտր ններով, բազմացման ձեր կիրառում են նաև գիտահետազոտական վորոշ աշխատանքներ կատարելու ժամանակ: Այս գեղքում կանաչ կտրոնները բազմացնում են միայն հատուկ ջերմատներում կամ ջերմոցներում, քանի վոր, ինչպես վերն ասացինք, նրանք ուղղակի բացոթյա պայմաններում տնկելիս հեշտությամբ չորանում են և արմաներ չեն արձակում: Մենք կանգ կառնենք միայն փայտացած կտրոններով բազմացման յեղանակի վրա: Փայտացած կտրոնների տեսակներից հայտնի յեն՝ պարզ կամ հասարակ կտրոն, կրնկակտրոն, գավազանակտրոն և միաչքանի կտրոն:

Պարզ կամ հասարակ կտրոններ. վոր իր վրա չունի յերկամյա բնափայտից և վոչ մի կտոր (նկ. 10 ա): Հասարակ կամ պարզ կտրոն պատրաստելու համար վազից ետում են ցանկացած մատը (ապահովելով վազի բերքը), հիմքում աչքի տակ հարթ և հորիզոնական ուղղությամբ կտրում, և տալով կտրոնին պահանջվող յերկարությունը՝ 70—80 սմ և ավելի, նայած տնկելու խորությանը), մատի բարակ ծայրը հեռացնում են: Յերկար մատերից կարելի յե պատրաստել մի քանի կտրոն:

Կրնկակտրոններ իր վրա պահած ունի նախորդ տարվա մատից ունեցած մի փոքրիկ կտոր (յերկամյա բնափայտ) (նկ. 10 գ): Կրնկակտրոն պատրաստելու համար միամյա մատը վազից կտրում են այնպիս, վոր նրա հիմքում մնա-

նախորդ տարվա մատից մի փոքր մաս, այնուհետև ապա-  
հովելով կտրոնի ցանկացած յերկարությունը՝ մատի  
ծայրի բարակ մասը կտրում և հեռացնում են:

Գավագանակերոն կոչվում է այն կտրոնը, վորն իր ներ-  
քեի մասում ունի յերկամյա մատից ունեցած մի կտոր՝ գա-  
վազանի կոթի ձևով

(նկ. 10 բ): Գավագա-  
նակտրոն պատրաստե-  
լու համար մատը պի-  
տի կտրել վազից՝ յեր-  
կամյա մատի մի մա-  
սի հետ միասին, և  
տալով կտրոնին ցան-  
կացած յերկարու-  
թյուն՝ մատի ծայրի  
բարակ մասը հեռաց-  
նում են:

Միայնանի կտրոնը  
մատի ամենափոքրիկ  
կտրոնն ե, մի աչքի  
վրան պահած: Մի մա-  
տից կարելի յե ստա-  
նալ մի քանի միաշ-  
քանի կտրոն (տես. նկ.  
10 գ և 11): Մատի բա-  
րակ ծայրը հեռաց-  
նում են և մնացած  
մատից ստանում այն-  
քան միաչքանի կտրոն,  
վորքան աչք կա մա-  
տի մնացած մասի  
վրա:

Կտրոնների տեսակ-



Նկ. 10. Կտրոնների տեսակները  
ա. պարզ կամ հասարակ կտրոն, բ. գավա-  
գանակտրոն, գ. կրնկակտրոն, դ. միաչքա-  
նի կտրոն

ներից այգեգործության մեջ ներկայումս ամենատարած-  
վածը հասարակ կամ պարզ կտրոնն ե, վորը թե հեշտու-  
թյամբ ե արմատակալում և թե հարմար ե շամփուրնե-  
րով (շերով տնկելու համար): Բացի դրանից, նույն այ-  
գուց հնարավոր ե համեմատաբար մեծ քանակությամբ  
հասարակ կտրոններ ստանալ և դրանց պատրաստելը քիչ  
աշխատանք ե պահանջում, քանի  
կրնկակտրոն և գավագանակտր-  
ոն կիրառելու դեպքում: Ինչ  
վերաբերում ե գավագանակտր-  
ոնների և կրնկակտրոնների կի-  
րառման, ապա պիտի ասել,  
վոր զբանք ընդհանրապես այ-  
գեգործության մեջ տարածված  
չեն, վորովեան ունեն մի շարք  
պակասություններ, այն ե.

1. Նրանց վրա յեղած հին  
ընտիայտը (յերկամյա փայտի  
կտրոն) հողում հեշտությամբ  
քայլայվելով՝ յերբեմն վարա-  
կում ե կտրոնը.

2. շամփուրներով  
տնկելու աշխատանք-  
ները գժվարանում են.

3. նույն այգուց  
այդ կտրոնները քիչ  
են ստացվում և դրանց  
պատրաստելը շատ աշ-

խատանք ե պահան-  
ջում:

Նկ. 11.  
Միաչքանի  
կտրոն



Նկ. 12. Արմատակալած միաչքա-  
նի կտրոն (Գյուղինստիտուտ)

Գավագանակտրոնի և կրնկակտրոնի միակ տուրելու-  
թյունն այն ե, վոր հաջող են արմատակալում, և վորի  
շնորհիվ նրանք հին ժամանակներում տարածված են յե-

ղել։ Սակայն հետազոտությունները ցույց են տալիս, վոր լավ փայտացած հասարակ կամ պարզ կտրոնը նույնպիսի հաջողությամբ և արմատակալում (մանավանդ յեվրոպական փոփոխակները) և այդ տեսակետից գավազանակորոնի և կընկակտրոնի կիրառումն առանձին առավելություն չունի։

Միաչքանի կտրոններն այգեգործության մեջ ընդհանուրածես տարածված չեն, վորովհետև նրանք բացովթյամշակության սովորական պայմաններում հեշտությամբ չուրանում են և նրանց չնշն տոկոսն է զարգանում միայն։ Միաչքանի կտրոնները գործ են ածում ջերմոցներում կամ ջերմատներում՝ հազվագյուտ փոփոխակները, նոր ստացած հիբրիդները կարճ ժամանակամիջոցում մեծ քանակությամբ բազմացնելու համար, ինչպես և գիտահետազոտական վորոշ աշխատանքներ, գլխավորապես սելեկցիոն աշխատանքներ, կատարելու նպատակով։ Այսպիսով, կտրոնների տեսակներից այգեգործության մեջ գործնական նշանակություն ունի համարյա թե միայն հասարակ կամ պարզ կտրոնը, ուստի և հետագայում մենք կխոսենք կտրոնի միայն այդ տեսակի մասին։

## 2. ԿԾՐՈՆՆԵՐԻ ԱՐՄԱՏԱԿԱԼՄԱՆ ՊԱՅՄԱՆՆԵՐԸ

Ինչպես ասացինք, հողում տնկած պարզ կամ հասարակ կտրոնները համապատասխան պայմաններում հեշտությամբ արմատակալում են և շվեր արձակում։ Արմատներն առաջանում են տնկած կտրոնների ստորերկրյա մասերի վրա, իսկ շվերը՝ հողից դուրս կամ հողի յերեսին։ Ուստի գտնված աչքերից։ Արմատների առաջացման գործում կտրոնի բոլոր մասերը չունեն միևնույն նշանակությունը։ արմատները գյուղությամբ են առաջանում և ուժեղ զարգանում հանգույցների վրա ու վերջիններիս մոտ մասերում, վորտեղ մեծ քանակությամբ սննդարար նյութեր են կուտակված։ միջիանգույցների կենտրոնական մա-

սերում արմատներ համարյա չեն առաջանում, կամ նրանք շատ թույլ են զարգանում (տես նկ. 13)։ Կտրոնների արմատակալման համար անհրաժեշտ են ջերմություն, խոնավություն և որք։ Սառը և չոր պայմաններում (հողում) կտրոնները չեն արմատակալում։ Յեթե հողը չոր ե, ապա



Նկ. 13. Միամյա արմատակալած հասարակ կտրոն (Գյուղինստիտուտ)

տնկած կտրոնները հաճախակի պիտի ջրել, վորպեսզի կտրոնները բավարար քանակությամբ ջուր ստանան և արմատներ արձակեն։ Կտրոնները հաջող են արմատակալում փուխր հողերում, վորտեղ բավարար քանակությամբ ող կա և, բացի դրանից, փուխր հողերում մատաղ արմատ-

ները լավ են զարգանում։ Բացի ջերմությունից, խոնավությունից և ոդից, կտրոնների արմատակալման համար անհրաժեշտ են նաև վորոշ քանակությամբ սննդարար նյութեր։ Կտրոնների վրա թե արմատներն ու թե շվերն առաջանում են և սկզբնական շրջանում զարգանում ի հաշիվ կտրոնների մեջ յեղած սննդարար նյութերի։ Հետեւ վապես, այս կտրոններն են հաջող արմատակալում, վորոնք պարունակում են բավարար քանակությամբ սննդառ նյութեր։ Բացի դրանից, կտրոնները պիտի լավ փայտացած, առողջ ու թարմ լինեն, հակառակ դեպքում՝ նրանք կամ չեն արմատակալում, կամ թե շատ թույլ և անհաջող արմատներ են արձակում։ Արմատակալման համար խոշոր նշանակություն ունի նույնպես կտրոնացու մատի հասակը։ Լավ և հաջողությամբ արմատակալում են միամյա մատերից պատրաստված կտրոնները։ յերկույթերեք տարեկան մատերը գժվար են արմատակալում, իսկ հինգ տարեկանները համարյա չեն արմատակալում։ Արմատակալման հաջողությունը կախված ե նաև կտրոնների աչքերի բացման ժամանակից։ Ընդհանրապես նկատված ե, վոր կտրոնների աչքերն ավելի վաղ են բացվում, քան նրանց արմատներն են առաջանում։ Սակայն յեթե աչքերի բացվելու և արմատների առաջանալու միջև ընկած ժամանակամիջոցը շատ յերկար ե տեսում, ապա այս դեպքում կտրոններից շատերը չեն արմատակալում (չեն կրպչում) այս պարզ պատճառով, վոր զարդացող շվերը մեծ քանակությամբ ջուր են գոլորշիացնում, վորով կտրոնների մեջ յեղած ջրի քանակն զգալի չափով պակասում ե։ Կարճ ժամանակից հետո կտրոնները, շվերի հետ միասին, ջրի պակասության հետևանքով, ամբողջապես չորանում են։ Ուրեմն կտրոնները հաջողությամբ կազմելու համար անհրաժեշտ է, վոր նրանց արմատները շուտ առաջանան և աչքերի բացվելու ու արմատների առաջանալու միջև

ընկած ժամանակամիջոցը կարելիին չափ կարճ լինի։ Այդ նպատակով՝ տնկելուց առաջ կտրոնները վորոշ ձեռվ նախապատրաստում են (տես կտրոնների նախապատրաստումը տնկելուց առաջ)

### 3. ԿՏՐՈՆՆԵՐԻ ՑԵՐԿՎՈՒԹՅՈՒՆԸ

Ամենակարճ կտրոնները միաչքանի կտրոններն են, վորոնք բացությա, սովորական պայմաններում, ինչպես ասացինք, դժվարությամբ են արմատակալում, և վորոնց չնշին տոկոսն ե միայն զարդանում, հետեւբար՝ կտրոնները հաջողությամբ կազմելու և հետագայում կանոնավոր զարդանալու համար պիտի ունենան վորոշ յերկարություն։ Այդ պատճառով ել տնկելու համար սովորաբար գործ են ածում բազմաչքանի կտրոններ, վորոնց տալիք յերկարությունը կախված է կտրոնները տնկելու խորությունից։ Հետևաբար, վորքան կտրոնները խորն են տնկելու, այնքան նրանք մեծ յերկարություն պիտի ունենան և, ընդհակառակը, վորքան նրանք սաղը են տնկելու, այնքան նրանց յերկարությունը համեմատաբար փոքր պիտի լինի։ Ուրեմն, անհրաժեշտ է նախ պարզել կտրոնները տնկելու խորությունը և ապա դրա հիման վրա վորոշել թե ի՞նչ յերկարությամբ կտրոններ պատրաստել։ Ընդհանրապես հարավային չոր ու տաք կլիմայական ու հողային պայմաններում կտրոնները խոր են տնկում։ Էյուսիսային ցուրտ ու խոնավ պայմաններում համեմատաբար սաղը են տնկում։ Այս աեսակետից հարավային չոր ու տաք շրջաններում գործ են ածում ավելի յերկար կըտրոններ (70—80 ամ և նույնիսկ ավելի), քան հյուսիսային ցուրտ ու խոնավ շրջաններում, վորտեղ կտրոններին տալիս են 30—35 ամ յերկարություն։ Հարավային տաք ու չոր շրջաններում կտրոնները հիմնական տեղում (այդում) ավելի խոր են տնկում քան անկարանում։ Հետեւբար այդ շրջաններում հիմնական տեղը տնկելու

համար կտրոնները պիտի ունենան 15—25 սմ ավելի յերկարություն, քան տնկարանում տնկելու դեպքում։ Ինչ խորությամբ ել տնկելու լինենք, միևնույնն ե, կտրոնը շվեր արձակելու համար հողից գուրս մի 2—3 աչք պիտի ունենաւ\*), հետևաբար նրա յերկարությունը 10—20 սանտիմետրով տնկելու խորությունից մեծ պիտի լինի։ Յեթե զրա վրա ավելացնենք և այն, վոր տնկելուց առաջ կտրոնների յերկարությունը թարմացման հետևանքով 5—10 սմ պակասելու յե, ապա կտրոնների ընարության ժամանակ նրանց տալիք յերկարությունը տնկելու խորությունից 15—25 սանտիմետրով ավելի պիտի լինի։ Այսպես, որինակ, 50 սմ խորությամբ տնկելու համար պի-



Նկ. 14. Հատուկ թորխ՝ միշոցով  
կտրոնի սաղը տնկելը



Նկ. 15. Կտրոնի տնկելը սաղը  
սաղի (փոսի) մեջ

տի ընտրել 65—75 սմ յերկարությամբ կտրոններ, 30 սմ խորության համար՝ 45—55 սանտիմետրանոց կտրոններ։ Հյուսիսային ցուրտ ու խոնավ շրջաններում յերեմն կտրոնները տնկում են թեք կամ հորիզոնական դիրքով (Նկ. 14 և 15), այս դեպքում պարզ ե, վոր կտրոններին տալիք յերկարությունը համեմատաբար մեծ պիտի լինի, քան սովորական ձևով տնկելու դեպքում։ Մեր այգեգործական տնտեսությունները հիմնական տեղում տընկելու համար վերցնում են 65—80 սմ յերկարությամբ

\* ) Կտրոնի հողից դուրս գտնված մասը յերեկոն հողով ծածկում են կամ, ինչպես ասում են, բուկ են տալիս։

կտրոններ, իսկ անկարանում անկելու համար՝ 40—50 սանտիմետրանոց։ Կտրոններին տալիք յերկարությունը կախված է նաև փոփոխակի աճեցողությունից։ Յեթե տվյալ փոփոխակն ընդհանրապես թույլ աճեցողություն ունի և նրա մատերն այնքան կարծ են (ինչպես, որինակ՝ ասկյարունը, Դամարլուի կարածմատ փոփոխակինը), վոր չեն ապահովում կտրոնների պահանջվող յերկարությունը, ապա, պարզ ե, վոր այդ փոփոխակը սովորական կտրոններով բազմացնելու դեպքում մենք հարկադրված ենք ոգտագործել, վորպես բացառություն, համեմատաբար կարծ կտրոններ։ Այս դեպքում կտրոնները պիտի տնկել միայն տնկարանում և արմատակալելուց հետո հիմնական տեղը փոխադրել։

#### 4. ԿՏՐՈՆՆԵՐԻ ՊԱՏՐԱՍՏՈՒՄ (ՎԵՐՑՆԵԼՈՒ) ԺԱՄԱՆԱԿԸ

Կտրոնները պատրաստում են վազի հանգստի շրջանում, ընդհանրապես այգիներն ետելու ժամանակ։ Այն շրջաններում, վորտեղ կլիմայական տաք, բարենպատ պայմանների շնորհիվ այգիները չեն թաղում և ետը կատարում են աշնանը կամ ձմեռը, կտրոնները պատրաստում են հենց այդ ետի ժամանակ, այսինքն՝ աշնան և ձմռան ընթացքում։ Կտրոնների աշնան կամ ձմռան պատրաստումն ունի մի շարք առավելություններ։ Նախ՝ հեշտանում ե աշխատանքի կազմակերպումը տնտեսության մեջ, յերկրորդ՝ թեթևանում են գարնանը կատարվելիք աշխատանքները և յերրորդ՝ հնարավորություն ենք ունենում կտրոնները, հարկ յեղած դեպքում, ժամանակին հեռավոր վայրեր տեղափոխելու։ Այս տեսակետից, այստեղ, վորտեղ կլիմայական պայմանները նպաստավոր են, կտրոններ պատրաստելը պիտի սկսել հենց աշնանից, այգիների տերեւաթափը վերջանալուց հետո։ Սակայն այդ նույն վայրերում՝ ձմռան սամանմանիք ային որերին

կտրոնների պատրաստումը պիտի դադարեցնել։ Ընդհան-  
րապես տերևաթափից առաջ կտրոններ չպիտի պատրաս-  
տել, վորովինետև վազի մատերն այդ շրջանում դեռ լրիվ  
փայտացած չեն և բավարար չափով մննդարար նյութեր  
չեն կուտակել, հետևաբար, դրանցից պատրաստված  
կտրոնները վորակով ցածր են (տես «Մատերի ընտրությու-  
նը» գլուխը)։ Այն շրջաններում, վորտեղ ձմռան խիստ առո-  
նամանիքների հետևանքով այգիները թաղում են, կամ  
ետը կատարում են գարնանը, կտրոնների գարնան պատ-  
րաստումը պիտի սկսել, յերբ որերը բավականաչափ  
տաքանան և յերբ այգիների հողն այնքան չորանա,  
վոր հնարավորություն տա աշխատանք կատարելու։  
Համենայն դեպս, վորպես կանոն, վազերի բողբօջների  
բացման ժամանակ, առավել ես դրանից հետո, կտրոններ  
չպիտի պատրաստել, հետևաբար կտրոնների պատրաստ-  
ման գործն այնպես պիտի կազմակերպել, վոր մինչև բող-  
բօջների բացվելը (աչքերի փնդելը), այդ կարևոր աշխա-  
տանքն ամբողջովին պահպանված լինի։

Խորհրդ. Հայաստանի այգեկործական շրջաններում  
կտրոնները պատրաստում են միայն գարնանը՝ ետի ժա-  
մանակ։

#### 5. ԿԵՐՈՆՆԵՐԻ ԸՆՏՐՈՒԹՅՈՒՆԸ

Կտրոնների ընտրության վրա հատուկ ուշադրու-  
թյուն պիտի դարձնել։ Խաղողի ամեն մի փոփոխակ և  
փոփոխակի ամեն մի վազ չի կարելի ոգտագործել բազ-  
մացման համար. յուրաքանչյուր գեղքում անհրաժեշտ ե  
թե փոփոխակների և թե վազերի խիստ ընտրություն  
կատարել և մշակության արժանի վազերից միայն կտրոն  
ընտրել տնկելու համար։ Տնկվելիք այգիների կանո-  
նավոր աճեցողությունը, ինչպես և նրանց ապագա բերքա-  
տվությունն զգալի չափով կախված ե նրանից, թե ինչ  
կտրոններ են վերցնում բազմացնելու համար։ Աղբոտելի-  
նիկական ձեռնարկումների լրիվ կոմպլեքսի ժամանակին

և բարձր վորակով կիրառելու հետ միասին, ընտիր կտրոն-  
ները հիմնականում ապահովում են նորատունկ այգինե-  
րի ապագա բարձր բերքատվությունը թե վորակի և թե  
քանակի տեսակետից։ Կտրոնները ընտրելու համար ան-  
հրաժեշտ ե նախորոք պարզել, թե խաղողի վճռ փոփո-  
խակներից պիտի կտրոններ հավաքել, այլ կերպ ասած՝  
փոփոխակների ընտրություն կատարել։ Փոփոխակներն  
ընտրելուց հետո պիտի վազերի ընտրություն կատարել  
և այդ վազերից միայն կտրոնացու մատեր ընտրել։

#### ա. Փոփոխակների ընտրությունը

Խաղողի փոփոխակների կանոնավոր ընտրությունը  
բացառիկ նշանակություն ունի այգիների բերքատվության  
բարձրացման գործում։ Անհատական մանր տնտեսության  
պայմաններում ամեն մի սեփականատեր-այգեգործ աշխա-  
տում ե իր տնտեսության մեջ ունենալ մեծ քանակությամբ  
փոփոխակներ. նա շատ հաճախ այդ հարցին մոտենում է  
իրեկ սիրող և յերբեմն մշակում այնպիսի փոփոխակներ,  
վորոնք իրենց մի շարք հատկությունների հետևանքով  
արդյունաբերական նշանակությունից զուրկ են։ Սոցիա-  
լիստական այգեգործական խոշոր տնտեսություններում  
չի կարելի թույլ տալ փոփոխակների այդպիսի բազմազա-  
նություն, այլ անհրաժեշտ ե ընտրել յուրաքանչյուր այգե-  
գործական շրջանի և նույնիսկ յուրաքանչյուր խորհ. կամ  
կոլտնտեսության համար սահմանափակ թվով փոփոխակներ,  
վորոնք տվյալ պայմաններում կարողանան, ամենալավ ար-  
դյունքը տալ. Այս կամ այն շրջանի համար փոփոխակներ  
ընտրելիս, կամ, ինչպես ասում են, շրջանային սորտիմենտ  
կազմելիս, պիտի հաշվի առնել հետվյալ պայմանները.

1. տվյալ շրջանի բնական պայմանները, այսինքն՝  
շրջանի կլիման, հողը, վոռոգման պայմանները և այլն։
2. փոփոխակների աճեցողության և բերքատվության,

պայմանները, նրանց դիմացկունությունը հիվանդություն-  
ներին, վասատուներին և բնական պատահարներին, բերքի  
վորակն ու քանակը, հասունացման շրջանը և այլն.

3. Նրանց, անտեսական նշանակությունը.

4. Փոփոխակների բազմացման հնարավորություն-  
ները, այսինքն՝ վնասան են նրանք տարածված մշակու-  
թյան մեջ և վնասան կտրոններ կարելի յե նրանցից ու-  
նենալ բազմացման նպատակով.

5. Շրջանի այգեգործության ուղղությունը. միև-  
նույն փոփոխակները չեն մշակվելու այգեգործության  
տարբեր ուղղությունների դեպքում. նայած, թե խաղողի  
հյութ ենք պատրաստելու, թե գինի, կոնցենտրատ, թե  
չամիչ, խաղողը վերամշակության ենք յենթարկելու, թե  
թարմ դրությամբ ենք սպառելու, ըստ այսմ պիտի մշա-  
կել տարբեր փոփոխակներ։ Նույնը գինեգործության  
դեպքում—սեղանի գինի յենք պատրաստելու, թե թունդ  
կամ լիքյորային գինի, ըստ այսմ տարբեր փոփոխակներ  
ենք մշակելու։

Այս պայմաններից յենելով՝ ՀԽՍՀ-ի Հողժողկոմատն  
առաջիկա տարիների համար առաջադրել ե շրջանային  
հետեւյալ սորտիմենտն ըստ այգեգործության ուղղու-  
թյան\*)

\*) Ինչ վերաբերում է Ալահերդու, Իջևանի, Շամշադինի, Պորիսի, Ղա-  
փանի, Ախտայի և Թալինի շրջանների այգեգործության ուղղության, ինչ-  
պես և այդ շրջանների սորտիմենտին, ապա այդ հարցերը ներկայումս ՀԽՍՀ-ի  
Հողժողկոմատի կողմից մշակվում են և շատ մոտ ապագայում այդ շրջանների  
համար և կառաջադրվի համապատասխան այգեգործության ուղղություն և  
յուրաքանչյուր ուղղությանը՝ համապատասխան շրջանային սորտիմենտ։

ՃՐՁԱՆ- ՆԵՐ	Այգեգործության ուղղությունը	փափոխակներ
I Կոմիսարություն	Մեղոնային և պա- հունի խաղող	1. Ցեղանդարի, 2. Խալիլի, 3. Ասկյարի, 4. Քիշ- միշ, 5. Խարջի, 6. Իծապտուկ, 7. Մսիալի, 8. Հաչաբաշ, 9. Ալախիլի
	Գինի և կոնյակ	1. Մսիալի, 2. Խարջի, 3. Ճիլար, 4. Կախեթ, 5. Սպիտակ Մուսկատ, 6. Սև Մուսկատ, 7. Սե- միլիոն, 8. Սափերավի, 9. Կարերնե.
	Խաղողի հյութ	1. Մսիալի, 2. Խարջի, 3. Ճիլար, 4. Կախեթ,
II Թրու	Մեղոնային և պա- հունի խաղող	1. Ցեղանդարի, 2. Խալիլի, 3. Քիշմիշ, 4. Իծա- պտուկ, 5. Մսիալի, 6. Հաչաբաշ, 7. Ալախիլի
	Գինի և կոնյակ	1. Խարջի, 2. Ճիլար, 3. Մսիալի, 4. Կախեթ, 5. Կարերնե, 6. Սափերավի, 7. Սպիտակ մուս- կատ, 8. Սև մուսկատ, 9. Սեմիլիոն, 10. Սեր- ոփալ, 11. Բանանց
III Պատուհանություն	Զամբչ	1. Հաչաբաշ, 2. Մսիալի, 3. Ալեքսանդրյան: մուսկատ 4. Իծապտուկ
IV Վարչություն	Մեղոնային և պա- հունի խաղող	1. Ցեղանդարի, 2. Խալիլի, 3. Ասկյարի, 4. Քիշ- միշ, 5. Իծապտուկ, 6. Սպ. շամլա, 7. Մսիալի, 8. Ալախիլի, 9. Թավրիզենի, 10. Ալեքսանդրյան: մուսկատ, 11. Հաչաբաշ
	Կոնյենտրատ	1. Խարջի, 2. Ճիլար
V Պատուհանություն	Գինի և կոնյակ	1. Խարջի, 2. Սպ. Մուսկատ, 3. Սև Մուսկատ, 4. Խարջի, 5. Սեմիլիոն, 6. Պեղու-լիմենս, 7. Վերոբելո, 8. Ռաքածիթելի, 9. Մերսիալ, 10. Մսիալի

Երջան-ներ	Այգեգործության ուղղությունը	Փոփոխականեր	Երջան-ներ	Այգեգործության ուղղությունը	Փոփոխականեր
IV Հոկտեմբերից մասնաւոր համար	Սեղոնային և պահունի խաղող	1. Յեզանդարի, 2. Խալիլի, 3. Ասկարի, 4. Գառանդմակ, 5. Քիշմիշի, 6. Մախալի, 7. Իծապտուկի, 8. Սպ. շամըմա, 9. Հաչաբաշ, 10. Աղախկի, 11. Թավրիզենի, 12. Ալեքսանդրյան Մուսկատ	X Կոնցենտրացիոն կենտրոն	Սեղոնային և պահունի խաղող	1. Յեզանդարի, 2. Խալիլի, 3. Քիշմիշի, 4. Իծապտուկի, 5. Մախալի, 6. Հաչաբաշ, 7. Ալախկի, 8. Հաչաբաշ
	Խաղողի հյութ	1. Մախալի, 2. Ճիլար, 3. Գառանդմակ, 4. Բանաց, 5. Խարջի		Կոնցենտրացիոն կենտրոն	1. Խարջի, 2. Ճիլար
	Գինի և կոնյակ	1. Խարջի, 2. Ճիլար, 3. Սպ. Մուսկատ, 4. Սև Մուսկատ, 5. Սեմիլիոն, 6. Մախալի, 7. Պեղուխիմենեն, 8. Սերսիալ, 9. Վերդելո, 10. Կաբերնե, 11. Սակերամի, 12. Դառանդմակ		Գինի և կոնյակ	1. Խարջի, 2. Սպիտակ մուսկատ, 3. Ճիլար, 4. Որդուցի ճիլար, 5. Մախալի
	Զամիչ	1. Մախալի, 2. Հաչաբաշ, 3. Իծապտուկի, 4. Ալեքսանդրյան Մուսկատ:			
V Յերեսն քաղաք	Սեղոնային և պահունի խաղող	1. Մախալի, 2. Խարջի, 3. Քիշմիշի, 4. Հաչաբաշ, 5. Ասկարի, 6. Յեզանդարի, 7. Խալիլի, 8. Աղախկի, 9. Իծապտուկ			
VI Մերժություն	Զամիչ	1. Ալաղուրա			
VII Միջազգային	Սեղոնային և պահունի խաղող	1. Քիշմիշի, 2. Յեզանդարի, 3. Խալիլի, 4. Հաչաբաշ, 5. Մախալի			
	Գինի և կոնցենտրացիոն կենտրոն	1. Մալահի, 2. Ալիդարա, 3. Ճիլար, 4. Մախալի, 5. Կախեթ			
VIII Ազգային կենտրոն	Սեղոնային և պահունի խաղող	1. Քիշմիշի, 2. Յեզանդարի, 3. Խալիլի, 4. Հաչաբաշ, 5. Մախալի			
	Գինի և կոնցենտրացիոն կենտրոն	1. Մախալի, 2. Ալիդարա, 3. Ճիլար, 4. Մալահի, 5. Կախեթ			
IX Կոստանդնուպոլիս	Սեղոնային և պահունի խաղող	1. Խարջի, 2. Մախալի, 3. Հաչաբաշ, 4. Քիշմիշի, 5. Յեզանդարի, 6. Խալիլի, 7. Աղախկի, 8. Իծապտուկ	X	Սեղոնային և պահունի խաղող	1. Յեզանդարի, 2. Խալիլի, 3. Քիշմիշի, 4. Իծապտուկի, 5. Մախալի, 6. Հաչաբաշ, 7. Ալախկի, 8. Հաչաբաշ
				Կոնցենտրացիոն կենտրոն	1. Խարջի, 2. Ճիլար

Ինչպես տեսնում ենք, յուրաքանչյուր շրջանին տված է այգեգործության կոնկրետ ուղղություն և յուրաքանչյուր ուղղությանը հատկացված են վորոշ թվով փոփոխականեր: Հետևապես փոփոխականերն ընտրելիս՝ մենք պիտի յենենք տվյալ շրջանի այգեգործության ուղղությունից և շրջանային սորտիմենտից: Այս տեսակետից ամեն մի խորհ. և կոլ. տնտեսություն, ստանալով վերադարձ որդանակորհ. հողբաժին, համապատասխան արեստ, ՄՏԿ և այլն) կողմից առաջարկված այգեգործության ուղղությունն ուղղացման ոլլանը և հարմարեցնելով այն յուր պայմաններին, հաշվի յեւ առնում կարոնները ձեռք բերելու հնարավորությունները և ապա դրա հիման վրա շրջանային սորտիմենտից փոփոխակաների ընտրություն կատարում: Ինչ թվով փոփոխականեր պիտի ընտրի այգեգործական համար այգեգործության տառեսություն: Դա կախված է թե այգեգործության ուղղությունից և թե փոփոխակաները բարձրագույններից: Յեթե այգեգործության ուղղությունը պահանջում է խաղողը վերամշակման յենթարկելու այս կամ այն սլորդուկը (գինի, հյութ, կոնցենտրացիոն կենտրոն, չամիչ և այլն) ստանալու նպատակով, ապա համեմատաբար քիչ քանակությամբ (3—4) փոփոխականեր պիտի մշակել իսկ յեթե խաղողն սպառելու յեթարմ դրությամբ, ապա խաղող գործածելու ժամանակամի-

Հոցը յերկարացնելու համար նպատակահարմար ե փոփոխակեների քանակը հասցնել 5—6-ի և նույնիսկ ավելի: Բայց հաշվի առնելով փոփոխակները բազմացնելու հսարավորությունները՝ տնտեսությունը հաճախ սովորված ե լինում ավելի մեծ թվով փոփոխակներ ընտրելու, քանի ինքը՝ տնտեսությունը ցանկանում է բազմացնել: Այսպես, որինակ, տնտեսության համար վաղահաս փոփոխակներից նպատակահարմար ե, դիցուք, բազմացնել միայն յեզանդարին, բայց փորովնետե այդ փոփոխակը մեր այգիներում շատ քիչ քանակությամբ ե տարածված և նրանից պահանջվող քանակությամբ կտրոններ չեն ստացվում, ապա վաղահաս խաղողի քանակն ապահովելու նպատակով, տընտեսությունն սովորված ե յեզանդարու հետ միասին ընտրել նաև խալիլին (թե սպիտակը, թե սևը), վորը նույնպես վաղահաս փոփոխակ է:

Համենյան դեպս, այգեգործության յուրաքանչյուր տնտեսություն պիտի աշխատի հնարավորության սահմաններում քիչ թվով փոփոխակներ բազմացնել և, վորպես կանոն, տվյալ շըջանային սորտիմենտից դուրս փոփոխակ չընտրել: Փոփոխակների ընտրության հետ միասին անհրաժեշտ ե կազմել նաև կտրոնների մթերման համար առանձին պլան<sup>\*)</sup> և նախապատրաստական աշխատանքներ տանել տնկարանները և անկվելիք այգիները պահանջվող քանակությամբ կտրոններով ապահովելու նպատակով: Ըստրած փոփոխակների ապահովումը պահանջում է, վոր Հողգողկոմատի այգեգործական վարչության ղեկավարությամբ և գիտահետազոտական հիմնարկությունների (ոժանդակությամբ այգեգործական տնտեսությունները վազվի վեգետացիոն շըջանում կատարեն այդ փոփոխակների պիտակավորում (յարլիկավորում)): Դրա համար յերնելով

<sup>\*)</sup> Կարոնների մթերման պլանը հաստատվում է համապատասխան գերագաս որդանների (հողբաժին, ՄՏԿ, համապատասխան տրեստ և այլն) կողմէ:

խաղողի կտրոններ (մատեր) մթերելու հանրապետական ընդհանուր պլանից՝ պետք ե ըստ առանձին փոփոխակեների վազերի ընտրություն և պիտակավորում կատարել: Հայկական ԽՍՀ Ժողկոմիորնի և ՀԿ(Բ)Կ կենտկոմի 1936 թ. նոյեմբերի 6-ի «Հայկական ԽՍՀ ռում մրգաբուծությունը և խաղողաբուծությունը զարգացնելու 1936 թ. աշնան և 1937 թ. պլանի մասին» վորոշման համաձայն, 1937 թ. աշնան և 1938 թ. գարնան ընթացքում տնկվելիք այգիները տնկիներով ապահովելու համար, 1937 թվականի գարնանը պետք է մթերեն յոթ միլիոն յոթ հարյուր հինգ հազար (7.705.000) կտրոն: Ըստ առանձին փոփոխակների կտրոնների մթերման նշած պլանը բաշխվում է հետեւյալ ձևով.

Մուսկատ	280,000	Հաչաբաշ	380,000
Սեմիլին	70,000	Ցեղանդարի	24,000
Սերսիալ	15,000	Խալիլի	22,000
Պինո	10,000	Քիշմիշի	148,000
Տոկայ	5,000	Ալախիլի	35,000
Վերդելիսո	5,000	Իծապտուկ	52,000
Խարջի	2,600,000	Գառանդմակ	816,000
Մսիալի	1,100,000	Ալիգարա	15,000
Ճիլար	785,000	Զանազան	43,000
Կախեթ	1,300,000		

Ըստրամենը

7.705.000

Բ. Վազերի ընտրությունն ու պիտակագրումը

Վորքան ել փոփոխակները ձիշտ ընտրած լինենք, այնուամենայնիվ ընտրած փոփոխակի ամեն մի վազ չի կարող պիտանի համարվել բազմացման համար այն պարզ պատճառով, վոր յուրաքանչյուր փոփոխակի սահմանում պահպան են առանձին վազեր, վորոնք իրենց մի շարք վատ հատկությունների հետևանքով միանդամայն անպետք են բազմացման համար: Անշուշտ նույն փոփոխա-

կի բոլոր վազերը, մշակության միևնույն պայմաններում անգամ, չունեն արդյունաբերական միևնույն նշանակությունն ու արժեքը և հաճախ իրարից տարբերվում են մի շաբթ, մշակության համար կարևոր հատկություններով։ Հիրավի մեր այդիներում յեղած բոլոր խարջիները միևնույն խարջին չեն. անշուշտ նույն այգում վորակավոր և բարձր բերքատվությամբ խարջիների հետ միասին պատահում են նաև անբերըի, կամ սակավաբեր և վատորակ խարջիներ, վորոնց վողկույզները շատ փոքր են և պտուղները (գիլաները) յերեմն այսքան մանը, վոր մեր պրակտիկ այգեգործներն այդպիսի խարջիները «ծափի խաղող» են անվանում։ Նմանապես նույն այգում մենք կարող ենք գտնել կանոնավոր աճող և այս կամ այն հիվանդությանը համենատարար դիմացկուն ու լավ հատկություններով խարջիների հետ միասին նաև թույլ նվազ աճող, հիվանդություններին չդիմացող և մի շաբթ վատ հատկություններ ունեցող խարջիներ։ Նույնը կարելի յե ասել նաև բոլոր փոփոխակների մասին։ Ուրեմն ամեն մի փոփոխակի բոլոր վազերը միատեսակ չեն։ Կան մշակության համար միանգամայն պիտանի և բազմացման համար արժանի վազեր, սակայն զբանց կողքին կան և այնպիսի վազեր, վորոնք վոչ միայն արժանի չեն բազմացնելու համար, այլև ավելի շուտ յենթակա յեն վոչնչացման։ Այստեղից պարզ է, վոր միևնույնը չե՝ թե ինչ վազերից ենք կտրոններ ընտրում բազմացնելու համար։ Սակավաբեր և վատ հատկություններ ունեցող վազերը բազմացնելիս մենք նորից վատ և սակավաբեր վազեր ենք ստանում, հետևապես կտրոններ վերցնելիս՝ մենք լուրջ ուշադրություն պիտի դարձնենք վազերի ընտրության վրա և նրանցից արժեքավորները միայն ընտրենք հետազայում բազմացնելու համար։ Պիտի լավ հիշել այն, վոր նոր այգիների բերքատվությունը մեծապես կախված է նրանից, թե ինչ ժամանակակից կարող է առաջընթաց առաջանալ։

ուանգական հատկություններ ունեցող կտրոններ ենք ողագործել այգիներ անկելու համար։

Բազմացման նպատակով վազեր ընտրելիս՝ անհրաժեշտ ե ուշադրություն դարձնել նրանց հետեւյալ հատկությունների վրա.

1. ընտրած վազերը միանգամայն առողջ պիտի լինեն և միլդյուով (չոռ), ոիդիումով (սև), անտրաքնոզով և այլ հիվանդություններով վարակված չլինեն, քանի վոր հիվանդ վազերի կտրոնները լավ չեն կպչում, թույլ են աճում և հեշտությամբ այս կամ այն հիվանդությունով նորից են վարակվում.

2. վազերը պիտի կանոնավոր աճած լինեն և բավար քանակով լավ փայտացած մատեր ունենան. թույլ և նվազ վազերի կտրոնները դժվարությամբ են կպչում և անհաջող զարգանում.

3. այն վազերը, վորոնք տառապում են ծաղկավիժումով (ծաղկինները թափվում են). բազմացման համար նույնպես անպետք են, վորովհետև այդ հիվանդագին յերեսութը հաճախ կրում է ժառանգական ընույթ, այնպես, վոր այդ վազերը կտրոններով բազմացնելու գեղքում մենք ստանում ենք նույնպես ծաղկավիժումով տառապող և սակավ բերք տվող վազեր։ Չպիտի վերցնել կտրոններ նաև այն վազերից, վորոնք տառապում են պըտղավիժումով (պտուղները թափվում են).

4. նշանակություն ունի նաև վազի հասակը։ Յերիտասարդ վազերի պտղաբերությունը, ինչպես և նրանց մի շաբթ հատկությունները զեռ լրիվ արտահայտված չեն, հետևապես նրանց ընտրությունը, բազմացնելու նպատակով, բավականին դժվար է, և այս գեղքում հաճախ մենք սխալ յեղբակացության կարող ենք հանգել։ Տվյալ փոփոխակի կտրոնների սուր կարիքի գեղքում միայն կարելի յե յերիտասարդ վազերից կտրոններ վերցնել։ Կտրոններ չպիտի

վերցնել նաև շատ հին և ծերության շրջանը թեսկոփոսդ վազերից,

5. բազմացման արժանի յեն միայն լավ բերքատու վազերը. անհրաժեշտ է ընտրել այնպիսի վազեր, վորոնք թե վորակով և թե քանակով բարձր բերք են տալիս.

6. վերջապես մեր ցանկացած փոփոխակներից միայն վազերի ընտրություն պիտի կատարել և պիտակավորման ժամանակ մեկ փոփոխակի վազերը մյուս փոփոխակի հետ չպիտի խառնել:

Ահա թե ինչ հատկությունների վրա յե, վոր պիտի ուշագրություն դարձնել վազերն ընտրելու ժամանակ:

Յերբ պիտի կատարել վազերի ընտրությունը: Գար նան ետի ժամանակ հնարավոր չե վազի ընտրություն կատարել, նախ՝ գարնանը դժվար ե փոփոխակները ճանաչել և, բացի զրանից, մենք չենք կարող ճշգրիտ գաղափար կազմել վազերի մի շարք կարևոր հատկությունների մասին, ինչպես, որինակ՝ բերքատվությունը, հիվանդություններին դիմանալը և այլն. հետևապես վազերի ընտրությունը պիտի կատարել վեգետացիոն (աճեցողության) շրջանում, յերբ լրիվ կերպով արտահայտվում են վազի բոլոր հատկությունները, և յերբ մենք հնարավորություն ունեք ճիշտ կերպով ճանաչելու թե փոփոխակները և թե նրանց բոլոր հատկությունները: Ընդհանրապես վազերի ընտրության աշխատանքներն սկսում են ամառվա յերկրորդ կիսին խաղողի ֆիղիորդի վական հասունացման պահին և վերջացնում այգեկութիւն ժամանակ: Վազերի ընտրության համար կա յերկու ձև:

1. Ընտրություն բացասական հատկանիւրով. ընտրում են սակավաբեր և վատ հատկություն ունեցող վազերը, վորոնք իրենց վատ հատկությունների հետևանքով բարձրացման համար ցանկալի չեն և դրանց վրա հատուկ նշաններ անում (պիտակներ—յարլինկներ կախում): Նշան արած վազերից կարոններ չեն վերցնում, այլ կորոններ ընտրում են պիտակ չկապած վազերից:

2. Ընտրությունը դրական հատկանիւրով. այս դեպքում ընտրում են լավ հատկություններ ունեցող վազեր, վորոնք ցանկալի յեն բազմացման համար, և դրանց վրա միայն նշաններ անում: Կտրոններ վերցնում են միայն նշան արած վազերից: Այս ձեն ավելի վստահելի յե, քան առաջինը, սակայն համեմատաբար շատ բանվորական ձեռք և պահանջում և ընտրությունը համեմատաբար յերկար է տևում, քան առաջինի դեպքում:

Վոր ձեւը պիտի կիրառել Խորհրդային Հայաստանի այգեգործական տնտեսություններում: Անշուշտ, յեթե մեր այգիները տնկված լինելին առանձին փոփոխակներով, այլ վոչ թե խառը (խոսքու հին այգիների մասին ե), ապա մենք կիրառելինք առաջին ձեւը, այսինքն՝ ընտրությունը բացասական հատկանիշներով: Բայց վորովիետե խառը տնկած այգիներում փոփոխակներն իրարից տարբերելու համար մենք պիտի նաև նրանց համարակալենք, ապա պարզ ե, վոր ընտրության առաջին ձեն այս դեպքում կիրառելի չե: Նման դեպքերում պիտի կիրառել միայն յերկրորդ ձեւը, այսինքն՝ ընտրությունը դրական հատկանիշներով: Սակայն կան և այգիներ, վորտեղ հիմնականում գերակշռում ե փոփոխակներից վորեւ մեկը, ինչպես որինակ՝ Դամարլուի շրջանի մի շարք այգիներում տարածված ե համարյա թե միայն կախեթ փոփոխակը, Յերևանի և Վաղապատի այգիներում՝ խարջին, Վեդու շրջանի վորոշ այգիներում՝ մախալին, Հոկտեմբերյանի շրջանում՝ գառանդմակը, Մեղրում՝ ալաղուրան, և այլն: Այդ այգիներում ընտրությունը կարելի յե կատարել առաջին ձեռք, սակայն այս դեպքում նշանակում են թե հիմնական փոփոխակի վատ վազերը և թե առանձին համարներով պիտակավորում են այդ այգիներում յեղած կողմանակի փոփոխակաները, հետևապես, առանց նշանի մնում են միայն հիմնական փոփոխակի ընտրի վազերը, վորոնցից և մենք կտրոններ ենք վերցնում: Նույն այդ ձեւը մասամբ հնարավոր ե կիրառել

նաև մեր յերիտասարդ այգիներում (I, III խորհ. տնտեսություններ), վորտեղ փոփոխակները անկված են առանձին կլարտախներով։

Վազերը նշանակելու համար գործ են ածում փայտյակամ թիթեղյա պիտակներ 5—7 սմ յերկարությամբ և 3—4 սմ լայնությամբ։ Պիտակները յերկաթյա լարերի (լավ ե գործածել ցինկապատ լար, վոր անհամեմատ ավելի յերկար ե դիմանում) ողնությամբ կապում են վազերի ըներին կամ բազմամյա թևերին։ Մեզ մոտ գործածում են գլխավորապես թիթեղյա համարագրված \*) պիտակներ։ Դրական հատկանիշներով ընտրություն կատարելու դեպքում անհրաժեշտ է յուրաքանչյուր փոփոխակին հատկացնել վորոշ համարով պիտակներ և այդ պիտակներով միայն ավյալ փոփոխակը նշանակել։ Մեր փոփոխակների համարագրությունը տալիս ե Հողժողկոմատի այգեգործական վարչությունը, վոր զեկավարում ե պիտակագորման աշխատանքները մեզ մոտ։ Վազերի ընտրության գործը պիտի հանձնել փորձված մարդկանց, վորոնք թե փոփոխակները լավ ճանաչել կարողանան և թե ընտրությունը ճիշտ կատարել։

#### գ. Մատերի ընտրությունը յեզ կտրնեներ պատրասելը

Կտրնեների վորակը մեծապես կախված ե նրանից, թե ինչ մատերից են նրանք վերցված։ Ամեն մի մատ չի կարող պիտանի համարվել լավ կտրն պատրաստելու համար, վորովհետև, անգամ կանոնավոր ընտրած վազի բոլոր մատերը միատեսակ չեն և կտրնեներ վերցնելու համար չունեն միևնույն նշանակությունն ու արժեքը։ Անշուշտ ժառանգական լավ հատկություններ ունեցող նույն վազի վրա առողջ, նորմալ զարգացած մատերի հետ յերբեմն պատահում են նաև թույլ, անկանոն զարգացած, այս կամ

\*) Թիթեղը կարելի յե ձեռք բերել Յերևանի Կոնսերվի գործարանի թերեղագործական բաժնի թափթփուկներից։

այն հիվանդություններով վարակված և մի շաբք վատ հատկություններ ունեցող մատեր։ Այս տեսակետից լավ ե հաջող կարոններ ստանալու համար բավական չի միայն վազերի ընտրություն կատարել, այլ անհրաժեշտ ե նաև այդ վազերից լավ վորակով մատեր ընտրել և դրանցից միայն կտրնեներ պատրաստել։ Մատերի ընտրության ժամանակ անհրաժեշտ ե ուշադրություն դարձնել նրանց հետեւյալ հատկությունների վրա։

1. մատերն առողջ ու կանոնավոր զարգացած լինեն, հետեւապես վերքեր և հիվանդությունների հետքեր չպիտի ունենան, կարկտահարված կամ ցրտահարված չպիտի լինեն, նորմալ զարգացած աչքեր պիտի ունենան, վորոնք սեացած չպիտի լինեն (ցրտահարությունից կամ այլ պատճառովից)։

2. մատերը լավ հասունացած և լրիվ փայտացած պիտի լինեն, հետեւվապես, նայած փոփոխակին՝ կարմրավուն, գորշավուն, գեղնավուն կամ մոխրագույն կեղեւ պիտի ունենան։ Բնափայտը պիտի խիտ լինի և վոչ փխրուն. ունենա համեմատաբար փոքր խողովակներ և ավելի հաստ լինի, քան միջնուկը (ծուծը)։ Վորչափ վերջինս սահմանափակ ե խոկ բնափայտը լավ զարգացած, այնքան մատն ավելի լավ ե հասունացած։

3. մատերը միջին հաստության պիտի լինեն, պիտի աչքը սովորեցնել յուրաքանչյուր փոփոխակի միջին հաստությանը, վորոնետե, որինակ՝ հաշաբաշի մատն ընդհանրապես ավելի հաստ ե քան խարջունը կամ ծիլարինը, խոկ վերջիններինս ավելի հաստ ե, քան Դամարլուի կախեթինը կամ կարձամատինը։

4. մատերը միջին յերկարության միջինգույցներ պիտի ունենան, այսինքն՝ հանգույցները (կապերը) իրարից վոչ շատ մոտ և վոչ ել շատ հետու պիտի դասավորված լինեն։ Այստեղ ևս աշքը պիտ սովորեցնել յուրաքանչյուր

փոփոխակի միջնանգույցի միջին յերկարությանը, որինսակ՝ մսխալին, քիշմիշն ավելի յերկար միջնանգույցներ ունեն, քան ճիլարը, խարջին, մանավանդ կարճամատը, ասկյարին.

2-րդ, 3-րդ և 4-րդ կետերում բերած ցուցանիշները ցույց են տալիս, վոր մատերը լավ են մնվել և սննդանյութերով հարուստ են: Հիրավի միայն մննդանույթերով հարուստ կտրոնը կարող է լավ արմատակալել և հաջող զարգանալ: Բարակ մատերը մնացել են բարակ, վորովհետև անհրաժեշտ քանակությամբ մնունդ չեն ունեցել և չեն կարողացել աճել, իսկ հաստ մատերն ուժեղ և արագ աճեցողության հետևանքով, բոլոր մննդարար նյութերը ծախսել են իրենց աճման վրա և կուտակում չեն կատարել կամ քիչ են կատարել, հետևապես, թե բարակ և թե հաստ մատից վերցրած կտրոնները գժվարությամբ են արմատակալում ու անհաջող զարգանում և նրանց չնչին տոկուն ե կպչում:

5. մատերը վորոշ յերկարություն պիտի ունենան: Յեթե մատերն այնքան կարծ են, վոր չեն ապահովում կտրոնների պահանջվող յերկարությունը (տես «Կտրոնների յերկարությունը» գլուխը), ապա պարզ է, վոր այդ մատերից կտրոններ չպիտի վերցնել: Յերկար, բայց նորմալ զարգած մատից հնարավոր ե վերցնել յերկու և նույնիսկ ավելի կտրոն (տալով կտրոններին պահանջվող յերկարություն).

6. մատերը պետք է նստած լինեն յերկամյա բնափայտի (յերկու տարեկան մատի) վրա: Բնամատից (հոռամատ) և բճամատից (տերեկի ծոցից դուրս յեկած մատը բճաշիվ) կտրոններ չպիտի վերցնել, վորոնետև նրանք, քիչ քանակությամբ մննդարար նույթեր պարունակելու հետևանքով, գժվարությամբ են արմատակալում.

7. մատերի ընտրությունը պիտի կատարել միայն պիտակավորված այգիների ընտիր վաղերից:

Անհրաժեշտ է, վոր այգեգործական ամեն մի խորհրդ:

և կոլ. տնտեսություն հաշվի առնի մատերի վերև թված հատկությունները և ըստ այնմ ել կտրոններ վերցնի:

Մատերի ընտրությունը սովորաբար կատարում են կտրոններ վերցնելու ժամանակ: Այդպես են անում և մեզ մոտ՝ Խորհրդային Հայաստանում. գարնանը, ետի ժամանակ թե մատերն են ընտրում և թե կտրոններ վերցնում: Անհրաժեշտ է վորակյալ ետվորներից հատուկ բրիգադներ (մատ բռնողներ) կազմակերպել վորոնք նախքան այգիների համատարած ետք, մատերի ընտրություն կատարեն և այդ մատերից կտրոններ պատրաստեն:

Երիգաղի յուրաքանչյուր տնդամ լավ պիտի գիտակցի մատերի ընտրության կարեվորությունը յեվ ընթիր մատերից միայն կտրոններ վերցնի. սակայն այնպես, վոր մայր վազի բերքավորությունն ապահովված լինի:

Ընտրած մատերը համապատասխան տեղերից (նայած քանի աչք և մնալու վազի վրա) կտրում են և տալով կտրոններին պահանջվող յերկարություն, նրանց ծայրի բարակ մատերը հեռացնում են: Կտրոնների վրա յեղած բոլոր թելիկներն ու բճամատերը նույնպես հեռացնում են: Այսուհետև կտրոնը հիմքում հանգույցի տակ հորիզոնական ուղղությամբ հարթ կտրում են: Պատրաստված կտրոնները հավաքում են մի

Նկ. 16. Կտրոնների  
խորհ

աեղ և նրանցից խրձեր կազմում ու 1—2 տեղից լարով կամ թոկով (կարելի յե և խաղողի մատով, ուռենու շփով) ամուր կապում։ Խրձերն այսպես պիտի կապել, վոր կը տրոնսերի հիմքերը մեկ մակարդակի վրա լինեն (նկ. 16.)։

Ամեն մի խրձի վրա փառյե պիտակ\* ) են կախում, վորի վրա գրում են փոփոխակի անունը, կտրոնների պատրաստման վայրը, ամսաթիվը, կտրոնների քանակը և, դիմագրկությունը վերացնելու համար, խրձեր կապողի ազգանունը։ Այսպես, որինակ՝ պիտի գրել «Խարջի, Ի. Խորհ. արնաւես. —Դաշտամաս 10 IV —1937թ. Զադոյան Գրիգոր»։ Ցեթե խրձերն ստանդարտ մեծության են (միկունն քանակությամբ կտրոնների քանակը կարելի յե չգրել։ Թե կտրոնները վերցնելու և թե խրձեր կապելու ժամանակ վոչ մի դեպքում մեկ փոփոխակի կտրոնները մյուս փոփոխակի հետ չպիտի խառնել։ Մեզ մոտ՝ Խորհղային Հայաստանում ընդհանրապես 200 կտրոնից մի խուրձ են կապում։ Կտրոնները (խրձերը) բանակությամբ ջուր են գոլորշիացնում և հեշտությամբ քանակությամբ ջուր են գոլորշիացնում և հեշտությամբ չորանում են։ Այս պատճառով, պատրաստված խրձերը հենց նույն որը պիտի տեղափոխել նշանակված տեղը, վորտեղ նրանց վորոշ ձևով պահում են մինչև տնկելը։

## 6. ԿՏՐՈՆՆԵՐԻ ՊԱՀԵԼՆ ՈՒ ՓՈԽԱԴՐԵԼԸ

Աշնան թե գարնան պատրաստած, ինչպես և ուղիղ ստացած կտրոնները մինչև տնկելը պիտի կանոնատեղից ստացած կտրոնները մինչև տնկելը պիտի կանոնավոր պահել։ Կտրոնները պահելու վրա լուրջ ուշադրություն պիտի դարձնել, վորովհետև նրանց կպչելու հաջողությունը կախված է նաև կտրոնները պահելու պայմաններից։ Ցերեքեմ կտրոնները պահելու վրա հարկ յեղած ուշա-

\* ) Կարելի յե և թիթեղի համարագրված պիտակ կապել, այս դեպքում գրելը հնարավոր չե։

դրություն չեն դարձնում և, վատ պայմաններում պահելու հետևանքով, լավ ընտրված կտրոնները տնկման բարենը պաստ պայմաններում անգամ անհաջող են կպչում, նրանց չնշն տոկոսն ե միայն զարգանում։ Մինչդեռ տնկման նույն պայմաններում, նույն վորակի, բայց լավ վիճակում պահապահ կտրոններն ուժեղ արմատներ ու շվեր են արձակում և շատ հաջողությամբ են զարգանում։ Կտրոններն այնպես պիտի պահել, վոր նրանք թարմ ու միանգամայն առողջ լինեն, չցրտահարվեն, չորությունից կամ չափից ավելի խոնավությունից չմասավեն, չբորբոսնեն, նրանց բողբոջները (աչքերը) սեվացած, փտած չլինեն, կամ ժամանակից շուտ չմացվեն։ Դրա համար կտրոնների պահելու տեղը (միջավայրը) պիտի ունենա.

1. Համեմատաբար ցածր ջերմություն (ամենից լավ ե + 2°-ից մինչև 6°C). Բարձր ջերմության (10°-ից բարձր) դեպքում բողբոջները կարողեն են ժամանակից շուտ բացվել և շվեր արձակել, վորոնք կարձ ժամանակից հետո փչանում են. այս դեպքում կտրոնները հաջողությամբ չեն արմատակալում (տես եջ 28 և 60)։ Չափազանց վնասակար ե բարձր ջերմությունը, մանավանդ յեթե միջավայրը շատ խոնավ ե լինում։ Նման պայմաններում բողբոջները փտում են և նույնիսկ կտրոնները կարող են կորցնել կպչելու ունակությունը և մանավանդ վնասակար ե, վորովհետև սառնամանիքներից կտրոնները հեշտությամբ ցրտահարվում են\* ).

2. Չափավոր խոնավություն (մոտ 10°/0). շատ խոնավ պայմաններում կտրոնները հեշտությամբ կարող են ըորբոնել և նեխել, բողբոջները նույնակա կարող են նեխել. չոր պայմաններում՝ կտրոնները մեծ քանակությամբ ջուր պահանձնելու մեջ կարոնները հեշտությամբ ցրտահարվում են\*).

\* ) Անհրաժեշտ է հիշել, վոր կտրոնների ցրտագիմացկունությունն անհամեմատ ավելի թույլ ե, քան վագերի վրա թուղած մատերինը.

Են գոլորշիացնում և անգամ այնքան չորանում, վոր կորցնում են իրենց կենսունակությունը.

3. բավարար քանակով ողի Ողի պակասության դեպքում կտրոնները նեխում, փառում և տնկելու համար անպետք են դառնում:

Այս յերեք հիմնական պայմանների կիրառումը միանգամայն ապահովում է կտրոնների կանոնավոր պահպանությունը: Այս տեսակետից, վորտեղ և ինչ ձեռվ ել կտրոնները պահելու լինենք, միևնույն ե, այդ պայմանների վրա հաստուկ ուշագրություն պիտի դարձնել. առաջինը հիշել՝ վորքան կտրոններն առողջ են և կանոնավոր հասունացած, այնքան նրանք թե տեղում լավ են պահվում և թե փոխադրելուց չեն տուժում. յերկրորդ՝ պիտի աշխատել վոր կտրոնների պահելու միջավայրը (հող, ավազ) վերը թված պայմաններն ունենա:

Կտրոնները պահում են ավագի կամ հողի մեջ.


1. բացոթյա պայմաններում՝ խրամատների մեջ (կտրոնները պահելու հասարակ և ամենատարածված ձեն և հանդիսանում):

2. ծածկի (չարդախի) տակ(под навесом).

3. նկուղներում կամ այդ նպատակով կառուցված հաստուկ պահեստարաններում:

1. Կտրոնների խրձերը բացոթյա պայմաններում պահելու համար, վորեն ազատ, բայց վոչ խոնավ, տեղում (այդում) փորում են 0,5—1 մետր, անգամ ավելի խորությամբ (վոր կախված է խրձերի յերկարությունից կամ թե նրանց հաստությունից, յեթե խրձերը հորիզոնական դրությամբ ենք դասավորելու): 1,5—2 մետր լայնությամբ և վորոշ յերկարությամբ խրամատներ (առուներ). յերկարությունը կախված է կտրոնների (խրձերի) քանակից: Խրամատների մեջ խրձերը դասավորվում են իրար կից ուղղահայած (կանգնած) կամ հորիզոնական (պառկած) կամ թեք դրությամբ. դասավորելու հետ միաժամանակ

խրձերի արանքները հողով լցնում են: Դասավորելուց հետո խրամատը վերկից փուխը հողով (ավազախառն) բոլորովին ծածկում են, այնպես վոր տեղավորված խրձերի վրա վորոշ մեծությամբ հողաշերտ (ծածկոց) կազմվի, վորի (հողաշերտի) հաստությունը, կտրոնները գարնանը պահելու դեպքում, շատ փոքր ե լինում (մոտ 10 սմ.). ընդհակառակը՝ աշնանը պահելու դեպքում խրձերի վրա հողի ավելի հաստ շերտ են կազմում (15—30 սմ, վորը կախված է տվյալ շրջանի ձմբան ջերմության պարմաններից): Համենայն դեպս այդ ծածկոցը գետնի յերեսից բարձր պիտի լինի, վորպեսզի խրամատների մեջ շատ խոնավություն չկուտակվի (տես նկ. 17): Աշնանը խրձերն, ընդհանրա-



Նկ. 17. խրձերի պահելը խրամատներում

պես ուղղահայաց են դասավորում, իսկ գարնանը՝ հորիզոնական, կամ թեք:

Յերեմի գարնան տաք որերին խրամատների հողը շատ է չորանում. այս դեպքում անհրաժեշտ է, ժամանակ, առժամանակ, հողը խոնավացնել՝ շաղ տալով նրա վրա քիչ քանակությամբ ջուր: Այս ձեռվ կտրոնները պահում են մինչև տնկելը կամ մի այլ տեղ փոխադրելը (ուղարկելը):

2. Կարելի յե նույնպիսի խրամատներ պատրաստել նաև մի վորեն ազատ ծածկի կամ չարդախի տակ, վորտեղ կտրոնների խրձերը դարձնում են և ծածկում նույն ձեռվ ինչպես և բացոթյա պայմաններում պահելու դեպքում: Բացի


դրանից, ծածկի տակ կտրոնները պահում են հետեյալ ձևով. ծածկի պատի ուղղությամբ, գետնի վրա մոտ 10 սմ բարձրությամբ ավազ են փռում, վորի վրա կողք-կողքի պառկեցնում են կտրոնների խրձերը, դրանց վրա նորից ավազ են լցնում (մոտ 5 սմ բարձրության շերտով), ապա այդ ավազի վրա դարսում են դարձյալ խրձեր, վորոնց վրա նույն հաստության շերտով նորից ավազ լցնում և այդպես շարունակում մի-մի շարք կտրոնի խրձեր և մի-մի շարք ավազի շերտեր, մինչև վոր ամբողջ կույտի բարձրությունը հասնի մոտ յերկու մետրի: Վերջին շարքը պետք է ծածկված լինի մոտ 15—20 սմ ավազի շերտով: Սովորաբար չորս շարքից (մոտ 2 մետր բարձրություն) ավելի չեն դասավորում, վորոնակ շատ շարքեր դասավորելու դեպքում ներքեւի շարքն ողի պակասության հետևանքով հեշտությամբ փշանում է: Ավազը խրձերի վրա լավ պահելու և վայր չսողալու համար, գետնի վրա, կույտի մոտ մի քանի ցցեր են կանգնեցնում, վորոնց վրա ավազի կույտը բարձրացնելու հետ աստիճանաբար հենում են տախտակներ: Ավազ չինելու դեպքում կարելի յե փուխը հող վերցնել:

3. Անհամեմատ ավելի լավ է կտրոնները պահել սառ և լավ հովհարվող նկուղներում, կամ այդ նպատակով կառուցված հատուկ պահեստաբաններում, վորտեղ հեշտությամբ կարելի յե կանոնավորել և անհրաժեշտ բարձրության վրա պահել շերմությունը և խոնավությունը, ինչպես և պահած կտրոնների խրձերը հարկ յեղած դեպքում հովհարել:

Նկուղներում կամ հատուկ պահեստաբաններում կտրոնները պահում են ավազի մեջ (տես նկ. 18) նույն ձևով, ինչպես և ծածկի կամ շարդախի տակ: Կտրոնները պահելու այդ ձևը (նկուղներում կամ պահեստաբաններում) չնայած ավելի լավ է, քան վերևում նկարաբարվածները, բայց այնքան տարածված չե, վորովհետև հատուկ պահեստներ, շենքեր, մեծ քանակությամբ ավազ, շատ աշխատանք ու ծախսեր ե պահանջում:

Ընդհանրապես կտրոնները պահում են բացովիա պայմաններում, խրամատների մեջ, մանավանդ այն շրջաններում, վորտեղ կտրոնները գարնանն են պատրաստում: Խորհրդային Հայաստանի այգեգործական շրջաններում կտրոնները նույնպես պահում են բացովիա պայմաններում, խրամատների մեջ, հորիզոնական կամ թեք դրությամբ:

Կտրոնների փոխադրելը (ուղարկելը)\*: Կտրոնների փոխադրության ժամանակ նմանմակես պիտի պահպանել




Նկ. 18. Խեցերի պահելն ավազի մեջ

այն բոլոր պայմանները (ջերմություն, խոնավություն և ող), վորոնք անհրաժեշտ են կտրոնները տեղում կանոնավոր պահելու համար: Այս տեսակետից կտրոնները կարելի յե փոխադրել կամ աշնանը, յերբ սարնամանիքները

\*) Խաղողի կտրոններ կամ տնկիներ փոխադրելու (ներմուծելու) պիտի առաջնորդվել փիլոքսերայի կարանտինայի մասին 1935 թ. հունվարի 13-ի հրաժարական Միութենական Հողմուղկոմատի № 345 վորոշմամբ: Այդ վորոշման պատճեն կարելի յե ստանալ մեր հողմուղկոմատի կարանտինային տեսչության բաժնից:

Տեղական փոփոխակների կտրոնները վերցված են յեղել խորհրդ՝ առաջին տնտեսությունից (Դալմա) և չափումները կատարված են կտրոնները պատրաստելուց և 4 որ խրամատներում պահելուց հետո։ Ոտար փոփոխակներն



Նկ. 19-ը, Հակագործված կտրոններ (արկդի մեջ)

ստացվել են Դրիմից (Ճանապարհին մնացել են 26 որ) և չափումները կատարվել են կտրոնները գեղինֆեկցիա անելուց մի որ հետո։

#### 7. ԿԾՐՈՒՆԵՐԻ ՊԻՏԱՆԻՈՒԹՅՈՒՆԸ ՎՈՐՈՇԵԼՈՒ ՅԵՂԱՆԱԿԸ

Վերը նկարագրված ձեռով պահպանված կտրոնները, ինչպես և ուրիշ տեղից ստացվածները գործադրվելուց առաջ պետք է ուշադրությամբ դննվեն և փշացածները հեռացվեն։ Թյուրիմացության տեղիք չտալու համար, ուրիշ տեղից ստացած կտրոնների վորակը, նրանց պիտանիությունն ստուգում են հենց կտրոններն ստանալու որը և ստուգման արդյունքների մասին համապատասխան արձանագրություն կազմում։ Սակայն, յեթե փոխադրության ժամանակ սառնամանիքներն այնքան խիստ են յեղել, վոր կտրոնները փաթաթելու նյութերը (մամուռ, ծղոտ, խոտ և այլն) սառուց են բռնել, ապա նման գեղքում ստուգումը պիտի կատարել հակերը (խրձերը) նույն դրությամբ

(առանց բացելու) մի յերկու որով (մինչև վոր խըրձերի վրա յեղած սառուցը հալվի) տաք տեղում պահելուց հետո։ Կտրոնների պիտանիությունը վորոշելու համար շատ ձեռք կան. նշենք դրանցից հետևյալները։

1. գանազան խրձերից կտրոնների մի շալք նմուշներ են վերցնում, սուր դանակով կամ սեկատորով յուրաքանչուր կտրոնի միջնագույցի վրա թեթև կտրվածքներ են առաջացնում (կամ ծայրերը կտրում—թարմացնում) և միշերկու աչք կտրում. յեթե կտրվածքները թե կեղեվին (կամ ծայրերին) և թե աչքերին կանաչ են և հյութալից, սև կամ գորշ բծեր չունեն, կնշանակի կըտրոնները լավ են պահպանվել և միանգամայն կենսունակ են, իսկ յեթե կեղեւի կտրվածքները գորշ կամ սևավուն են, աչքերինը սև կամ թեև կանաչ, բայց սև բծերով, ապա նման կտրոնները փչացած են և գործածության համար անպետք։ Պատահում ե, վոր կեղեւի կտրվածքները կանաչ են լինում, իսկ աչքերինը՝ սև, զա նշանակում ե, վոր կտրոնների աչքերը լավ չեն պահվել և փչացել են. այս դեպքում կտրոնները նույնպես փչացաց պիտի համարել քանի վոր նրանք շվեր տալ չեն կարող և հեշտությամբ փչանում են, անգամ յեթե արմատներ արձակած լինեն։ Այս հանգամանքը գործնականում յերբեմն անտեսում են և կտրոնների պիտանիությունը վորոշում են միայն կտրոնի կեղեւի վրա առաջացրած կտրվածքների գույնով, իսկ նրա աչքերի վրա շատ քիչ ուշադրություն են դարձնում։ Այս ձեռով կտրոնների պիտանիությունը վորոշելու համար աչքը պիտի սովորեցրած լինի ճանաչելու թե առողջ և թե խոտանի կտրոնը.

2. վերցրած նմուշները թարմացնում են, հիմքերով տեղափորում են ջրով լի վորևե ամանի մեջ և տաք տեղում (սենյակ, ջերմոց, ջերմատուն,  $20^{\circ}$ — $30^{\circ}$  C) մի քանի որ պահում։ Յեթե 5—6 որից հետո կտրոնների աչքերը (բողբոջները) սկսում են ուռչել, կամ կտրոնների վերին ծայրին

կտրելիս կտրվածքի վրա ջրի մանր կաթիլներ են առաջանում, ապա նշանակում ե կտրոնները լավ են պահպանվել և կենսունակ են: Այս ձեզ, վոր առաջարկել ե ֆրանսիացի գիտնական և. Վիալան, ավելի վստահելի յե, քան առաջինը:

#### 8. ԿՑՐՈՒՆԵՐԻ ՆԱԽԱՊԱՏՐԱՍՏՈՒՄԸ ՏՆԿԵԼՈՒՑ ԱՌԱՋ

Տնկելուց առաջ կտրոնների կանոնավոր նախապատրաստմը կարևոր նշանակություն ունի. նախապատրաստման գլխավոր նպատակն ե՝ արագացնել կտրոնների արմատակալման պրոցեսը և հետաձգել շփեր առաջանալը, ձգտելով իրար մոտեցնելու այդ յերկու տարբեր պրոցեսների սկսվելու մոմենտները: Կտրոնների նախապատրաստման աշխատանքները ճշողությամբ և նպատակահարմար ձևով կատարելուց ե կախված նրանց կալչելու հաջողությունը: Այստեղ մենք կանգ կառնենք կտրոնները նախապատրաստելու մի քանի ձեփ վրա միայն, տալով յուրաքանչյուր ձեփ առավելություններն ու պակասությունները, յենելով սոցիալիստական այգեգործական խոշոշություններին պահանջներից: Ինչ ձևով ել կտրոնները նախապատրաստելու լինենք, միենույն ե, պիտի մեկ առ մեկ թարմացնել և նրանցից խոտանները հեռացնել:

ա) Խրձերի սուրգումը.—Տնկելուց մի քանի (3—10) որ առաջ կտրոնները պահած տեղից (խրամատներից) հանում են և նրանց վիճակը պարզելու նպատակով, խրձերը մեկ առ մեկ ուշադրությամբ նայում: Յեթե այդ հարեւանցի ստուգումից պարզվեց, վոր կտրոններն այնքան ել լավ չեն պահպել քիչ թե շատ չորացել են, բորբոքնել և այլն, ու նրանց վորակի մասին կասկած ե առաջանում, ապա անհրաժեշտ ե լինում կասկածելի խրձերի պիտանիությունը վորոշել մեղ արգեն հայտնի ձեւով (տես եջ 58): Ստուգման ժամանակ խոտանված

և տնկելու համար անպետք համարած բոլոր կարոնները պետք ե հեռացնել:

բ) ԿՏՐՈՆՆԵՐԻ թարմացումը լեզվ տեսակագրումը.—Ստուգված ու պիտանի ճանաչված խրձերը տեղափոխում են վորեւ ստվերուտ տեղ, նրանց կապերն արձակում են, և կտրոնները սուր սեկատորով մեկ առ մեկ թարմացնում (ծայրերը մի փոքր կտրում): Թարմացման ժամանակ կտրոնը հիմքում պիտի կտրել հենց հանգույցի տակ, և կտրվածքն ուղիղ ու հարթ պիտի անել: Վերևի (բարակ) ծայրը թարմացնելիս, կտրվածքն աչքից մի 1—2 սմ բարձր, աչքին հակառակ և թեք պիտի լինի, վորպեսզի աչքից հեռու լինի և աչքն անվաս մնա ու չփչանա: Թարմացնելուց զատ, հեռացնում են կտրոնների վրա մնացած բոլոր բճամատերը և թելիկները: Թարմացման հետ միաժամանակ անհրաժեշտ ե առանձին ուշադրությամբ զննել ամեն մի կտրոն և փչացածները խոտանել իսկ թույլ կարճ, կամ վորակի տեսակետից կասկածելի կտրոններն առանձին դարսել և ոգտագործել յեթե միայն տվյալ փոփոխակի կտրոնների խիստ կարիք ե զգացվում. նման դեպքում այդ կտրոնները պիտի տնկել միայն տնկարանում, այն ել սովորականից ավելի խիտ դասավորությամբ: Հիմնական տեղում տնկելու համար պիտի ջոկել ամենալավ և միանգամայն վստահելի կտրոնները: Ամեն մի փոփոխակ առանձին պիտի թարմացնել ու տեսակավորել առանց տարբեր փոփոխակների կտրոններն իրար խառնելու:

դ) ԿՏՐՈՆՆԵՐԸ ջրի մեջ դնելը.—Թարմացրած կտրոնները 200-ական մեկտեղ կանոնավոր դարսում են և կը տրոնների հիմքերը մեկ մակարդակի վրա պահպեվ, նորից խրձեր են կազմում, յուրաքանչյուր խրձի վրանույն փոփոխակի պիտանի կապում: Պատրաստված խրձերն ուղահայց դրությամբ, հիմքերով, խրձերի մոտ  $\frac{1}{3}$  յերկարության չափով (15—20 սմ) խորասուզում են ջրի մեջ (առու, գետակ և այլն), վորի ջերմաստիճանը ցածր չպետք

ե լինի և կարելույն չափ բարձր լինի ( $20^{\circ}$ — $25^{\circ}$  C): Այս հանգամանքի շնորհիվ, կտրոնները հեշտությամբ ջուր ծծելով՝ թարմանում են և ակտիվ աշխատանքի անցնում: Խըրձերը հոսող ջրի մեջ ուղիղ կանգնելու և շուռ չգալու. համար, յերբեմն խորհուրդ են տալիս խրձերը կապելու ժամանակ նրանց մեջ մոտ մեկ մետր յերկարությամբ փայտե ձողեր անցկացնել (յուրաքանչուրի մեջ մեկ ձող) և դրանցով խրձերը ջրի հատակին ամրացնել: Սակայն այս ձեւը գործնական չեւ: Հոսող ջուր չլինելու դեպքում խրձերը կարելի յեւ դնել վորև ջրամբարի կամ ջրով լի ամանի (կիսատակառ, մեծ տաշտ և այլն) մեջ. Այս դեպքում 2—3 որը մեկ անգամ անհրաժեշտ ե ջուրը փոխել, քանի վոր կանգնած ջրի մեջ կտրոնները հեշտությամբ կարող են նեխել: Կտրոնները ջուր դնելը կարևոր նշանակություն ունի, վորովհետեւ, նախ՝ նրանք ներծծելով վորոշ քանակությամբ ջուր, թարմանում են ու ակտիվ աշխատանքի անցնում և, յերկրորդ՝ ներծծված ջուրը լուծում եւ կտրոնների մեջ կուտակված մննդարար նյութերը, վորոնք անհրաժեշտ են արմատներ առաջացնելու համար: Հիրավի, ջուր դրած կտրոնները հողում դյուրությամբ են արմատակալում և հաջողությամբ կպչում: Բացի դրանից, ջուրը դնելն ունի և այն առավելությունը, վոր հնարավորություն և տալիս հեշտությամբ ճանաչելու խոտան և տնկելու համար անպետք կտրոնները (տես եջ 58): Կտրոնները ջրի մեջ պահում են, նայած նրանց խոնավությանը, 2—10 որ: Համենայն դեպս, պիտի աշխատել կտրոնները 10—12 որից ավելի չպահել ջրի մեջ, վորովհետեւ յերկար ժամանակ պահելու դեպքում կտրոնների մննդարար նյութերի մի մասը լվացվում է ջրի մեջ և ի զուր կորչում, և, մյուս կողմից՝ կտրոնները հենց ջրի մեջ յեղած ժամանակ կամ կողմատները արձակել, վորոնք սակայն այնքան թույլ

և նուրբ են լինում, վոր տնկելու ժամանակ հեշտությասք փշանում են և հետագա զարգացման համար անպետք դառնում: Բացի դրանից, այդ կտրոնների աչքերը նույնապես կարող են բացվել և շվեր արձակել. այս դեպքում առաջացած շվերը վոչ միայն չեն նպաստում կտրոնների կազելուն (տնկելուց հետո այդ շվերը շուտով չորանում են), այլև նրանք իրենց աճեցողության համար կտրոններից վորոշ քանակությամբ մննդարար նյութեր վերցնելով՝ թուլացնում են կտրոնները հողում արմատակալելու պրոցեսը. նման շվերը կտրոնները տնկելու ժամանակ պիտի հեռացնել, վորպեսզի ի զուր ջուր չդուրս լիացնեն և կտրոնները չչորացնեն: Վերջապես, կտրոնները ջրի մեջ յերկար պահելու հետևանքով կարող են նեխել:

դ) Կտրոնների սրատիթիկացիան.—Կտրոնների արմատակալման պրոցեսն արագացնելու լավագույն միջոցը ստրատիֆիկացիան եւ: Ստրատիֆիկացիան կայանում է նրանում, վոր արհեստական ձեռվ ստեղծում ենք անհրաժեշտ նպաստավոր պայմաններ (ջերմություն, խոնավություն, ոդ), վորոնց առկայությամբ կտրոնները նախապատրաստվում են արմատակալելու, անդամ արմատներ արձակելու (վոր կախված ե ստրատիֆիկացիայի պայմաններից և նրա տեղությունից), վորից հետո միայն կրտսենները անկում են անկարանում կամ հիմնական տեղում: Ստրատիֆիկացիայի շնորիվ, բացառիկ նպաստավոր պայմաններ են ստեղծվում կտրոնները տեղում (տնկարանում, կամ այգում) հաջողությամբ կպչելու և կանոնավոր զարգանալու համար: Ստրատիֆիկացիայի համար կարելի յեռգտագործել տնտեսության մեջ յեղած ջերմատները, ջերմոցները, կամ տաքացվող պահեստարանները, կամ թեադատ սենյակները. դրանց բացակայության գեղջում՝ նաև ծածկի (չարդախի) տակ, կամ բացությա պայմաններում պատրաստված խրամատները: Ստրատիֆիկացիան կատարում են ընդհանրապես ավազի մեջ, ավազ չլինելու դեպ-

քում կարելի յե փուխը հող վերցնել։ Ստրատիֆիկացիա կատարելու համար կտրոնները նախապես թարմացնում են և խրձեր կապում։

Զերմատներում կամ պահեստարաններում (սենյակներում) ստրատիֆիկացիա կատարելու համար կտրոնների խրձերն ավազի (հողի) մեջ դարսում են նույն ձևով, ինչպես կտրոնները պահեստարաններում կամ նկուղներում պահելու դեպքում (տես եջ 50) այն տարբերությամբ միայն, վոր ստրատիֆիկացիայի համար խրձերը վերեկց ավազի փոքր շերտով (մոտ 10 սմ) պիտի ծածկել։ Պետք ե շարունակ հետևել վոր ստրատիֆիկացիոն շերմատան, պահեստարանի, շերմոցի

1. շերմությունը  $12^0$ -ից պակաս և  $30^0$ -ից (ըստ Ցելսիոնի) բարձր չինի (ոպտիմումը՝  $25 - 28^0$ )։

2. ավազը բավարար խոնավություն պարունակի, հարկ յեղած դեպքում, մոտավորապես  $2 - 3$  որը մեկ անգամ, ավազը պիտի ջրել,

3. շերմատան (պահեստարանի) ողը մաքուր պիտի լինի։

Այս պայմաններում  $10 - 20$  որից (վոր կախված է շերմության ու խոնավության աստիճանից) հետո կտրոնների ներքեմի կտրվածքների վրա առաջանում են հյութալի առաձգական նոր հյուսվածքներ, վորոնք հայտնի յեն կալուս անունով։ Հանգույցների մոտ առաջանում են բլրականման ուռուցքներ, վորոնք վոչ այլ ինչ են, յեթե վոչ կտրոնի կեղեմի տակից դուրս յեկող արմատներ։ Կըտրոնների ծայրի աչքերը (հիմքի աչքերը ստրատիֆիկացիայի առաջ հեռացված են լինում) սկսում են բացվել։ Կալուսի և բլրականման արմատների առաջանալը նշան ե, վոր կտրոնները բավականաչափ նախապատրաստվել են արմատակալելու և միանգամայն պատրաստ են տնկելու համար։ Հենց այդ ժամանակ խրձերն ավազից պիտի համել և, խուսանները հեռացնելու նպատակով, կտրոնները մեկ առ մեկ

սոսուզել և ապա նշանակված տեղը տնկել։ Սակայն, յեթե անկարանի կամ այգու հողը գեռ սառն է (հողի վերելի շերտի ջերմությունը  $10^0$ -ից դեռ ցածր է) կամ յեղանակները նպաստավոր չեն անկելու համար, և մենք սովորված ենք կտրոնների անկելը հետաձգել, ապա ջերմատան, ջերմոցի, տաքացվող սենյակների ջերմությունը պիտի իջեցնել, վորպեսզի առաջացած բլրականման արմատները չերկարեն, հակառակ գեպքում՝ տնկելու ժամանակ նրանք հեշտությամբ կարող են կոտրվել։ Յեթե այդ արմատներն արդեն բավական յերկարացել են, այս դեպքում պիտի սպասել մինչև վոր նրանց հիմքերը ծածկվեն խցանային հյուսվածքով, վորպեսզի տնկելուց արմատները չփչանան։

Աչքերի բացվելը հետաձգելու համար ստրատիֆիկացիան ջերմոցներում կտրարելու դեպքում, կտրելի յեկիրառել զյուզանուսու թուզինի առաջադրած ձեր, վոր նու մշակել և Ղրիմում՝ Մալտայի այգեգործական փորձնական կայանում։ Այդ նպատակով պատրաստում են մի ջերմոց, վորը սովորականից տարբերվում է նրանով, վոր, նախ՝ խոր և (մոտ 3 մետր), յերկրորդ՝ գոմաղը չեն լցնում և, յերկրորդ՝ այդ խորությունը մեջանդից հորիզոնական ուղղությամբ տախտակներով (կեղծ հատակ) բաժանում են 2 մասի, ներքեմի մասը լցնում են ձյունով կամ սառցով, իսկ բաժանող կեղծ հատակի վրա ուղղահայց զրությամբ և հակառակ դիրքով (հիմքերը վերև ուղղված) դարսում են կտրոնների խրձերը, վորոնց վրա վերից խոնավ մամուռ կամ թեփ են փռում և  $10 - 15$  ու հողի շերտով մամուռը (կամ թեփը) ծածկում։ Դրանից հետո ամբող ջերմոցը ծածկում են ապակե շրջանակներով։ Այսական ինչպես տեսնում ենք, կտրոնների ծայրերն ուղղված լինելով դեպի ձյան շերտը՝ գտնը վում են համեմատաբար ցածր ջերմության պայմաններում, մինչդեռ նրանց հիմքերը շրջանակներին մոտ

լինելով, ստանում են բավական քանակությամբ ջերմություն։ Նման պայմաններում կտրոններն արմատակալում են այն ժամանակ, յերբ դեռ նրանց աշքերը չեն բացվել։ Կտրոնները նախապատրաստելու այս ձեր թեև քիչ բարդ ե, բայց զրական խոշոր արդյունք ե տալիս։

Ջերմոցներում կամ տաքացվող սենյակներում ստրատիֆիկացիան, ճիշտ ե, լավ, նպաստավոր պայմաններ ե ստեղծում կտրոնների հաջող արմատակալումն առահովելու համար, վորի շնորհիվ տեղում անկած այդ կտրոնները դյուրությամբ են կպչում և ուժեղ ու կանոնավոր գարպանում, սակայն նման ստրատիֆիկացիան, կապված լինելով խոշոր ծախսերի հետ (ջերմոցներ կառուցելը, վառելանյութեր և այլն)՝ մի կողմից, և, մյուս կողմից՝ նկատի ունենալով, վոր ավելի հասարակ միջոցներով գործնականապես ստեղծվում ե կտրոնների լավ արմատակալում, գործնականում այնքան տարածված չե։

Կտրոնների արմատակալումն արագացնելու և աշքերի բացումը հետաձգելու տարածված, եժան և հեշտ միջոցը կտրոնները բացությա կամ ծածկի (չարդախի) տակ, խրամատներում գլխիվայր (հիմքերը վերև ուղղված) դիրքով պահելու ձևն ե (ուստե՛ն՝ բայլեցւում)։ Այս ձևով կտրոնները նախապատրաստելու համար ընտրում են քամիներից պաշտպանված և դեպի հարավ նայող մի հարմար տեղ (պատի հարավային կողմը և այլն), կամ թե ողտագործում են անտեսության մեջ յեղած վորեւ աղատ ծածկ (չարդախ), վորի հարավային կողմը բաց պիտի լինի, իսկ հյուսիսայինը՝ ծածկած, վորպեսզի խրամատների հողը (ավազը) շատ ջերմություն ստանա: Ընտրած տեղում փորում են խրամատներ հենց նույն մեծության, ինչ մեծության հարկավոր և լինում կտրոնները սովորական ձևով (ուղղահայաց դրությամբ) պահելու համար (տես եջ 50): Այդ խրամատների մեջ

կտրոնների խրձերը դարսում են ուղղահայաց դրությամբ, բայց հակառակ դիրքով. դարսելու հետ միաժամանակ խրձերի արանքները փուլսը հողով լավ լցնում են. դասավորելուց հետո կտրոնների հիմքերի վրա խոնավ մամուռ կամ թեփ են փռում, ապա վերեկից խրձերը խոնավ ավազով կամ հողով (լավ ե սևահող վերցնել) ծածկում են (մոտ 10 – 15 սմ): Մամուռ կամ թեփ չինելու դեպքում, կարելի յեւ ուղղակի ավազով (հողով) միայն ծածկել: Այդ ձեի ստրատիֆիկացիան կատարում են հենց կտրոնները վերցնելու ժամանակ, աշնանը (ձմեռը) կամ գարնանը, նայած յերբ են այդիների ետք կատարում: Յեթե ստրատիֆիկացիան կատարում են աշնանը կամ ձմեռը, ապա գարնանը, տնկելուց առաջ, անհրաժեշտ ե կտրոնները միքանի որ ջուրը դնել, վորից հետո նոր տնկել: Գարնանը ստրատիֆիկացիան կատարում են կտրոնները նախապես ջուրը դնելուց հետո. այս դեպքում ջրից հանած կտրոններն անհրաժեշտ ե լինում ջրից քիչ չափով ցամաքեցնել (կտրոնները խրամատներում չնեխելու նպատակով) և ապա խրամատներում դարսել: Պետք ե հետեւ վոր խրձերի ծածկոցը (հող, ավազ, մամուռ և այլն) չչորանա, հարկ յեղած դեպքում, ժամանակ-առժամանակ (2–3 որը մեկ անգամ) ծածկոցը ցնցուղով պիտի ջրել: Գարնան տաք յեղանակներին խրամատների ծածկոցը բավականաչափ տաքանում ե, տաքանում են նաև խրձերը (գլխավորապես նրանց հիմքերը). Ջերմության և խոնավության շնորհիվ, մի 3–4 շաբթից հետո կտրոնների հիմքերի վրա առաջանում ե կալլուս, ավելի բարենպատ պայմաններում (վոր կալված և յեղանակներից) կտրոններն անդամ արժատներ են արձակում: Կտրոնների աշքերի բացումն այս դեպքում, բնական ե, հետաձգվում ե, քանի վոր ծայրի աշքերը (հիմքի 2–3 աշքը ստրատիֆիկացիայի ժամանակ հեռացնում են), գտնվելով հողի խոր շերտերում (խրամատների հատակին): Քիչ ջերմություն են ստանում:

Կտրոնների արմատակալումն ել ավելի արագացնելու համար, կարելի յե խրամատները վերեկց ջերմոցների շրջանակներով ծածկել, այնպես, վոր շրջանակների և խրձերի ծածկոցի միջև վորոշ չափով (մոտ 10—15 սմ բարձրության ազատ տարածություն լինի: Ստրատիֆիկացիայից հետո կտրոնները մեկ առ մեկ ստուգում են, նրանցից խոռանները և թույլերը հեռացնում և ապա ընտիր կրտքոնները նշանակված տեղը տնկում:

Կտրոնների նախապատրաստման այս ձևը (խրամատներում զլխիվայր դիրքով պահելը) տարածված է Բեռնարարիայում և ԽՍՀՄ-ի մի շարք այգեգործական շրջաններում (Ողեսա, Դրիմ, Հյուսիսային Կովկաս և այլն):

ե) Աչերի (բողբոջների) հեռացնելը. — Կտրոնները թարմացնելիս, կամ տնկելուց անմիջապես առաջ, յերբեմն կտրոնի բոլոր աչքերը, բացի վերին 2 աչքից, սուր դաշնակով կամ սեկատորով հեռացնում են: Այս գեղքում հեռացված աչքերի տեղերից (կտրվածքներից) ջուրը հեշտությանը ներս և ծծվում կտրոնների մեջ և քիչ թե շատ չափով արագացնում վերջիններիս արմատակալման պրոցեսը: Մինչդեռ, յեթե այդ աչքերը չենք հեռացնում և թողնում ենք կտրոնների վրա, ապա, նախ՝ ջուրը համեմատաբար դանդաղությամբ և ծծվում կտրոնների մեջ, և, յերկրորդ այդ աչքերը յերբեմն բացվում են հողի մեջ և շվեր արձակում, վորոնք իրենց զարգացման համար կտրոններից վորոշ քանակությամբ անդարձը նյութեր են վերցնում: Թե առաջին և թե յերկրորդ գեղքում կտրոնների արմատակալման պրոցեսը վորոշ չափով հետաձգվում է: Սակայն, աչքերը հեռացնելու շնորհիվ, վորքան ջուրը հեշտությամբ և թափանցում կտրոնների մեջ, նույնչափ հեշտությամբ կարող են մուտք գործել կտրոնների մեջ նաև մատուագան միկրոօրգանիզմներ (թե բուսական և թե կենդանական) և վասել տնկած կտրոնները: Անկախ որանից, աչքերի հեռացնելը խոշոր նշանակություն ունի պատ-

վաստի դեպքում. ամերիկյան պատվաստակալից հեռացնելով բոլոր աչքերը, նրանց վրա այլևս չվեր չեն առաջանում, հետեւապես նրանք չեն խանգարելու պատվաստի հյուսվածքի նորմալ զարգացումը: Յեվրոպական (vitis vinifera) գոփոխակները բազմացնելու համար, վորոնք ընդհանրապես զյուրությամբ են արմատակալում, մանավանդ ջրաբբի հողերում, կտրոնների աչքերը հեռացնելը զրական առաձին նշանակություն չունենալով և մեծ աշխատանք պահանջելով հանդերձ, յերբն կարող են բայցասական հետևանքներ ունենալ (կտրոնները կարող են նեխել և փշանալ), հետեւաբար, այս գեղքում աչքերի հեռացնելը: Միանգամայն ավելորդ աշխատանք պիտի համարել: Ճիշտ են մոտենում այդ հարցին մեր այգեգործական խորհ: և կողմանականությունները, յերբ անկելուց առաջ կտրոնները նախապատրաստելիս աչքերը չեն հեռացնում. մեր պայմաններում, վորտեղ այգիները վուսպիվում են, և վորտեղ տարածված են բայցառապես vitis vinifera տեսակին պատկանող գոփոխակները (խարջի, ճիլար, մսխալի, մուսկատ և այլն), աչքերի հեռացնելը, կտրոնների արմատակալմանը նպաստելու համար, գործնական վոչ մի առանձին նշանակություն չունի: Այդ են վկայում Գյուղատնտեսական ինիստիտուտի ուսումնական տնտեսությունում այգեգործական ամբիոնի՝ 1933 թվին այդ ուղղությամբ կատարած փորձերի նախնական ավյաները:

զ) Կեղեվատում.— Կտրոնների արմատակալման պրոցեսը հեշտացնելու և արագացնելու նպաստակով, այգեգործական վորոշ յերկրներում (զլխավորապես Ֆրանսիայի հարավում), կիրառում են կեղեւատում, վորը կայանում և նրանում, վոր կտրոնի հիմքի 1—3 միջնագույնների կեղեւի վրա ակոսավոր թեթև կտրվածքներ են առաջանում: Կեղեւատումը կատարում են սուր զանակով կամ յերկաթից պատրաստված, սղոցանման հատուկ գործիքների միջոցով, վորոնցից ամենաարավածը լեյդեյի սղոցարդն ե-

հասարակ մի գործիք ե, վոր հնարավոր և պատրաստելամբն մի տնտեսությունում): Այդ սղոցարդն ամրացնում են սեղանի կամ վորեն արկդի վրա, նրա ատամաւովը մասի վրա հենում են կտրոնի հիմքը (2—3 միջնադույց) և թեթև սեղմելով, կտրոնն արագությամբ պտտեցնում են, այնպես, վոր կտրոնի հիմքի վրա թեթև կտրվածքներ առաջանան և հիմքի աչքերը հեռացվեն։ Կեղեատումը կատարում են կտրոնները մի քանի որ ջրի մեջ պահելուց հետո, հենց անկելու ժամանակը կեղեատման շորհիվ, ինչպես տեսնում ենք, կտրոնների հիմքերի վրա առաջանում են կտրվածքներ, վորպիսի կտրվածքների միջոցով ջուրը կարողանում է հեշտությամբ թափանցել կտրոնների մեջ, հետևապես արագացնում վերջիններիւ արմատակալման պրոցեսը։ Սակայն, ինչպես կտրոններն աչքերը հեռացնելու շնորհիվ յերբեմն վարակվում են այս կամ այն հիվանդությունով և վնասվում; ապա նրանք նույնպես կարող են վնասվել նաև կեղեատման շնորհիվ։ Այս տեսակետից այն, ինչ վոր քիչ առաջ մենք ասացինք աչքերը հեռացնելու դրական և թե բացասական հետևանքների (տես եջ 68), նույնը կարելի յե ասել նաև կեղվատման մասին։

Ե) Կտրոնների վոլորելը յեվ ջարդելը — Յերբեմն կրտրոնների հիմքերը ձեռքով վոլորում են, կամ փայտե թակիչների ոգնությամբ թեթև կերպով ջարդում, այլ խոսքով տած՝ կտրոնների հիմքերի վրա ըստ յերկարության բավականին խոր վերքեր առաջացնում։ Այդ վերքերի շնորհիվ, կտրոնները թեև դյուրությամբ են արմատակալում, բայց նորմալ զարգացում չեն ունենում և շատ հաճախ կարճ ժամանակից հետո փչանում են, վորովհետև առաջացած վերքերը, նախ նպաստավոր պայմաններ են ստեղծում կտրոններն այս կամ այն հիվանդությունով վարակելու համար և, յերկրորդ՝ այդ նույն վերքերի միջոցով ջուրը կարողանում է թափանցել կտրոնների միջուկի մեջ և

վերջինս քայլայման յենթարկելու Այս տեսակետից կտրոնների վոլորելը և ջարդելը միանգամայն անթույլատրելի պիտի համարելու։

Կտրոնները նախապատրստելու վերև բերած ձեերից Խորհրդային Հայաստանի այգեգործական շրջաններում կիրառում են՝ իրձերի ստուգում, կտրոնների թարմացում, տեսակավորում և ջրի մեջ դնելու։

#### 9. ԿՏՐՈՆՆԵՐ ՏՆԿԵԼՈՒ ՀԱՐՄԱՐ ԺԱՄԱՆԱԿԸ\*)

Կտրոններ տնկելու ամենահարմար ժամանակը գարունն է, յերբ որերը բավականաչափ տաքանում են։ Կտրոնների կազմելու պլոցեսն սկսվելու համար լավ պայմաններ են ստեղծվում այն ժամանակ, յերբ հողն այնքան է տաքանում, վոր նրա վերևի շերտի ջերմությունը հասնում է  $15^{\circ}$  և ավելի, ու յերբ տնկման իրության շերտում հողի ջերմության մինիմումը  $10^{\circ}$ -ից պակաս չի լինում։ Մեր պայմաններում այդ սկսում է հենց այն մոմենտից, յերբ վագերը հանդսուի շրջանից ակտիվ աշխատանքի յեն անցնում և նրանց բողբոջները բացվելու նշաններ են ցույց տալիս։ Ահա այդ ժամանակաշրջանում տնկված կտրոններն իրենց կազմելու պլոցեսը նախապատրաստվելու համար անհրաժեշտ նպաստավոր ջերմություն են ունենում։ Մեր պայմաններում այգիներ տնկելու կամպանիան կարելի յե սկսել հենց կտրոնները վերցնելու ժամանակը՝ դարնանը՝ այգիներն հատելիս, միայն թե հիմաշրջագած հողն այնքան չորացած լինի, վոր հնարավորություն տա տնկելու աշխատանքներ կատարել։ Յերբ պիտի վերջացնել կտրոններ տնկելու կամպանիան, այլ խորքով տած՝ վարքան տևողություն նաև պիտի ունենա

\*) Այսուղ հարցը վերաբերում է միայն չարմատակալած կտրոններին, որմատակալածները (շիշակներ) մեծ հաջողությամբ կարելի յե անկել թե գարնանը և թե աշնանը։ Տես Յե Ասմանյան «Թաղողի այգու տնկելը» և նոր արևելաբների խնամքը» եջ 54—56։

և վորն ե նրա վերջին ժամկետը, վորից հետո անկելը թույլատրելի չե: Ներկայիս, յերբ այդեզործական յուրաքանչյուր շրջանում, սեղոնի ընթացքում շատ հաճախ կարիք է լինում մի քանի հարյուր հեկտար տարածությամբ նոր այգիներ հիմնադրել, հնարավոր չե խիստ կերպով սահմանափակել տնկելու ժամանակամիջոցը, մասնավանդ, վոր առանց վորեն վաս հասցնելու կարոնների կպչելուն ու նրանց հետագա գարգացմանը, հնարավորություն կա անկելու կամպանիայի տեսղությունը շատ թե քիչ չափով յերկարացնելու, միայն մեկ պայմանով, վոր մինչև տնկելը, կարոնները լավ պահպեն և իրենց թարմությունը չկորցնեն (տես եջ 50 և 58): Սակայն ուս չի նշանակում, վոր վորջ գարնան ընթացքում և ամառը կարոններ կարելի յե տնկել: Պետք ե նկատի ունենալ այս, վոր չափից դուրս յերկարացնելով տնկելու կամպանիան, կարճացնում ենք կարոնների վեգետացիոն (աճեցողության) շրջանը, վորի հետեանքով ուշ տնկած կարոնների շվերը թույլ են զարգանում, կարճ են լինում, կանոնակիր չեն հասունանում, հաճախ չեն փայտանում և անդամ թաղելու դեպքում նրանք ձմրան սառնամանիքներին չեն դիմանում և հեշտությամբ փշանում են: Տընկելու ժամկետները վորոշելիս այգեզործական ամեն մի տնտեսություն հաշվի պիտի առնի իր կոնկրետ պայմանները և աշխատանքներն այնպես դասավորի, վոր տնկելու կամպանիան հենց վերը նշած ժամկետին սկսի, վորովեզը թե այդ կարեսվ կամպանիան ժամանակին վերջացնի և թե կորոններ տնկելու պլանը լրիվ կատարած լինի:

Հարավային լանջերում, ինչպես և թեթև ու հեշտությամբ տաքացող հողերում, տնկելու կամպանիան համեստաբար ավելի շուտ պիտի սկսել, քան հյուսիսային լանջերում և ծանր հողերում: Առաջին հերթին պիտի տնկել այն կտրոնները վարարաստելը (վերցնելը), վոր անհամեմատ ավելի դժվար և (տերենները խանգարում են), քան գարնանը և այլն:

Ժամաներ չենք տուածացրել: Սորատիֆիկացիայի յենթարկված կարոնները կարելի յե ուշ անկել, վորպեսզի հողն ել ավելի տաքանա և նրանց արմատները հողում չմրսեն: Խորհրդային Հայաստանի այգեզործական շրջաններում կարոնների տնկելու կամպանիան, նայած տարվա ողերեսութաբանական պայմաններին, կարելի յե սկսել ապրիլի սկզբներին, անգամ մարտ ամսի վերջերին և վերջացնել մոտավորապես ապրելի վերջին: տնկելու կամպանիան մեզ մոտ տեսում ե մոտ մեկ ամիս, կամ քիչ ավելի: Հարավային այգեզործական շրջաններում, բացառիկ գեղքերում, և աշնան տնկելը կարող ե գործնական նշանակություն ունենալ, բայց զրա համար աշնան յեղանակները նպաստավոր պիտի լինեն, սունամանիքները շուտ չսկսվեն, վաղերի մատերը շուտ փայտանան, ձմեռը սաստիկ շինի, հողը շատ խոնավություն չպարունակի և այլն. Ներկայիս համարյա վոչ մի տեղ աշնանը կտրոններ չեն տնկում: Մասնավորապես Խորհրդային Հայաստանի պայմանների համար, վորտեղ կտրոնները գարնանն են պատրաստում, աշնան տնկելը, գործնական նշանակություն չունի. գարնան տնկելու հետ համեմատած, նա տուանձին տուավելություն չունենալով հանդերձ, մի շարք ավելորդ աշխատանքներ և պահանջում, ինչպես, որինակ՝ տնկած կտրոնների թաղելը և բացելը, աշնանը կտրոններ պատրաստելը (վերցնելը), վոր անհամեմատ ավելի դժվար և (տերենները խանգարում են), քան գարնանը և այլն:

#### 10. ԿՏՐՈՆՆԵՐ ՏՆԿԵԼՈՒ ՏԵՂԸ

Կտրոններ կարելի յե տնկել՝ կամ նոր զցվող այգեներում, հենց անմիջապես իրենց տեղերում, կամ տնկարանում: Ինքնըստինքյուն հասկանալի յե, վոր ասածին գեպքում կտրոնները անկած տեղերից չեն շարժում, այլեւս ուրիշ տեղ չեն փոխադրում: Կտրոնները հենց նույն

այդ տեղերում աճելով, կանոնավոր վագեր են դառնում՝ ու բերք տալիս. յերկրորդ դեպքում կտրոնները խիտ-խիտ տնկում են հատուկ տնկարաններում, վորտեղ նրանք արմատակալում են ու շվեր տալիս, և ապա միայն մեկ, հազվագյուտ դեպքում՝ 2 տարուց հետո այդ կտրոնները, վորպես արմատակալածներ (շիշակներ, ջխտաթայ, յե-րինջներ), հիմնական տեղը (նոր գցվող այգի) փոխագրում։ Այստեղից հարց ե ծագում—նպատակահարմար չե՞ արդյոք կտրոններն ուղակի հիմնական տեղում, նոր գցվող այգի-ներում տնկել, ավելորդ աշխատանքներ չե՞ն արդյոք արն-կարաններ կազմակերպելլ և այդ տնկարաններում կտրոն-ներ տնկելլը\*):

Անշուշտ, կտրոնները հիմնական տեղում տնկելու դեպքում մենք ազատվում ենք տնկարան կառուցելու, արմատակալած կտրոնները տնկարանից հանելու և նրանք հիմնական տեղում (նոր գցվող այգի) տնկելու աշխա-տանքներից։

Բացի դրանից, յեթե միևնույն հողային ու կլիմայա-կան պայմաններում միատեսակ կտրոններ ենք տնկում հիմնական տեղում և տնկարանում ու նրանց վողջ վեգե-տացիոն ընթացքում միատեսակ խնամում, հիմնական տե-ղում կտրոնները, նոր դասավորված լինելու չնորհիվ, համեմատաբար ուժեղ են աճում, քան տնկարանում խիտ տնկած կտրոնները. ավելին՝ միատեսակ աճեցողության

\*) Խոշնըստինքյան հասկանալի յե, վոր այստեղ հարցը վերաբերում է գագերը կտրոնների միջոցով բազմացնելու յեղանակին մըայն (այդ և սույն գրքույկի հիմնական նպատակը), այլ գոչ թե պատվաստմանը։ Ֆիլոքսերայով վարակված շրջաններում, վորտեղ վազի մշակությունը տարվում է ամերիկան պատվաստակալների վրա, այզիները հիմնալրում են միայն տնկարանների միջոցով։ Պատվաստները նախորոք աճեցնում են տնկարաններում և ապա հիմնական տեղը փոխազրում։ Հենց այլպես են անում խորհրդային վրատա-նում (Կախմեթիա և այլն), վորտեղ այզիները ֆիլոքսերայով վարակված են։ Նմանապես այլպիս են անում նաև Խորհրդային Հայաստանի՝ Փիլոքսերայով վարակված շրջաններում (Այլահվերդի, Շամշադին և Իջևան), վորտեղ, վորպես կանան, այզիները հիմնալրում են միայն պատվաստների միջոցով։

դեպքում անգամ, տնկարանից հանած և հիմնական տեղը փոխազրած արմատակալածներն իրենց աճեցողության տեսակետից, միևնույն պայմաններում վորոշ ժամանա-կով հետ են մնում այն արմատակալածներից, վորոնք հենց սկզբից, վորպես սովորական կտրոններ, տնկված են յեղել և մշակվել ուղղակի հիմնական տեղում։ Ահա թե ինչ առավելություններ ունի հիմնական տեղում կտրոններ-տնկելը։

Յեթե գրված հարցի լուծմանը մենք մոտենաք միայն հիմք ընդունելով այդ առավելությունները, ապա պիտի ընդունել, վոր տնկարանները միանգամայն ավելորդ են։ Հենց այդպես են հիմնալրում նրանք, ովքեր խորհուրդ են տալիս Փիլոքսերայից ազատ վայրերում (վորտեղ վա-գերը կտրոնների միջոցով են բազմացնում), կտրոնները հիմնական տեղում միայն տնկել և այդ վայրերի համար տնկարաններ կազմակերպելն անողություն մի աշխատանք են համարում։ Սակայն ավյալ հարցի լուծմանը նման ձևով մոտեցումը միկողմանի յե և նա միանգամայն անթույլա-տրելի պիտի համարել։ Անհրաժեշտ է հաշվի առնել յուրա-քանչյուր առանձին դեպքում տվյալ շրջանի (անզամ առանձին անտեսության) հողային ու կլիմայական կոնկ-րետ պայմանները, վոռոգման հնարավորությունները, ինչ-պես և ագրոտեխնիկական մի շարք կարևորագույն մումենատներ և ապա միայն վորոշել՝ վորտեղ և նպատակա-հարմար և ձեռնատու կտրոններ տնկել—հիմնական տեղում, թե տնկարանում։

Ճիշտ ե՝ խաղողի վազը հողի նկատմամբ ընդհանրա-պես պահանջկոտ չե (ամերիկյան տեսակները վորոշ չա-փով բացառություն են կազմում), նա աճում է ամեն տեսակ հողում (բացի աղոտ և ճահճային հողերից)։ Նմանապես կտրոնները ես կարող են արմատակալել ու զարգանալ ամեն մի հողում։ Սակայն միևնույնը չե, թե կտրոնները կլարդանան փուխը, թե պինդ, հարուստ, թե աղքատ հողե-կարգանան փուխը, թե պինդ, հարուստ, թե աղքատ հողե-

բում: Կտրոնների արմատակալման և առաջին տարվա աճեցողության համար հողը վճռական գեր է խաղում: Հարուստ և փուխը հողերում կտրոնները\*) մեծ հաջողությամբ են արմատակալում և հենց առաջին տարվա ընթացքում ուժեղ արմատներ ու շվեր են ունենում, մինչդեռ աղքատ և պինդ հողերում, նախ նրանց զգալի տոկոսը չեղակալ և, բացի դրանից, կապած (արմատակալած) կտրոններն այնքան թույլ են աճում, վոր հազիվ յերկրորդ տարին առաջիններն առաջին տարվա աճեցողությանը համնում: Հետեաբար անհրաժեշտ ե ամեն կերպ աշխատել, վոր կտրոնները լավ պայմաններում գտնվեն, վորպեսզի հաջող արմատակալեն և հնարավորին չափ ուժեղ զարգանան, դրա համար, հենց առաջին հերթին, կտրոններին հատկացվելիք հողը պարարտ և փուխը պիտի լինի: Այս տեսակետից, յեթե նոր զցվող այգիների հողը պարարտ և փուխը և, ապա կտրոնները կարելի յե տնկել հենց հիմնական տեղում, իսկ յեթե այգիները հիմնադրվելու յեն պինդ, աղքատ, քարքարուա հողերում, կտրոնները նպատակահարմար ե տնկել տնկարանում, վորի համար միշտ ել հնարավոր և լավ հող հատկացնել, քանի վոր նա փոքր տարածություն ե ունենում, վորպիսի տարածություն տնաւեսության ամենալավ հողերից միշտ կարելի յե ապահովել: Խ. Հայաստանի այգեգործական զլիսավոր շրջանների պայմաններում մեկ հեկտար տարածությամբ տնկարանն ապահովվում է արմատակալածներով մոտ 25 հեկտար տարածությամբ, այգիներ տնկելու համար (մեկ հեկտար տնկարանից ստացվում է մոտ 75 հազար արմատակալած\*), իսկ մեկ հեկտար այգի տնկելու հարար պահանջվում է մոտ 2700 արմատակալած): Շատ հաճախ այգիները հիմնադրվում են հենց չոր, քարքարուա և աղքատ հողերում, վորոնք կուլ:

\*) Տե՛ս Յե. Ասւանյան «Թագուցի այգու տնկելը և նոր տնկարակների խնամքը» էջ 60—62:

առւրական շատ բույսերի համար անպետք են. նման հողերում, մասնավանդ վոռոգվող պայմաններում, կտրոնները հիմնական տեղում տնկելը, ինչպես ասացինք, նպատակահարմար չե և անկարանների հետ համեմատած՝ վոչ միայն առավելություններ չտնի, այլև մի շարք ավելորդ աշխատանքներ ե պահանջում: Այդ հիմնավորելու համար կանդ առնենք հետեւյալ կարելոր հանդամանքների վրա.

1. Կտրոնները նշած հողային պայմաններում հիմնական տեղում տնկելու գեպքում անհաջող են արմատակալում, նրանց զգալի մասը (մոտ 25% անգամ ավելի) չի կպչում: Դրա հետեւանքով հաջորդ տարին, կամ նույն աշնանը, այգիների նորոգման (ուժմուտի) համար մեծ աշխատանք ու ծախսեր ե պահանջվում: Յեթե ընդունենք, վոր անկած կտրոնների 75% և կպած լինում, ապա դա կնշանակի, վոր յուրաքանչյուր 100 հեկտար տնկած տարածությունից 25 հեկտարը նորից պիտի անկել (բայց տեղերը լրացնել), մի աշխատանք, վոր առայժմ մեքենայացման չի յենթարկված և ձեռքով ե կատարվում: Մինչդեռ նույն այդ հողային պայմաններում արմատակալածները (շիշակներ) տնկելու գեպքում նորոգման աշխատանքներն զգալի չափով կրծատվում են, հազիվ թե տնկած տարածության 5—8% ը նորոգելու լինենք: Մեկ կարող են տարկել, վոր մեկ անցքի (փոսի) մեջ զույգ կտրոններ տնկելով, նույնպես հնարավոր ե այդ նորոգման աշխատանքները կրծատել: Դա մասսամբ ճիշտ է: Բայց չե վոր հաջորդ տարին արմատակալած այդ գույգերից մեկականները հանելու համար հսկայական աշխատանք ե պահանջվում և, բացի դրանից, հանելու ընթացքում տեղում թողնվելիք արմատակալածի արմատները վիրավորվում են: Այստեղ ևս կարող ե առարկություն լինել այն իմաստով, վոր արմատակալած զույգերից մեկականները փոխանկար հանելու, կարելի յե նրանք (ավելորդները) հիմքից կտրել և վոչնչացնել: Դա արդեն միանգամայն անթույ-

լատրելի պիտի համարել հենց այն տեսակետից, վոր ներկայիս ուժեղ տեմպերով գարգացող սոցիալիստական այգեգործությունը մեր առաջ հիմնադրվող նոր այգիները տնկանյութով ապահովելու լուրջ խնդիր ե զնում. այդ նոր պահանջը բավարարելու համար մենք ամեն մի պիտանի կտրոն հաշվի պիտի առնենք և տեղին ոգտագործենք:

2. Վուսովով շրջաններում, այդ նույն հողային, կլիմայական ու չոր պայմաններում, կտրոններն արմատակալելու ու գարգանալու համար, սեղոնի ընթացքում հաճախ 12—16 անգամ ջրելու կարիք ե գգացվում (այդպես ենակ մեր դուրի պայմաններում), հետեւաբար կտրոնները տեղում տնկելու դեպքում մեծ քանակությամբ ջուր ե պահանջվում, մինչդեռ նույն քանակությամբ կտրոնները տնկարանում տնկելու դեպքում պահանջվող ջրի քանակը մոտ 20—25 անգամ կրճատվում է: Արմատակալածները հիմնական տեղում տնկելու դեպքում 12—16 անգամ ջրելու փոխարեն բավական ե լինում 7—10 անգամ միայն ջրել: Իսկ այդ հանգամանքը, մանավանդ վոռոգվող, բայց ջրասակավ շրջանների համար, կարևոր ե այն տեսակետից, վոր տնտեսությունը միևնույն քանակությամբ ջուր ունենալու դեպքում հնարավորություն ունի մոտ 2 անգամ ավելի տարածություն ջրով ապահովելու, յեթե գցվելիք այգիների համար, վորպես տնկանյութ արմատակալածներ ոգտագործի, այլ վոչ թե սովորական կտրոններ:

3. Չոր, քարքարոտ, աղքատ հողերում, ինչպես ասացինք, կտրոնները թույլ են աճում, նրանց շվերն առաջին տարին նվազ և կարճ են լինում, դրա հետևանքով վագերը հաջորդ տարին համեմատաբար նույնպես թույլ աճեցողություն են ունենում:

Այս բոլորը միաժամանակ պարզ ապացուցում են այն, վոր այգին աղքատ, քարքարոտ հողերում և չոր կլիմայական պայմաններում հիմնադրելու դեպքում կտրոնները տնկարանում տնկելն ունի խոշոր առավելություններ: Բացի

այդ առավելություններից, տնկարաններն ունեն նաև մի շարք այլ առավելություններ, վորոնցից այստեղ կնշենք կարեռները.

1. Տնկարանների չնորհիվ մենք հնարավորություն ենք ունենում այգիներ տնկել նաև աշնանը, անգամ այն շրջաններում, վորտեղ աշնանը կտրոններ տնկելը հաճախ հնարավոր չի լինում\*): Դրա համար կտրոնները գարնանը տնկում են տնկարաննում և ապա աշնանը նրանք, վորպես արմատակալածներ, հիմնական տեղը փոխադրում:

2. Տնկարանները, փոքր տարածություններ բռնելով, միշտ ել հնարավոր ե լինում պարարտացնել և կտրոններն արմատակալման և աճեցողության լավ, նպաստավոր պայմանների մեջ դնել: մինչդեռ նույն քանակությամբ կտրոնները հիմնական տեղում աճեցողության և արմատակալման նույն պայմանների մեջ դնելու համար, անհամեմատ ավելի շատ պարարտանյութ ու աշխատանք ե պահանջվում: Բացի դրանից, միևնույն քանակությամբ կտրոններ հիմնական տեղում խնամելու համար մոտ 20—25 անգամ ավելի աշխատանք ենք կատարում, քան տնկարանում, վոր, ի հարկե, չի կարող ավելի չինել կտրոնները տնկարանից հանելու և հիմնական այգում տնկելու աշխատանքներից, մանավանդ վոր վերջններու արդեն մեքենայցման են յենթարկվում:

3. Տնկարաններում ոգտագործվում են նաև թույլ կարճ և կասկածելի (վորակի տեսակետից) կտրոններ, վորպիսի կտրոններ հիմնական տեղում տնկելն անթույլաբելի յե համարվում: հետեւաբար, կտրոնները տնկարանում խնայողաբար են ոգտագործում, իսկ դա հնարավորություն և ստեղծում ցանկացած, մանավանդ թանգարժեք փոփոխակները (վորոնց կտրոնների հաճախ խիստ պակասություն և զգացվում) կարճ ժամանակամիջոցում մեծ քանակությամբ

\*) Տես ՅԵ. Ասլանյան, «Խաղողի արգու տնկելը և նոր տնկարկելը խնամքը» էջ 54—55.

բազմացնել և պլանով նախառեսած տարածությունը տնկա-  
նյութով լրիվ աղահովել:

4. տնկարանը լավ միջոց է նորատունկ այդիները  
ժամանակին նորոգելու համար.

5. տնկարններում հեշտ եւ փոփոխակաների պիտակա-  
փորում անցկացնել վոչ ցանկալի փոփոխակաները հիմ-  
նականներից զատելու նպատակով և այսպիսով իր ժամա-  
նակին շակել մայր այդիներում վագերի պիտակավորման  
(տես եջ 41) ժամանակ բաց թողած սխալները և հիմնական  
տեղում մաքուր փոփոխակներ միայն տնկել:

Այս բոլորը գալիս են ապացուցելու, վոր կտրոններ  
տնկելու տեղը (տնկարան, թե հիմնական տեղ) ձիշտ կեր-  
պով փորոշելու հարցը նորատունկ այդիների հաջողության  
կարևորագույն և պատասխանատու նախադրյալներից մեկն  
և և պահանջում ե զցվելիք այդիներին հատկացվելիք տեղի-  
ու պայմանների բազմակողմանի ուսումնասիրությունն  
Անհրաժեշտ ե վերև բերած գիտողությունները մեկ տո  
մեկ հաշվի առնել և ըստ այնմ պարզե՛՝ տնկարանում, թե  
հիմնական տեղում կտրոնները տնկել:

Խորհրդային Հայաստանում մինչև 1932 թիվը ներա-  
ռյալ կտրոնները տնկում եին բացառապես հիմնական  
տեղում, առանց տնկարաններ կառուցելու: Սակայն, ներկա-  
յիս, յերբ սոցիալիստական մեր այգեզործությունը  
զարգացման արագ վերելիք և հուժկու թափ ե ստացել,  
ԽՍՀ Միության այգեզործական վողջ շրջաններում, այդ  
թվում նաև Խորհրդային Հայաստանում, յերբ Հայկական  
ԽՍՀ Ժողկոմիորհի և ՀԿ(բ)Կ կենտկոմի 1936 թ. նոյեմբերի  
6-ի «Մրգաբուծությունը և խաղողաբուծությունը զարգա-  
նողու 1936 թ. աշնան և 1937 թ. պլանի մասին» վորոշ-  
ման համաձայն, միայն 2270 հեկտար տարածությամբ նոր  
այգիներ պետք ե հիմնագրել, վորոնց մեծ մասը տնկվելու  
յի գլխավորապես առապարային (զոեր) հողերում, վոր-  
ութեղ այգիները գարնանը տնկելուց զատ, անկում են նաև  
աշնանը, ապա այս գեպօւմ միանգամայն հասկանալի յե-  
գանում տնկարան կառուցելու անհրաժեշտությունը:

Նկատի ունենալով տնկարանի վերը հիշած առավե-  
լությունները, դռերի հողերը, վոռոգման պայմանները և  
ագրոտեխնիկական մի շարք այլ հարցեր՝ Խորհրդային  
Հայաստանում հիմնագրելիք այդիները, վորպես կանոն,  
ներկայիս տնկում են տնկարանների միջոցով և, շատ  
բացառիկ գեպօւմ միայն՝ հիմնական տեղում, այն ել  
խիստ սահմանափակ տարածությամբ:

Հիրավի, յեթե մինչև 1933 թիվը Խորհրդային Հայա-  
տանում խաղողի տնկարան համարյա չի յեղել, ապա  
Հայկական ԽՍՀ Ժողկոմիորհի և ՀԿ(բ)Կ կենտկոմի վերը  
հիշած վորոշման համաձայն, միայն 1937 թվականի գար-  
նանը պետք ե հիմնել 147,5 հեկտար տարածությամբ  
տնկարան, վոր ըստ շրջանների և հատվածների բաշխվում  
ե հետեւյալ ձեռով:

1937 թվականի ԳԱՐԱՆԸ ԽՈՐՀՐԴԱՅԻՆ ՀԱՅԱՍՏԱՆԻ ՏԱՐՈՂԻ ՏՎԿԱՐԱՆՆԵՐ  
ՀԻՄՆԵԼՈՒ ՊԼԱՆ (ՀԵԿՏԱՐՆԵՐՈՒ)

Հ. մակարդակը	Հ. մակարդակը	Հ. մակարդակը	Վ. ու թից		Վ. ու թից
			Անդամակիցներ	Անդամակիցներ	
1	Դամարլիք	29	5	24	
2	Վեղու	30	10	20	
3	Վաղարշապատի	23	15	8	
4	Հոկտեմբերյանի	47	20	27	
5	Յերևան քաղաք	5	—	5	
6	Մեղրու	1	—	1	
7	Միկոյանի	1	—	1	
8	Ազգպետականի	1	—	1	
9	Կոտայքի	1	—	1	
10	Ալահաբերդու	3	—	3	
11	Շամշադնի	2	—	2	2
12	Իջևանի	2	—	2	2
13	Թալինի	2	—	2	—
14	Գորիսի	0.5	—	0.5	—
Ընդամենը		147.5	50	97.5	4

### III. ԽԱՂՈՂԻ ՏՆԿԱՐԱՆԸ ՅԵՎ ՆՐԱ ԽՆԱՄՔԸ

#### 1. ՏԵՂԻ ԸՆՏՐՈՒԹՅՈՒՆՆԵՐ

Տնկարան կազմակերպելու սկզբնական կարևոր աշխատանքներից մեկը տեղի և հողի ընտրությունն եւ Տեղի հաջող ընտրությունը բացառիկ դրական նշանակություն ունի ապագայում մշակվող կտրոնների զարգացման համար. հաջող ընտրած տեղը կտրոնների արմատակալման ու կանոնավոր աճեցողության ամենալավ գրավականն ե հանդիսանում։ Այս տեսակետից տեղի ընտրության վրա առանձին լուրջ ուշադրություն պիտի դարձնել։ Այդ ընտրությունը պիտի կատարվի հողի և միջավայրի նախնական ամենամանրամասն ու բազմակողմանի ուսումնասիրությունների հիման վրա, փորոնք պիտի պարզեն՝ ընտրվելք տեղի դիրքը, եքսպոզիցիան, միկրոլիմայական առանձնահատուկ պայմանները, փոռոգման հսարավորությունները, ջերմության ու լույսի պայմանները, տվյալ տեղում տիրապետող քամիների ույժը և ուղղությունը, հողի ֆիզիկական և քիմիական հատկությունները, ստորերկրյա ջրերի բարձրությունը, տնկարան կազմակերպելու նախնական անհրաժեշտ աշխատանքների չափն ու ծավալը և ագրոտեխնիկական մի շարք կարևոր պայմանները։ Այս բոլոր կարևոր խնդիրները նպատակահարմար ե պարզել հատուկ կոմիսիայի միջոցով, մանավանդ յեթե տնկարանը մեծ տարածություն ե բռնելու և վերջնս արմատակալածներով այգեգործական միքանի տնտեսություններ ե սպասարկելու։

Տնկարանի համար պետք ե ընարել հնարավորին չափ հարթ, բարձր զիրք ունեցող, սատրերկրյա ջրերից ազատ տեղ, ջանկալի յեւ, վոր ընտրած հողամասը քիչ թեքություն ունենա դեպի հարավ, համենայն դեպի նա պետք ե պաշտպանված լինի հյուսիսային և հյուսիսարևելյան ցուրտ քամիներից, վորպեսզի այդ քամիներից մատղաշանկիները չտուժեն և կանոնավոր աճեն։ Վոռոգվող շրջանակում ընտրած հողամասը ջրով ապահովված պիտի լինի այն հաշվով, վոր վողջ վեգետացիայի ընթացքում, հարկ յեղած գեպքում, տնկարանին բավարար չափով ջուր տրվի։ Տնկարանի հողը փուխը, պարարտ և հեշտ ապացվող պիտի լինի, հնարավորին չափ հեշտությամբ մշակվի։ Այդ պայմաններին համապատասխանում են հումուս պարունակող թեթև ավագային, կամ կավա-ավագային հողերը, վորտեղ կտրոնները դյուրությամբ են արմատակալում և կանոնավոր զարգանում։ Տնկարանների համար ծանր, խոնավ և սառը կավահողերը, ինչպես և կրային ու քարքարոտ հողերը հարմար չեն, վորովհետև նրանք վոչ միայն դժվարությամբ են մշակվում, այլև հետաձգում են կտրոնների կպչելու պրոցեսը, նման հողերում կտրոնները թույլ են աճում, իսկ ծանր կավահողերում շվերը հաճախ լավ չեն փայտանում։ հիմնական տեղը փոխադրելիս այդ արմատակալածներից շատերը չեն կպչում և փչանում են։

#### 2. ՏՆԿԱՐԱՆԻ ՏԵՐԻՏՈՐԻԱՅԻ ԿԱԶՄԱԿԵՐՊՈՒՄԸ

Տնկարանի տերիտորիայի չափը պայմանավորված ե տնկարանյութի (արմատակալածների) այն քանակով, վորը պետք ե արտադրի տվյալ տնտեսությունը, յելնելով պետության կողմից նրան տրված պլանային առաջադրանքից։ Տնկարանի տերիտորիայի կազմակերպումը պետք ե ապահովի։

1. տնկարանում կատարվելիք ազրոտեխնիկական աշխատանքների մաքսիմալ դյուրացում։

2. արտադրական աշխատանքների մաքսիմալ մեքենայացում։

3. աշխատանքի բարձր արտադրողականություն։

4. արտադրվող պրոդուկցիայի (տվյալ դեպքում արմատակալածների) մինիմալ ինքնարժեք։

5. հաջվառքի մաքսիմալ պարզեցում։

Ցանկալի յե, վոր տնկարանի վողջ տերիտորիան տնտեսության մեկ համատարած մասսիվ կազմի և միքանի տեղ ցըված չլինի։ Տնկարանին հատկացվելիք վողջ տարածությունը բաժանում են արտադրական մի շարք վանդակների (բլետք), վորոնք իրարից բաժանված են լինում 5 մետրանոց լայնությամբ ճանապարհներով։ Տնկարանի արտադրական վանդակների մեծությունը կախված է տեղի ուղղիքից, տնկարանի մեծությունից, վորոգման պայմաններից և ազրոտեխնիկական այլ խնդիրներից։ Ներկայումս արտադրական վանդակի ամենանպատակահարմար տարածությունը խոշոր տնկարանների համար ընդունված է 5 հեկտար, ընդ վորում յուրաքանչյուր վանդակ ունենում է 100 մետր լայնություն և 500 մետր յերկարություն։

Արտադրական վանդակներում տնկարանի շարքերը գցում են ըստ վանդակի լայնության այնպես, վոր այդ շարքերը 100 մետր յերկարություն են ունենում, և պիտի աշխատել, վոր նրանք (շարքերը) հարեան վանդակի շարքերի շարունակությունը կազմեն։ Շարքերի նման դասավորությունն ունի այն առավելությունը, վոր հնարավորութուն և տալիս ավելի նպատակահարմար ձևով ոգտագործել մեքենաներն ու անհրաժեշտ գործիքները։ Շարքերը տեղում վերջնականապես նշանակում են հողը նախապատրաստելուց հետո՝ տնկելուց առաջ, կամ տնկելու ժամանակ։ Ցեղե տնկարանն այնքան մեծ է, վոր մոտ 50 հեկտար և ավելի տարածություն և բոնում, ապա նպատակահարմար և մի քանի (5 – 10) արտադրական հողաբաժններ (производственные участки) կազմակերպեք վո-

րոնք իրարից բաժանվելու յեն չ մետրանոց լայնությամբ ճանապարհներով։ Այս բոլոր աշխատանքները տեղում կատարելու համար պետք է նախորդք հանել տնկարանի հատակագիծը (պլանը)։ Ինքնըստիքյան հասկանալի յե, վոր արտադրական թե վանդակների և թե հողաբաժնների նշած չափերը, ինչպես և վանդակներում շարքերի յերկարությունն ու նրանց ուղղությունը՝ նայած տեղի հարմարության, վորոգման հնարավորությանը և այլն, կարող են վորոշ փոփոխությունների յենթարկվել։ Մասնավորապես վորոգվող պայմաններում և տեղի թեքության դեպքում շարքերի թե յերկարությունը և թե ուղղությունը պետք է հարմարեցրած լինի հողը կանոնավոր կերպով ջրելու պայմաններին։ Համենայն գեպս շարքերն այնպես պետք է գցել, վոր տնկարանի կանոնավոր վորոգումը միանգամայն ապահովված լինի։ Ասել ե թե՝ շարքերն այնպես պիտի գցված լինեն, վոր ջուրը շարքերի մեջ հեշտությամբ, բայց հանդարտ ու համաշափ հոսի, հողը չողողի և դուրսթյամբ հողի մեջ թափանցի և, բացի դրանից, ջուրը նվազագույն չափով ծախսվի։ Զուրը շարքերի մեջ արագ հոսելու դեպքում լավ չի ծծվում հողի մեջ, հողն անհրաժեշտ չափով չի խոնավանում և, մանավանդ, թեթև ավագահողերում հեշտությամբ վորոգվում է։ Ընդհակառակը՝ ջուրը շատ զանդաղ հոսելու գեպքում հողը չափեց ավելի յե խոնավանում, մանավանդ շարքերի ակունքային մասերում։ Ջուրը հեշտությամբ լճանում է և, բացի դրանից, նա խնայողաբար չի ծախսվում։ Զրի թե արագ և թե շատ զանդաղ հոսելու հետևանքն այն և լինում, վոր կարուները լավ չեն արմատակալում, նրանց չնշին տոկոսն և կղզում, կղածներն ել համեմատեար թույլ աճ են ունենում։ Հետեւաբար, շարքերին պետք է տալ այնպիսի ուղղություն, վոր ջուրը նրանց մեջ վորոշ արագութամբ հոսի։ Բայց քանի վոր ջրի հոսելու արագությունը մեծապես կախված

Ե շարքերի թեքությունից, ուստի տնկարանի շարքերը վորոշ թեքություն պիտի ունենան: Այդ թեքության սահմանումը, մի շարք այլ պայմաններից զատ, կախված է նաև տնկարանի հողի հատկություններից: Պինդ և ծանր կավային հողերը ջուրը դժվարությամբ են ծծում, հետեւ վարար նման հողային պայմաններում շարքերին պետք է տալ համեմատաբար փոքր թեքություն, վորպեսզի ջուրը դանդաղ հոսի և հողի մեջ լավ ծծվի: Թեթև ավաղահողերում ջուրը թեև դյուրությամբ է ծծվում, բայց արագ հոսելու դեպքում ավազը հեշտությամբ վորողվում է, ուստի այս դեպքում ևս շարքերին պետք է չնշին թեքություն տալ, վոր ջրելուց ավազը չողողվի: Քարքարոտ տեղերում ջուրը հեշտությամբ է ծծվում հողի մեջ, և հողը համեմատաբար դժվարությամբ է վորողվում, ուստի նման դեպքերում շարքերին կարելի յե տալ ավելի մեծ թեքություն, քան ծանր կավահողերում:

Շարքերի թեքությունը պինդ, ծանր կավահողերի համար կարելի յե ընդունել  $0,001 - 0,003$ , քարքարոտ հողերի համար՝ մինչև  $0,005 - 0,006$ . խիստ խայտաբղետ ուլցեֆի դեպքում, վորպես բացառություն՝ մինչև  $0,008$ : Այս նշանակում է, վոր յեթե շարքի յերկարությունը  $100$  մետր է, ապա նրա ակունքային մասը կարող է բարձր լինել շարքի մյուս (ցածի) մասից,

$0,001$	թեքության դեպքում	$0,1$	մետր	կամ	$10$	մ:
$0,003$	»	$0,3$	»	»	$30$	»
$0,005$	»	$0,5$	»	»	$50$	»
$0,006$	»	$0,6$	»	»	$60$	»
$0,008$	»	$0,8$	»	»	$80$	»
$0,01$	»	$1$	»	»	$100$	»

Տնկարանի շարքերի թեքության վերև նշան սահմանումը ( $0,001 - 0,006$ ) շատ կարևոր է, մանավանդ Խորհրդագյին Հայաստանի պայմաններում, վորուել այդեզործական գլխավոր շրջանները վոռոգվող են:

Աներածես ե հիշել, վոր նշան թեքության չափերը պետք ե պանպանել տնկարանի շաբաթության վողջ յերկարության յեվ վոյ թե միայն ծայրերի մասերի նկատմամբ:

Յեթե տնկարանի տեղը բավականին թեք է, ապա շարքերի ուղղության վորոշելը և նրանք տեղում նշանակելը պետք է հողաշինարարին հանձնել: Յեթե տնկարանը համեմատաբար հարթ տեղում ենք կազմակերպելու, ապա շարքերի ուղղությունը հեշտ է վորոշել:

Փոքր տնկարանների (մի քանի հեկտար) տարածությունը պիտի բաժանել ուղղակի մեկ հեկտարանոց վանդակների, ապահովելով վերջինս անհրաժեշտ ճանապարհներով: Վոռոգվող շրջաններում տնկարանի տերիտորիայի կազմակերպման ժամանակ առանձնապես հատուկ ուշադրություն պիտի դարձնել թե վոռոգիչ գլխավոր և թե յերկրորդական ցանցի կազմակերպման ու նրանց կառուցման վրա, ստեղծելով յուրաքանչյուր վանդակի համար կանոնավոր վոռոգման պայմաններ: Այս բոլորից հետո պետք է անցնել տնկարանին հատկացրած հողի նախապատրաստման աշխատանքներին:

### 3. ՀԱՂԻ ՆԱԽԱՊԱՏՐԱՍՏՈՒՄԸ

Մենք արդեն առացիսք, թե ի՞նչպիսի տեղ և ի՞նչպիսի հող պետք է ընտրել տնկարանի համար: Սակայն ինչպիսի տեղում ել վոր տնկարան կազմակերպենք և ի՞նչպիսի հող ել վոր նրա համար ընտրած լինենք, պետք է, նախքան կտրոններ անկելը, մի շարք կարևող աշխատանքներ կատարենք ընտրած հողամասի վրա:

1. Յեթե վերջնիս վրա մացառներ, թփուտներ, կամ հին վագեր կան, ապա առաջին հերթին անհրաժեշտ և նրանք հիմնովին արմատախիլ անել հողից, գրանց արմատները հավաքել և հողն այդ բույսերից բոլորովին ազատել: Այդ կարենը է, մի կողմից՝ այն տեսակետից, վոր ննարա-

վորություն ենք ստանում հողը հետագայում՝ կանոնավոր մշակելու և, մյուս կողմից՝ կտրոններն ազատում ենք արմատային փուլախտից, յեթե վերջնովս վարակված են յեղել հիշյալ բույսերը:

2. Պատահում ե, վոր ընտրած հողամասի մեջքարեր են լինում, վորոնք արգելք կարող են հանդիսանալ հետագա հողային աշխատանքների նորմալ ընթացքին, կոտրել հողամասում ոգտագործվող մեքենաներն ու գործիքները, կամ գցել վերջիններիս աշխատանքի արտադրողականությունը: Նման քարերը պետք ե հավաքել ու հողամասից դուրս հանել: Նույնը պետք ե անել նաև հողը հիմնաշրջելու ժամանակ:

3. Այս աշխատանքները կատարելուց հետո հողամասը պետք ե հարթել: Անգամ հարթ հողամասերում տեղաբեր դար ու փոսեր են պատահում. պետք ե այդ դար տեղերը քանդել, փոսերը լցնել ու հարթել: Դա, մի կողմից՝ կնպաստի հողի հետագա կանոնավոր վոռոգմանը և, մյուս կողմից՝ կհեշտացնի հողամասում կատարվելիք աշխատանքները:

4. Այսուհետև պետք ե տնկարանի ամբողջ հողը հիմնաշրջել, այսինքն՝ վորոշ խորությամբ հողը պետք ե շուռ տալ այնպես, վոր հողի յերեսի հարուստ մասն ընկնի տակը, իսկ տակի աղքատ մասը՝ վերև: Բացառություն կարող են կազմել այն հողերը, վորոնք շատ փուխր են (ավագահողեր), և վորոնց ստորին ու վերին շերտերը կտրոնները կազմելու և աճելու համար միատեսակ արժեք են ներկայացնում. նման գեպքում շրջելու փոխարեւն հողը կարելի յե ցանկացած խորությամբ միայն փլրեցնել (խորը փլրեցում) առանց շուռ տալու նրա շերտերը: Հիմնաշրջման նպատակն ե նպաստավոր պայմաններ ստեղծել կտրոնների հաջող արմատակալման և զարգացման համար: Հիմնաշրջման խորությունը կախված է տեղի կլիմայական և հողային պայմաններից: Հարավային

չոր շրջաններում, վորտեղ թե ողի և թե հողի խոնավությունը պակաս ե լինում, իսկ ջերմությունը բարձր, հիմնաշրջումն ավելի խոր պիտի կատարել, միջին հաշվով՝ 40—50 սմ: Հուսիսային խոնավ և ցածր ջերմության շրջաններում հիմնաշրջումը համեմատաբար պակաս խորությամբ են անում (տես եջ 31), սակայն 30 սմ-ից վոչ պակաս: Մեր պայմաններում տնկարանի հողը պետք ե հիմնաշրջել մոտ 40—50 սմ խորությամբ: Հիմնաշրջումը կատարում են աշնան և ամառվա ամիսներին, իսկ վորտեղ հնարավոր ե՝ նաև ձմեռը: Ծայրահեղ դեպքում հիմնաշրջում են նաև գարնանը, հենց կտրոնները տնկելու ժամանակ. դա, իհարկ ե, լավ չե: Պիտի աշխատել հիմնաշրջման աշխատանքները գոնե 1,5—2 ամիս նախքան տնկելն ավարտել, վորպեսզի հիմնաշրջված հողն այդ ժամանակամիջոցում բավականաշափ նստի և պատրաստ լինի կտրոնները տնկելու համար:

Հիմնաշրջումը կարելի յե կատարել.

ա) հատուկ գութանների միջոցով (մեքենայական հիմնաշրջում):

բ) ձեռքով—բահերի, քլունգների, յերկաթե նգիների (լոմերի) միջոցով:

գ) պայթեցման միջոցով:

Այս ձեռքից սուսվելապես ուսցիոնալ, հեշտ և եժան ձեռն ե հանդիսանում մեքենայական հիմնաշրջումը, վոր, համեմատած հիմնաշրջման վերջին յերկու ձեռքի հետ, ունի մի շարք սուսվելություններ, վորպիսի սուսվելությունների շնորհիվ, առաջին հերթին մեծ չափերով կը ճատկում ե հիմնաշրջման աշխատանքները կատարելու համար թե պահանջվող բանն ուրական ձեռքերի թիվը և թե անհրաժեշտ ծախսերի չափը: Բացի դրանից, այգեգործության մեջ յեղած արմատական աշխատանքն անհամեմատ ավելի արագ ընթացք ե ստանում: Մեքենայական հիմնաշրջման համար շարժիչ ուժի են ծառայում զանազան տիպի տրակ-

տորներ, շոգեքարշեր, ելեկտրոեներգիան և այլն: Ներկայումս ԽՍՀՄ-ում կիրառվում ե գլխավորապես մեքենայական հիմնաշրջում. բացառիկ դեպքերում, այն ել խիստքարքութերում և լանջերում, հիմնաշրջման աշխատանքները կատարում են ձեռքով կամ պայթեցման միջոցով: Խորհրդային Հայաստանում հիմնաշրջման աշխատանքները կատարում են ելեկտրականության միջոցով տրակտորների միջոցով և մասաբ ձեռքով: Հիմնաշրջման աշխատանքներն ելեկտրականության միջոցով մեզ մոտ՝ Խորհ. Հայաստանում սկսվել են 1932 թվից, խորհ. Ա և Ա տնտեսություններում, վորտեղ ներկայիս լայն ծավալ են ստացել և դրական խոշոր արդյունք են տալիս:

5. Յեթե հողն աղքատ ե, ապա պիտի պարարտացնել. լավ ե՝ որդանական պարարտանույթ (գոմաղբ) տալ:

6. Հողի նախապատրաստական աշխատանքներից մեկն ել հիմնաշրջված հողի մակերեսի հարթեցումն ե: Հիմնաշրջման հետևանքով հողի մակերեսը խորդուբորդ ել լինում. այդ խորդուբորդությունները վերացնելու նպատակով անհրաժեշտ ե հատուկ թիերի միջոցով հողի մակերեսը կանոնավոր հարթել:

Նախապատրաստական այս բոլոր աշխատանքները վերջացնելուց հետո հողը միանգամայն պատրաստ ե կտրոնները տնկելու համար: Սակայն, նախքան տնկելու տեխնիկայի մասին խոսելը, անհրաժեշտ ենք համարում մի փոքր կանգ առնել, թե ինչ խորությամբ և ինչ խորությամբ պետք ե կտրոնները տնկարանում տնկել:

#### 4. ՏՆԿԵԼՈՒ ԽՈՐՈՒԹՅՈՒՆԸ

Միևնույն պայմաններում կտրոնները տնկարանում ընդհանրապես պակաս խորությամբ են տնկում, քան հիմնական տեղում, հետեւյալ նկատառությունում:

1. Հնարավորություն ե ստեղծվում արմատակալած-

ները տնկարանից հեշտությամբ և առանց նրանց ստուրերկըյա հանգույցները կտրելու և կարճացնելու հանելու հիմնական տեղը փոխադրել մինչդեռ, յեթե կտրոնները տնկարանում շատ խոր են (50 սմ և ավելի) տնկում, արմատակալածների հանելը շատ ե դժվարանում և շատ հաճախ հանելու ընթացքում նրանց թե արմատները և թե սոորերկըյա հանգույցները կտրվում են, կամ շատ խոր վերքեր են ստանում, հետևաբար շատ խոր տնկելն անոգուտ մի աշխատանք ե հանդիսանում:

2. տնկելու համար համեմատաբար կարճ կտրոններ են պահանջվում, և այսպիսով տնկանյութը խնայողաբար ե ոգտագործվում:

3. կտրոնների տնկելը, հանելը և միշարք այլ աշխատանքներ զգալի չափով հեշտանում են ու համեմատաբար քիչ ծախսեր են պահանջում:

Հյուսիսային խոնավ և համեմատաբար ցածր ջերմության պայմաններում, վորտեղ անդամ հիմնական տեղում կտրոնները (նաև արմատակալածները) ընդհանրապես ծանծաղ են տնկում, տնկարանում տնկելու խորությունը համարյա հավասար ել լինում հիմնական տեղում տնկելու խորությանը:

Սակայն վերև նշած փաստարկությունները չպետք ել չարը գործադրել և աշխատել կտրոնները տնկարանում չափից դուրս ծանծաղ տնկել: Հաջող արմատակալածներ ստանալու համար հարկավոր ե տնկելու վորոշ խորություն պաշտպանել: Այդ խորությունը վորոշելու համար պետք ե հաշվի առնել տեղի կիմայական և հողային պայմանները: Հարավային չոր և տաք շրջաններում կտրոնները համեմատաբար խոր պետք ե տնկել (մոտ 35—45 սմ), նրանց արմատակալման համար խոնավության նպաստավոր պայմաններ ստեղծելու նպատակով: Նույն այդ պայմաններում չոր, քարքարոտ և անջրդի հողերում կտրոններն ավելի

խոր պիտի տնկել, քան համեմատաբար խոնավ կամ ջրար-  
բի և պարարտ հողերում։ Ընդհակառակը, հյուսիսային  
խոնավ և ցածր ջերմության պայմաններում կտրոններն  
ավելի ծանծաղ են տնկում (մոտ 25—30 սմ), վորպեսզի  
վերջիններիս արմատները հողի վերեկի շերտում լինեն և  
իրենց զարգացման համար բավարար ջերմություն ստա-  
նան։ Խորության վորոշիչ են այն հանգամանքը, թե ինչ  
յերկարությամբ կտրոններ ունենք, մի կողմից, և, մյուս  
կողմից՝ թե ինչ հնարավորություն ունենք փոփոխակները  
ցանկացած քանակությամբ բազմացնելու։ Յեթե փոփոխակն  
ընդհանրապես թույլ աճեցողություն ունի և նրա մատերը  
շատ կարծ են, ապա տնկելու խորությունը պիտի հար-  
մարեցնել այդ փոփոխակի կտրոնների յերկարությանը  
(տես եջ 31)։ Թանգարժեք վորեե փոփոխակ կարծ ժամա-  
նակամիջոցում մեծ քանակությամբ բազմացնելու համար  
կարծ կտրոններ են պատրաստում, հետևաբար, վերջիններս  
պակաս խորությամբ են տնկում։

Հտրցը կոնկրետացնելով Խորհ. Հայաստանի պայման-  
ներին՝ կտրոնները տնկարանում պիտի տնկել մոտ  
35—40 սմ խելությամբ։

Ինքնին հասկանալի յէ, վոր հիմնաշրջման խորու-  
թյունը չի կարող տնկելու խորությունից պակաս լինել  
ընդհակառակը, նա միշտ ել պիտի ավելի լինի (առնվազն  
5—10 սմ)։

### 5. ՏՆԿԵԼՈՒ ԽՏՈՒԹՅՈՒՆԸ

Տնկելու խտություն առելով պիտի հասկանալ, թե  
կտրոնների շարքերը, ինչպես և այդ շարքերում կտրոն-  
ներն իրարից ինչ հեռավորության վրա յեն գտնվում, կամ,  
այլ խոսքով ասած, հողի մեկ միավոր տարածության (որի-  
նակ՝ հեկտար) վրա վորքան կտրոններ են տնկվում։ Կտրոն-  
ները տնկարանում տնկելու խտությունը կախված լինե-

լով մի շարք պայմաններից, տատանվում ե բավականին լայն  
սահմաններում։

Շարքերի մեջ յեղած հեռավորությունը (միջարքային  
տարածությունը) առաջին հերթին կախված ե տնկարանի  
հետագա մշակության ձևերից։ Տնկարանի աշխատանքները  
մեքենայացման յենթարկելու համար, շարքերն իրարից  
համեմատաբար պիտի հեռու դասավորել՝ մոտ 1 մետր-  
այդ հեռավորությունը կախված ե մեքենաների և գործիք-  
ների տեսակից ու նրանց մեծությունից, համենայն  
դեպք 80 սմ վոչ պակաս։

Զեւքով մշակության դեպքում շարքերը կարելի յե ա-  
վելի մոտ գցել, այն ե՝ մոտ 40—50 սմ։ Բացի զբանից, այս  
ինքը լուծումը սերտ կախված ե և նրանից, թե տվյալ  
շրջանում այդիները թաղում են, թե վոչ։ Այստեղ, վորտեղ  
այդիները ձմբան սառնամանիքներից պաշտպանելու հա-  
մար թաղում են, և վորտեղ արմատակալածներն աշնանը  
տնկարանից չեն հանում և, բնական ե, վոր պիտի թաղեն,  
անկարանի շարքերն ավելի հեռու պիտի դասավորված  
լինեն՝ մոտ 1 մետր, վորպեսզի արմատակալածները տե-  
ղում թաղելու համար հնարավոր լինի շարքերի միջից բա-  
վարար չափով հող վերցնել։ Միջարքային տարածությու-  
նը վորոշելուց հետո, անկելուց առաջ, կամ հենց անկելու  
ժամանակ, վանդակները բաժանում են շարքերի և վեր-  
ջիններիս ծայրերում փոքր ցցեր են խփում։ Այդ ցցերը  
ցույց են տալիս շարքերի յերկարությունը և նրանց ուղ-  
ղությունը։

Շարքերում կտրոններն իրարից մոտ կամ հեռու արն-  
կելը կախված ե.

1. Հողի պայմաններից, փուխր, պարարտ, մննդանյու-  
թերով հարուստ հողերում կտրոններն իրարից ավելի հեռու  
պիտի տնկել, քան աղքատ և պինդ հողերում, վորտեղ կտրոն-  
ների աճեցողության համար պակաս նպաստավոր պայ-

մաններ կան. ջրաբրի հողերում ավելի նոսր, քան չոր հողերում:

2. Փոփոխակի աճեցողությունից. միևնույն պայմաններում փարթամ աճող, փոփոխակաների կտրոններն ավելի նոսր պիտի տնկել, քան թույլ, աճեցողներինը:

3. Կտրոնների վիճակից. լավ և կանոնավոր աճած կտրոններն ավելի նոսր պիտի տնկել, քան թույլ ու բարակ կտրոնները: Այն կտրոնները, վորոնք լավ չեն պահպել կամ հեռու տեղից են յեկել ու ճանապարհին վորոշ չափով տուժել են, կամ նրանց կաչելու մասին կասկած ե առաջանում, սովորականից ավելի խիտ պիտի տնկել (տես եջ 60): Դժվարությամբ արմատակալող կտրոնները նմանապես խիտ պիտի տնկել:

Համենայն դեպս շարքերում կտրոնների միջև թողնվելիք տարածությունը 5 սանտիմետրից պակաս և 15 սանտիմետրից ավելի չպիտի լինի. միջին թվով այդ տարածությունը 8—10 սմ ե կազմում: Խորհ. Հայաստանի Արարատյան դաշտավայրի պայմաններում տնկարանի շարքերը պիտի գցել իրարից 1 մետր (յերբեմն 1,25 մետր) հեռավորութան վրա, վորպեսզի հնարավոր լինի աշխատանքները մեքենայացման յենթարկել և արմատակալածները կանոնավոր թագել. շարքերում կտրոնները կարելի յետնկել իրարից մոտ 10 սմ հեռավորության վրա:

Վորպեսզի պարզենք, թե մեկ հեկտար տնկարան անկերու համար վորքան կտրոն ե հարկավոր, պիտի շարքերում կտրոնների մեջ թողնվելիք հեռավորությունը և միջշարքային տարածությունն արտահայտել մետրերով. ստացված թվերն իրար հետ բազմապատկել և ապա 10,000-ը (1 հեկտար հավասար ե 10,000 քառակուսի մետրի) բաժանել ստացված արտադրյալի (բազմապատկումից ստացված թիվը) վրա. քանորդը (բաժանումից ստացված թիվը) ցույց կտա, թե անկերու տվյալ խտության դեպքում վրաքան կտրոն ե պահանջվում մեկ հեկտար անկարան

տնկելու համար: Այսպես, որինակ՝ յեթե շարքերը պիտի գցել իրարից 80 սմ հեռավորության վրա, իսկ կտրոնները շարքերում պիտի տնկել 10 սմ իրարից հեռու, ապա մեկ հեկտար տարածության վրա պիտի տնկել՝  $0,8 \times 0,1 = 0,08$ .  $10000 : 0,08 = 125000$  կտրոն: Այդ հաշիվները հեշտացնելու նպատակով, անհրաժեշտ ենք համարում բերել հետևյալ տախտակը, վորտեղ ցույց ե տրված, թե տարբեր խտության գեպքում վորքան կտրոն ե պահանջվում մեկ հեկտար տնկարան տնկելու համար:


Կտրոնների թվաքանակը մեջնականությունը առավագանքը	Միջարքային տարածությունը սանտիմետրներով								
	40	50	60	70	80	90	100		
Պահանջվող կտրոնների քանակը տնկարանի համար	Պահանջվող կտրոնների քանակը տնկարանի համար	5	500,000	400,000	333,333	285,714	250,000	222,222	200,000
8	312,500	250,000	208,333	178,571	156,250	138,889	125,000		
10	250,000	200,000	166,667	142,857	125,000	111,111	100,000		
12	208,333	166,667	138,889	119,047	104,167	92,593	83,333		
15	166,667	133,333	111,111	95,238	83,333	74,074	66,667		
20	125,000	100,000	83,333	71,428	62,500	55,555	50,000		

#### 6. ՏՆԿԵԼՈՒ ՏԵԽՆԻԿԱՆ

Կտրոնները տնկարանում տնկում են կամ առուներով, կամ յերկաթե նիգերի (լոմերի), զանազան ձեփ ցցերի միջոցով, կամ հատուկ շամփուրներով:

ա). Առուներով տնկելու համար նախապատրաստած հողամասի վրա, ծրագրած շարքերի տեղերում լարի կամ թոկի ոգնությամբ, բաներով բացում են 25—30 սմ լայնությամբ և տնկելու խորությամբ առուներ: Կտրոններն առուների մեջ զասավորում են միմյանցից սահմանված հեռավորության վրա (տես եջ 92), ուղղահայց կամ քիչ թեք դրությամբ, սակայն այնպես, վոր

նրանք հենված լինեն առվի մեկ պատին, և առվից դուրս յուրաքանչյուր կտրոն առնվազն յերկու աչք ունենաւ: Կտրոնները դասավորելու հետ միաժամանակ, առուները հողով լցնում են, վոտքով լավ կոխկորձում (սա կարեոր է, մանավանդ անջրգի պայմաններում) և հողից դուրս յերկու աչք պահելով, կտրոնների ավելորդ մասը սեկատորով կտրում ու հեռացնում են (տես նկ. 20): Տնկելու աշխատանքները հեշտացնելու և արագացնելու նպատակով, պետք է առաջին շարքը տնկելու հետ միաժամանակ բացել յերկրորդ առուն, վորից հանած հողով լցել առաջին առուն, յերկրորդ առուն տնկելիս, բացել յերրորդ առուն, վորից հանած հողը լցնել յերկրորդ առուն և այդպես շարունակ. հողամասի վերջին առուն կարելի յելցնել այդ առվին



Նկ. 20. Կտրոններն առուներով տնկելը

մոտ ու հարմար տեղից վերցված հողով՝ վերջին ժամանակներս առուների փոխարեն հատուկ գութանների միջոցով խոր ակոսներ են բացում, վորոնց մեջ կտրոնները նույն ձեռվ տնկում են և ապա գութանով տնկած ակոսը հողով լցնում: Այս ձեռվ տնկելու աշխատանքներն անհամեմատ ավելի արագ են ընթանում և քիչ աշխատավոր ձեռք և պահանջվում, քան բահերով (ձեռքով) տնկելու դեպքում:


բ) Տնկելը յերկարե նիզերի, ցերի միջոցով.—Յերկարե նիզի կամ սուր ցցի հարվածով նշանած տեղերում

նեղ ու ցանկացած խորությամբ (նայած տնկելու խորությանը) անցքեր են բացում և յուրաքանչյուր անցքի մեջ մեկ կտրոն տեղափորում: Այսուհետեւ նույն յերկաթե նիզը կամ ցիցը խրում են հողի մեջ տնկած կտրոնից 5—10 ամ հեռավորությամբ և թեք ուղղությամբ այն ձեռվ, վոր յերկաթե նիզի կամ ցցի ծայրը մոտենա կտրոնի հիմքին. ապա յերկաթե նիզը կամ ցիցը սեղմում են դեպի կտրոնը, փակելով առաջին անցքը (վորի մեջ գտնվում ե կտրոնը) այնպես, ինչպես ցույց է տված նկ. 21-ում: Հողից դուրս յերկու աչք պահելով՝ կտրոնի ավելորդ մասը հեռացնում են: Տնկելու այս ձեռն ընդհանրապես տարածված չե, նախ՝ վոր շատ աշխատանք է պահանջում և, բացի դրանից, յերկաթե նիզը կամ ցիցն անցքից հանելուն պես անցքը հողով լցվում է, վորով և տնկելու պրոցեսն զգալի չափով դժվարանում է:


գ) Շամփուրերով տնկելը.—Տնկելու այս ձեռ կայանում է նրանում, վոր յերկաթե հատուկ շամփուրի յեղանաձե ճյուղավորված մասով բռնում են կտրոնի հիմքը և նշած տեղում ցանկացած խորությամբ նույն այդ շամփուրով կտրոնը խրում են հողի մեջ, հողից դուրս թողնելով տնկացն 1—2 աչք. այսուհետեւ մեկ ձեռքով կրտրոնի ծայրը բռնելով, մյուս ձեռքով հողից շամփուրն զգուշությամբ հանում են այնպես, վոր կտրոնը տեղահան չլինի և պահանջված խորության վրա գտնվի, վորից հետո նույն շամփուրով հողը տալիս են կտրոնին (նկ. 21): Տնկելու այս ձեռ կիրառում են գլխավորապես փուխը ավազականից բարերում. պինդ ինչպես և քարքարոտ հողերում շամփուրով տնկելը նախ՝ բավականին դժվար է և յերկրորդ՝ կտրոնները տնկելու ժամանակ հեշտությամբ ջարդվում են կամ վիրավորվում: Այս ձեռ կիրառվում է նաև մեզ մոտ Խորհ. Հայաստանում՝ կտրոնները հիմնական տեղում և թե տնկարանում տնկելու ժամանակ (խորհ. III—IV և Լին տնտե-

սություններում և այլն): Վուովվող պայմաններում կտրոնները անկելուց հետո պետք է ջրել:

Ինչ ձեռվ ել կտրոնները տնկելու լինենք, միևնույնն ե, անջրդի պայմաններում ընդհանրապես տնկած կտրոնները



Նկ. 21. Կտրոնների տնկելը շամփուրի միջոցով



Նկ. 22. Կտրոնների բուկ տալը տնկարանում

վերեից մի 3—4 ամ հողով ծածկում են կամ, ինչպես ասում են, բուկ են տալիս, վորպեսզի կտրոնի՝ հողից գուրս գտնված մասն ավելորդ ջուր չգոլորշիացնի և դրանից

կտրոնը չչորանա (տես նկ. 22): Վուովվող ըրջաններում տնկարանը ջրելու համար անհրաժեշտ ե շարքերին մոտ և նրանց զուգահեռ փոքր թմբեր պատրաստել բուկ տալն այս գեպքում ավելորդ ե: Բուկ տալու և թմբեր պատրաստելու աշխատանքները հեշտությամբ ու արագ կերպով կարելի յե կատարել հատուկ տրակտորներով (որինակ՝ Վիդալի), վորոնց պիտի կցել բուկից խոփերով կուտիվատորներ:

Փոփոխակներն առանձին պետք ե տնկել և վոչ մի գեպքում տարբեր փոփոխակների կտրոններ իրար չխառնել:

#### 7. ՏԵԿԱՐԱՆԻ ԽՆԱՄՔԸ

Կտրոնների կպչելու և հաջող զարգանալու համար անհրաժեշտ ե լուրջ ուշադրություն դարձնել տնկարանի խնամքի վրա, վորովհետև կանոնավոր յեկ նիւյ ժամանակին կատարած խնամքը տնկարանի հաջողության ամենալավ գրավականն ե: Հիբավի, թերի կամ ժամանակին չկատարած խնամքը հեշտությամբ կարող ե կտրոնների չորանալու պատճառ դառնալ: Անտ թե ինչու անհրաժեշտ ե մշտական հսկողություն ունենալ տնկարանում կտրոնների ամբողջ վեգետացիոն շրջանում:

Տնկարանի խնամքը կայանում է հետևյալում:

1. Վուովվող պայմաններում տնկարանը պետք է ժամանակին և կանոնավոր ջրել խույս տալով ջրելն ի չարը զործագրելուց, մանավանդ տմառվա՛ վերջում և աշխանամիսներին, յերբ շատ ջրելու հետևանքով տնկինները լավ չեն վայատառում, շվերը կանաչ են մնում. բացի դրանից, կտրոններն անգամ կարող են նեխել: Առկայն և ջրի պակասության հետևանքով կտրոնները հեշտությամբ չորանում են և չեն արմատակալում. այս տեսակետից տնկարանը պիտի ջրել կարիք յեղած գեպքում: Վեգետացիոն ընթաց-

քում ջրելու քանակը կախված է հողային և կիմայական պայմաններից: Կան տեղեր, վորտեղ 1—2 անգամ են ջրում, կան և տեղեր, վորտեղ 10—15 անգամ: Խորհրդային Հայաստանի Արարատյան դաշտի պայմաններում տնկարանը ջրում են միջին թվով 8—10, բացառիկ դեպքում՝ 10—15 անգամ:

2. տնկարանի հողը պետք է փխրուն վիճակում պահել, վորպեսզի, նախ հողից շատ ջուր չգոլորշիանա և յերկրորդ՝ ողը հողի մեջ հետությամբ թափանցի: Թե ջրելուց և թե անձրևներից հետո հողի յերեսը պնդանում է և հեշտությամբ կեղևակալում: Անհրաժեշտ է կուլտիվատորներով, միջարքային տարածությունները հարկ յեղած դեպքում կանոնավոր փխրեցնել (սեղոնի ընթացքում 4—6 անգամ). պետք է ձեռքով զգուշությամբ փխրեցնել և կտրոնների միջև յեղած տարածությունը. պետք է զգուշ լինել, վորպեսզի փխրեցման ժամանակ կտրոնների շվերը չփառ լինեն, չպոկվեն.

3. տնկարանում յեղած մոլախոտերը պետք է վոչընշացնել և հողը միշտ մաքուր վիճակում պահել.

4. ժամանակին պայքար մղել տնկարանը սնկային հիվանդություններից և վասատու միջատներից գերծ պահելու համար: Հաճախ կտրոնների մատղաշ տերեններն ու շվերը վարակվում են միլդյու (չոռ) կոչված սնկային հիվանդությունով. անհրաժեշտ է այդ հիվանդության դեմ սեղոնի ընթացքում տնկարանը մեկ տոկոսանոց բորդոյան հեղուկով մեկ-յերկու անգամ սրսկել: Այն շրջաններում, վորտեղ ոիդիում (սկ) հիվանդությունը հաճախ է պատճում, տնկարանը 1—2 անգամ (յերբեմն ավելի շատ) ծմբով պիտի փոշոտել: Թե սրսկելը և թե փոշառումը կարելի յե կատարել մոտորավոր մեքենաներով, վորոնք ձեռքի ալպարատների և ծմբահար փուքսերի հետ համեմատած, անհամեմատ ավելի արագ են աշխատում, քիչ ծախս ու աշխատավոր ձեռքեր են պահանջում.

5. բուկ տված տնկարաններում ամռան յերկրորդ կիսին անհրաժեշտ է հետ տալ կտրոնները ծածկող հողը, վորպեսզի շվերի հիմքերը կանոնավոր փայտանան.

6. ամառվա յերկրորդ կիսին կամ աշնանը (նախ քան տերեաթափը) անհրաժեշտ է պիտակավորել այն տնկինները, վորոնք տվյալ հողամասում կամ շարքում խառնուրդ են կազմում, վորպեսզի տնկինները հանելու ժամանակ դրանք զատվեն և հիմնական տեղում ցանկացած փոփոխականների տնկինները միայն տնկվեն:

7. այստեղ, վորտեղ այգիները թաղում են, կամ յեթե չեն թաղում, բայց ձմռան սառնամանիքները համեմատաբար խիստ են լինում, և յեթե տնկարանից տնկիններն աշնանը չեն հանում և նրանք անկարանում պիտի ձմեռն, տնկարանը տերեաթափի ժամանակ, մոտավորապես հոկտեմբերի վերջերին, կամ նոյեմբեր ամսի առաջին կիսին պիտի կանոնավոր թաղել՝ ձմռան սառնամանիքներից ազատելու նպատակով:

Կանոնավոր ինամքի և բարենպաստ պայմանների (հող, կլիմա, կտրոններ և այլն) դեպքում տնկած կտրոնների մոտ  $90^{\circ}/_0$ -ը (անգամ ավելի) կպչում է, ու հաջող կերպով զարգանում. Նըանց շվերը մոտ 0,8—1 մետր, անգամ ավելի յերկարության են համում (տես նկ. 13): Մեր սոցիալիստական այգեգործության բնագավառում ծավալված և ավելի ևս ծավալվող սոցմրցման և սոտախանովական շարժման առկայության պայմաններում ավելի մեծ հնարավորություն և ստեղծվում բարձրացնել կտրոնների կպչելու տոկոսն ու շվերի ավելի ուժեղ աճեցողությունը, վորոնք այնքան ազդում են հետագա բերքատվության բարձրացման վրա:

8. Տնկիններ չԱնելը, Տեսակառելն ՈՒ ՊԱՀԵԼԸ

Տնկարանից անկինները հանում են նույն աշնանը, կամ հաջորդ գարնանը, հազվագույն դեպքում միայն, այն եր


յերք տնկիները շատ թույլ են զարգացած լինում, վերջին՝ ներս թողնում են տնկարանում և մեկ վեգետացիոն շրջան։

Աշնան հանելն ունի մի շարք առմվելություններ. նախ՝ տնկարանը շուտ և ազատում, վորով հնարավորություն ենք ստանում հենց աշնանից տնկարանում հաջորդ տարվա համար նախապատրաստական աշխատանքներ տանել, յերկրորդ՝ թեթևանում են զարնան տնկման կամպանիայի աշխատանքները, յերրորդ՝ հնարավորություն ենք ունենում տնկիները հարկ յեղած դեպքում ժամանակին հեռավոր վայրեր ուղարկել: Իքնին համկանալի յե, վոր յեթե տնտեսությունն այդիներ պիտի տնկի նաև աշնանը, ապա անկախ թված առավելություններից, տնկիները հանում են անշանը։ Տնկիների աշնան հանելը պետք է սկսել այն ժամանակ, յերբ նրանց տերևների մեծ մասը թափվել է, և վերջացնել ձմռան սառնամանիքներն սկսելուց առաջ։ Գարնանը տնկիները հանում են, յերբ արդեն որերը բավականաշատ տաքացել են և տնկարտնի հողն այնքան է չորացել, վոր

հնարավորություն է տալիս այդտեղ աշխատանք կատարել. համենայն դեպս տնկիները հանված պիտի լինեն աչքերի բացումից առաջ։

Տնկիները հանում են ձեռքով (բաներով), կամ հատուկ գութաններով. վերջին դեպքում աշխատանքներն անհամեմատ արագ են կատարվում և քիչ աշխատավոր ձեռք է պահանջվում։ Հանած արմատակալածները դարսում են ըստ փոփոխակաների, տնկիները մեկ առ մեկ ուշա-

դրությամբ նայում և նրանցից հիվանդները, վսասվածները, շատ թույլ շվեր ու արմատական սիստեմ ունեցողները խոտանում են։ Ուժեղ տնկիները, վորոնց շվերը կանոնավոր փայտացած են (հիմքից առնվազն 10 ամ յերկարությամբ), ինչպես արմատները լավ զարգացած, դարսում են առանձին և նրանք ոգտագործում հիմնական տեղում տնկելու համար։ Համեմատաբար թույլ տնկիները նպատակահարմար ե նորից տնկարանում տնկել և մեկ վեգետացիոն շրջան այդտեղ մշակելուց հետո միայն հիմնական տեղը փոխադրել։ Տեսակավորման ժամանակ տնկիների շվերն ու արմատները ծայրերից մի փոքր կտրում են։ Տեսակավորված տնկիներից խրձեր են կազմում (յուրաքանչյուրի մեջ 100 հատ) այնպես, ինչպես ցույց է տրված նկ. 23-ում։ Այլ խրձերը մինչեւ հիմնական տեղում տնկելը\*) կամ մի այլ վայր ուղարկելն անհրաժեշտ է կանոնավոր պահել, վորն արվում է նույն ձևով. ինչպես կարոնների պահելը և ուղարկելը։



\*) Տես 8ե. Առանցան ռեալողի այդու տնկելը և նոր տնկարկների խռամքը։

# ԲՈՎԱՆԴԱԿՈՒԹՅՈՒՆ

I ԳԱՂԱՓԱՐ ՎԱԶԻ ԲԱԶՄԱՑՄՆ ՄԱՍԻՆ . . . . .	3
1 Անոական բազմացում . . . . .	3
2. Անսեռ կամ վեգետատիվ բազմացում . . . . .	4
ա) Բազմացումն անդալիսի միջոցով . . . . .	5
բ) Բազմացմումը պատվաստի միջոցով . . . . .	9
II ՎԱԶԻ ԲԱԶՄԱՑՈՒՄԸ ԿՏՐՈՒՆԵՐԻ ՄԻՋՈՑՈՎ . . . . .	24
1. ԿԵՐՈՇԵԼԵՐԻ ՏԵԽԱԿԵՆԵՐԸ . . . . .	24
2. » արմատակարման պայմաններ . . . . .	28
3. » յերկարությունը . . . . .	31
4. » պատրասման (վերցնելու ժամանակը) . . . . .	33
5. » բնուրությունը . . . . .	34
ա) Փոփոխակների ընտրությունը . . . . .	35
բ) Վազերի ընտրությունն ու պիտակավորումը . . . . .	41
գ) Մատերի ընտրությունը և կտրոններ պատրաստելը . . . . .	46
6. ԿԵՐՈՇԵԼԵՐԻ ԱՊՈԽԵԼԻ ՈՒ ՎՐՈՎԱՐԵԼԻ . . . . .	50
7. » պիտանիությունը փորուելու յեղանակը . . . . .	58
8. » նախապատրասումը տնկելուց առաջ . . . . .	60
9. ԿԵՐՈՇԵԼԵՐԻ ՏԵԼԻՔՆԵՐԻ ԽԱՐԺԱ ԺԱՄԱՆԱԿԸ . . . . .	71
10. ԿԵՐՈՇԵԼԵՐԻ ՏԵԼԻՔՆԵՐԻ ՏԵՂ . . . . .	73
III ԽԱՂՈՂԻ ՏԵԿԱՐԱՆԸ ՅԵՎ ՆՐԱ ԽՆԱՄՔԸ . . . . .	82
1. Տեղի բնուրությունը . . . . .	82
2. ՏԵԼԱՐԱՆԻ ՏԵՐԻԱՆՐԻԱՅԻ ԿԱԳՄԱԿԵՐԱՎՈՒՄԸ . . . . .	83
3. Հոգի նախապատրասումը . . . . .	87
4. ՏԵԼԻՔՆԵՐԻ ԽՈՐՈՒՐՅՈՒՆԸ . . . . .	90
5. » ԽՏՏՈՒԹՅՈՒՆԸ . . . . .	92
6. » ՏԵԼԻՑԻԼԱՆԻ . . . . .	95
7. ՏԵԼԿԱՐՄԵՐԻ ԽԲԱՄՔԸ . . . . .	99
8. ՏԵԼԻՑԻԼԵՐԻ ԽԱՅԵԼԻ, ՏԵԽԱԼԱՎՈՐԵԼԻ ՈՒ ԱՊՈԽԵԼԻ . . . . .	101

Տեխ. խմբագիր՝ Հ. Մուրադյան

Սրբագրիչ՝ Գար. Հակոբյան

Դլավլիտի լիազոր № 1169

Հրատ. 409, տիրած 2000, պատվեր 245

Հանձնվել է արտադրության 1937 թ. մարտի 4-ին

Ստորագրված է տպագրելու 1937 թ. ապրիլի 19-ին

Գյուղհետատի տպարան, Յերևան, Նալբանդյան № 11

ՀՀ Ազգային գրադարան



NL0936016

ԳՐԱԴԱՐԱՆ

219

28 АПР 1937

11

26966



Е. АСЛАНЯН

Размножение виноградных лоз  
посредством отрезков

Сельхозгиз

1937

Ереван